

中國醫術小史



自序

居今日醫道凌夷藩籬盡撤醫門久失修葺堂奧將見傾陷嗣其業者不思鳩工庀材共起經營而醉生夢死毫無心肝尙欲以敗椽破瓦變賣以圖利嗚呼是真不將先世基業敗壞無餘不止矣何也吾國自伏羲氏發明醫學神農氏嘗味草木軒轅氏傳保靈蘭祕典古聖人繼往開來拯救民疾惠澤無窮歷代帝王深體此意各知尊重特設專官以掌之並著政令而行之甚則載籍留存列與聖經賢傳并重此當時軌道尙正無有派別因之研求斯學代有傳人四千餘年間繼繼承承各呈成績今則遷流所極異學爭鳴風雨飄搖一路荊棘迷信西醫者恣行攻擊以爲宜即取銷用快其志吾得簡直出之大聲疾呼以告世人曰醫之厄運至此是皆吾同輩之罪有激而使然也嚮者醫知以活人爲務與吾儒道最切果能正本清源早窺門徑各將神農黃帝扁鵲仲景遺書深爲探索上求聖賢立意以明夫陰陽造化之會歸旁及千金外臺河間東垣丹溪諸善本悉心博采以爲療治萬病之準則吾知感痾受診各慶生全醫界增光不少矣即有一二難以救藥法在不治所謂醫能醫病不能醫命亦可告無罪於同胞焉乃予自客遊燕都以至故里歸來閱歷多年徧訪此道苦心孤詣獲同宗旨者固不乏人而權飾妄造虛有其表直稱爲門外漢者實屬不少蓋緣生計逼人未遑斟酌故以僞亂眞害及全體竟得如是結果也爲今之計宜何法以處之曰惟有人人爭自濯磨力求上進終天賦有用之精神日作書淫以雪恥陰陽也表裏也寒熱也虛實也必參之以四時五行臟腑經絡求其

所以受病之處貫徹方針以備吾施治之大法則醫理雖深學力獨到安見文化進步不與古人並駕以齊驅哉自非然者人命至重與吾何冤若非素有研究直造精微忍以個人謀生之故師心自用膽大妄爲置人死地俾神聖相傳絕學日見墜落而成爲晦盲否塞之秋也某也承四世家傳老拙實無所用覩今日醫運若此不禁大抱隱憂因舉平日讀書所得關於醫門真相源源本本有足爲觀感之資者採掇成篇以公同好耿耿此心豈有他哉所願者抱殘守缺極力闡揚或得爲知所興起之一助焉

中華民國二十二年歲次癸酉七月既望福州中醫學社第四組主任兼教員閩侯鄭掄邁庵

甫識於臺江螢廬之來復齋

時年六十有三

中國醫門小史

凡例

一吾國醫門過去歷史衰成全書得資爲後人觀感者至今頗尠嘗考甘伯宗負一時聲望撰歷代名醫姓氏傳由伏羲至唐凡一百二十人其書失傳久矣五代無論已宋元之間通儒踵起對於醫家有無纂輯予甚譚陋殊無所聞惟明代有二人焉一爲祥符李濂曾作醫史十卷一爲吳縣王宏翰亦作古今醫史若干卷其餘傳本不多若古今醫統若醫學入門揄揚先烈均能不遺餘力祇是體例從簡國醫如何發達所以見重於歷代者實少揭出此予定爲六章述而不作詳人所略具有深意閱者諒之

一吾國醫學發源於伏羲畫卦以後皇甫謐作帝王世紀已爲證明雖歷代先醫未嘗提及究竟作書傳世皇甫氏爲一代通儒不能語無根據觀於羅泌作路史亦本其說則可以無疑矣

一自唐虞迄於周秦醫師踵起當不勝枚舉其奈年代久遠載籍未詳無從稽攷即如蓬子馮爲令尹楚子使醫視之見諸左傳寧俞皆醫使薄其醜見諸國語醫之姓名無傳只留事實垂後春秋時已若是之難矣此予始以巫咸伊尹終以扁鵲文摯中間略處頗多實有不得已也

一吾國歷代帝王重醫設官誠知當務之急觀於素問書中黃帝以天師尊岐伯又有少師雷

公之稱似皆用官爵行之不過荒遠難稽故寧從略唐虞夏商書多缺點無論已周秦以還官制獨詳考据較易此予直述至前清爲止以見吾國醫之在先世寔有絕大光榮固不如今日之落寞也

一上古發明醫藥均以帝王身任其事俾人民獲免夭札宜乎政治日見刷新也堯舜禹湯之時雖無所聞然其視民如傷人命當不重而自重周公作周官醫政頗詳秦漢六朝判醫藥爲兩事著於明令唐興顯慶中先行倡修本草旋設藥園研究培植法繼又以專科教育教授諸生醫政修明已見實行矣五代亂極諸事不講何有於醫宋以開寶初政即知重修本草嗣因太宗好醫闢發軒岐家業歷世相承不敢或忽醫政粲然可觀無有過於此時也元明兩代範圍略小較於清世重醫之政則已大不同矣此予望古遙集規今日醫運若斯不禁感慨系之

一吾國醫書自靈素難經流傳之後仲師成傷寒金匱將周秦以前古方歸納在內孫真人撰千金要方及千金翼方復將六朝各名醫諸方採摭成書王肅撰外臺祕要先論後方揭出古來專門授受之法其餘太平聖惠方簡要濟衆方和劑局方取裁宏富并各家專門著作均由素有經驗而成予在故都多年醫餘之暇獲讀內府各醫書知存者存亡者亡較之四庫全書提要已遺佚過半矣茲爲保存醫部故書起見特由二十四史九通內將書目全行錄出以見歷代醫書流傳不少祇是積漸銷磨良爲可惜或冀好古家藏有善本將來能錄

板以公同好是予私衷所切望焉

一 中古醫師踵起既截至周秦爲止則兩漢以下所有明醫自應盡量發表以資考鏡茲予根據二十四史繼以各子書各家筆記復益以各省省志各縣縣志若其人果有醫術特長治驗奇異並學識深純著書垂後無不廣爲搜羅以見吾國醫之深造有如是者然予編輯之餘目迷五色不禁大增感喟蓋倉公仲師華陀諸賢各承師傅克自樹立成爲萬古有數人物他如宋元明各醫襲國家提倡餘風悉心研究成爲精妙學術其中誠有不亞於前賢者獨至清代二百餘年除傅青主徐靈胎葉天士諸先輩外頗覺此道日漸式微欲求傑出醫材膾炙人口而文獻無徵殊多抱憾此予甯缺無濫以俟來者再續爲是

一 是書雖爲六章中國醫門事實已畧備於斯若論近代編史方法必定分門別類層次明白參酌己意纔見時髦予則何敢蓋中醫瀕於今日將次破產矣言無徵不信如再鋪張揚厲啟人疑竇豈不轉貽口實故予獨援山谷評杜詩無一字無來歷之語以爲編輯先例閱者慎勿謂其抄襲成書不肯妄下一筆也幸甚

目錄

- | | |
|-----|----------|
| 第一章 | 上古醫學之發源 |
| 第二章 | 中古醫師之踵起 |
| 第三章 | 歷代醫官之建設 |
| 第四章 | 歷代醫政之施行 |
| 第五章 | 歷代醫書之流行 |
| 第六章 | 兩漢以下名醫列傳 |

中國醫門小史

閩侯鄭掄邁庵編輯

姪則璣校字

第一章 上古醫學之發源

伏羲氏

帝王世紀伏羲氏仰觀象於天俯觀法於地觀鳥獸之文與地之宜近取諸身遠取諸物於是造書契以代結繩之政畫八卦以通神明之德以類萬物之情所以六氣六腑五臟五行陰陽四時水火升降得以有象百病之理得以類推乃嘗味百草而制九鍼以拯天枉焉
路史伏羲氏察六氣審陰陽以資之身而四時水火升降得以有象百病之理得以有類於是嘗草治砭以制民疾而人滋信

神農氏

史記三皇本紀補神農氏以楮鞭鞭草木始嘗百草始有醫藥

帝王世紀炎帝神農氏長於姜水始教天下耕種五穀以食之以省殺生嘗味草木宣藥療疾救夭傷人命百姓日用而不知著本草四卷

外紀古者民有疾病未知藥石炎帝始味草木之滋察其寒溫平毒之性辨其君臣佐使之義嘗一日而遇七十毒神而化之遂作方書以療民疾而醫道自此始矣復察水泉甘苦令人知

褚少孫

長經云血氣

陽轉氣云

天上中氣之任

名王之賊曹見

氣針灸

也所以所謂風

濕濕涼寒也

基礎云倉穀在

之穀仙行之不

所以長久王莽

任桂五梁未

殿中各順色

其方面云此

帝穀仙之術

所避就。由是斯民居安食力而無夭札之患。天下宜之。

通志三皇紀。炎帝神農嘗百草之時。一日百死百生。其所得三百六十物。以應周天之數。後世

取傳為書。謂之神農本草。又作方書以療時疾。

黃帝

帝王世紀。黃帝有熊氏。命雷公岐伯論經脈。旁通問難八十一為難經。教制九針。著內外術經

十八卷

路史。黃帝有熊氏。謂人之生也。負陰而抱陽。食味而被色。寒暑濫之外。喜怒攻之內。天昏凶札

君民代有。乃上窮下際。察五氣。立五運。洞性命。紀陰陽。極咨於岐雷。而內經作。謹候其時。著之

玉版。以藏靈蘭之室。演倉穀。推賊曹。命俞跗。岐伯。雷公。察明堂。究息脈。謹候其時。則可萬全。命

巫彭。桐君。處方。靈餌。湔澣。刺治。而人得以盡年。

僦貸季

素問。岐伯曰。色脈者。上帝之所貴也。先師之所傳也。上古使僦貸季理色脈。而通神明合之金

木水火土。四時八風六合。不離其常。變化相移。以觀其妙。以知其要。欲知其要。則色脈是矣。色

以應日。脈以應月。常求其要。則其要也。夫色之變化。以應四時之脈。此上帝之所貴。以合於神

明也。所以遠死而近生。生道以長。命曰聖王。

岐伯

通志
樵字
仲善

靈樞經黃帝問於岐伯曰。余子萬民。養百姓。而收其租稅。余哀其不給。而屬有疾病。余欲勿使被毒藥。無用砭石。欲以微針。通其經脈。調其血氣。榮其逆順。出入之會。令可傳於後世。必明爲之法。令終而不滅。久而不絕。易用難忘。爲之經紀。異其章別。其表裏。爲之終始。令各有形。先立鍼經。願聞其情。岐伯答曰。臣請推而次之。令有綱紀。始於一。終於九焉。

甲乙經序黃帝咨訪岐伯伯高少俞之徒。內考五臟六腑。外綜經絡血氣色候。參之天地。驗之人物。本之性命。窮神極變。而鍼道生焉。

帝王世紀岐伯黃帝臣也。帝使伯嘗味草木。典主醫病。經方本草。素問之書。咸出焉。

通志三皇紀。帝察五運六氣。乃著岐伯之問。是爲內經。或言內經後人所作。而本於黃帝。內經序。岐伯爲黃帝之臣。帝師之問。醫著爲素問靈樞。總爲內經十八卷。唐太僕王冰次註。爲醫之祖書。脈理病机。治法針經。運氣。靡不詳盡。真天生聖人。以贊化育之書也。

雷公

素問黃帝坐明堂。召雷公而問之曰。子知醫之道乎。雷公對曰。誦而未能解。解而未能別。別而未能明。明而未能彰。足以治羣僚。不足以治侯王。願得受樹天之度。四時陰陽合之。別星辰與日月光。以彰經術。後世益明。上通神農。著至教。擬於二皇。帝曰善。無失之。此皆陰陽表裡上下雌雄相輸應也。而道上知天文。下知地理。中知人事。可以常久。以教衆庶。亦不疑殆。醫道論篇。可傳後世。可以爲寶。雷公曰。請受道。諷誦用解。帝曰。汝受術。誦書。若能覽觀雜學。及於比類。通

合道理子務明之可以十全即不能知爲世所怨雷公曰臣請誦脉經上下篇甚衆多矣別異比類猶未能以十全又安足以明之黃帝曰嗚呼遠哉閔閔乎若視深淵若迎浮雲視深淵尙可測迎浮雲莫知其際聖人之術爲萬民式論裁志意必有法則循經守數按循醫事爲萬民副故事有五過四德汝知之乎雷公避席再拜曰臣年幼小蒙愚以惑不聞五過典四德比類形名虛引其經心無以對帝曰凡診者必知終始有知餘緒切脈問名當合男女聖人之治病也必知天地陰陽四時經紀五臟六腑雌雄表裏刺灸砭石毒藥所主從容人事以明經道貴賤貧富各異品理問年少長勇怯之理審於部分知病本始八正九候診必副矣

靈樞經雷公問於黃帝曰細子得受業通於九針六十篇且暮勤服之近者編絕久者簡垢然尙諷誦弗置未盡解於意矣外揣言渾束爲一未知所謂也夫大則無外小則無內大小無極高下無度東之奈何士之才力或有厚薄智慮褊淺不能博大深奧自強於學若細子細子恐其散於後世絕於子孫敢問約之奈何黃帝曰善乎哉問也此先師之所禁坐私傳之也割臂歃血之盟也子若欲得之何不齋乎雷公再拜而起曰請問命於是矣乃齋宿三日而請曰敢問今日正陽細子願以受盟黃帝乃與俱入齋堂割臂歃血黃帝親祝曰今日正陽歃血傳方敢有背此言者反受其殃雷公再拜曰細子受之黃帝乃左握其手右受之書曰慎之慎之吾爲子言之凡刺之理經脉爲始營其所行知其度量內刺五藏外刺六府審察衛氣爲百病母調其虛實虛寔乃止瀉其血絡血盡不殆矣雷公曰此皆細子之所以通未知其所約也黃帝

玩音玩

擒引作矢擒引身

九熊顧鳥呻之

象

紫抗謂按摩而

玩弄身体使調

其氣也

每熨謂毒病之

處以藥物熨貼

也

擗音匿，開持也

探音古，抄也

爪幕者以爪決其

蘭幕也

荒即膏盲也

曰夫約方者猶約囊也囊滿而弗約則輸泄方成弗約則神與弗俱雷公曰願為下材者弗滿而約之黃帝曰未滿而知約之以為工不可以為天下師

俞附

史記扁鵲傳上古之時醫有俞跗治病不以湯液醴醪鑿石拊引案抗毒熨一撥見病之應因五臟之輸乃割皮解肌訣脉結筋擗髓腦探荒爪幕瀚浣腸胃漱滌五臟練精易形

說苑上古之為醫者曰俞跗俞跗之為醫也擗髓腦東盲幕吹灼九竅而定經絡死人復為生人故曰俞跗

少俞

古今醫統少俞黃帝臣俞跗弟也醫術多與其兄同

巫彭

路史黃帝命巫彭桐君處方盪飢瀚刺治而人得以盡年

桐君

古今醫統少師桐君為黃帝臣識草木金石性味定三品藥物以為君臣佐使撰藥性四卷及探藥錄紀其花葉形色論其相須相反及立方處治寒熱之宜至今傳之不泯

伯高氏

古今醫統伯高氏黃帝臣未詳其姓佐帝論脈經窮究義理附素問中

鬼史區

王冰素問註鬼史區十世祖當神農之世說太始天元玉冊今按文有十二篇
古今醫統鬼史區黃帝臣未詳其姓佐帝發明五行詳論脈經有問對難經究盡義理以爲經
論民到於今賴之

苗父

說苑上古之爲醫者曰苗父苗父之爲醫也以管爲席以芻爲狗北面而祝發十言耳諸扶而
來者輿而來者皆平復如故
古今醫統苗父上古神醫古祝由科此其始也

巫妨

千金方上古有巫妨者立小兒顛顛經以占夭壽判疾病死生世相傳授始有小兒方焉（按
巢氏巫妨作巫方）

第二章 中古醫師之踵起

陶唐氏

巫咸

世本巫咸堯帝時臣以鴻術爲堯之醫能祝延人之福愈人之病祝樹樹枯祝鳥鳥墜

商

通鑑 宋司馬

溫公所著

伊尹

甲乙經序伊尹亞聖之才撰用神農本草以為湯液

通鑑伊尹佐湯伐桀放太甲於桐宮閔生民之疾苦作湯液本草明寒熱溫涼之性酸苦辛甘鹹淡之味輕清重濁陰陽升降走十二經絡表裏之宜今醫言藥性皆祖伊尹著有湯液本草

周

巫彭

古今醫統巫彭初作周醫官謂人惟五穀五藥養其病五聲五色視其生觀之以九竅之變察之以五臟之動遂用五毒攻之以藥療之

醫緩

左傳晉侯夢大厲被髮及地搏膺而踊曰殺余孫不義余得請於帝矣壞大門及寢門而入公懼入於室又壞戶公覺召桑田巫巫言如夢公曰何如曰不食新矣公疾病求醫於秦秦伯使醫緩為之未至公夢疾為二豎子曰彼良醫也懼傷我焉逃之其一曰居肅之上膏之下若我何醫至曰疾不可為也在肅之上膏之下攻之不可達之不及藥不至焉不可為也公曰良醫也厚為之禮而歸之六月丙午晉侯欲麥使甸人獻麥饋人為之召桑田巫示而殺之將食張如廁陷而卒小臣有晨夢負公以登天及日中負晉侯出諸廁遂以為殉

醫和

肅心下也

也

也 考為之治病

也

晉侯考晉景公

此魚也

也言也

也言也

也言也

也言也
宮商角徵

音矩

進也

音久

左傳晉侯有疾求醫於秦秦伯使醫和視之曰疾不可為也是謂近女室疾如蠱非鬼非食惑以喪志良臣將死天命不祐公曰女不可近乎對曰節之先王之樂所以節百事也故有五節遲速本末以相及中聲以降五降之後不容彈矣於是有煩手淫聲留埋心耳乃忘平和君子弗聽也物亦如之至於煩乃舍也已無以生疾君子之近琴瑟以儀節也非以留心也天有六氣降生五味發為五色徵為五聲淫生六疾六氣曰陰陽風雨晦明也分為四時序為五節過則為菑陰淫寒疾陽淫熱疾風淫末疾雨淫腹疾晦淫惑疾明淫心疾女陽物而晦時淫則生內熱惑蠱之疾今君不節不時能無及此乎出告趙孟趙孟曰誰當良臣對曰主是謂矣主相晉國於今八年晉國無亂諸侯無闕可謂良矣和聞之國之大臣榮其寵祿任其大節有菑禍興而無改焉必受其咎今君至於淫而生疾將不能圖恤社稷禍孰大焉主不能禦吾是以云也趙孟曰何謂蠱對曰淫溺惑亂之所生也於文皿蟲為蠱穀之飛亦為蠱在周易女惑男風落山謂之蠱皆同物也趙孟曰良醫也厚其禮而歸之

醫詢

尸子醫詢未詳其姓春秋時人秦良醫有張子求療背疾謂之曰非吾背任君治之詢醫之即愈必有所委然後能有所任也

盧氏 婦氏 俞氏

列子力命篇楊朱之友曰季梁季梁得疾七日大漸其子環而泣之請醫季梁謂楊朱曰吾子

也言也
晉侯也
也言也

子各禦寇

音棟乳汁也

寶去肌飽也

賜也

愈也

可敬也

池之水揚舊說云上池

謂未至地水蓋承取

及竹木上水取之以

藥服之三十日當

死鬼神也

猶邊也左能隔障

死發遺之人則服也

語也

治也

不肖如此之甚汝奚不爲我歌以曉之楊朱歌曰天其勿識人胡能覺匪祐自天弗孽由人我乎汝乎其弗知乎醫乎巫乎其知之乎其子弗曉終謁三醫一曰矯氏二曰俞氏三曰盧氏診其所疾矯氏謂季梁曰汝寒溫不節虛實失度病由饑飽色欲精虛煩散非天非鬼雖漸可攻也季梁曰衆醫也亟屏之俞氏曰汝始則胎氣不足乳湏有餘病非一朝一夕之故其所由來漸矣勿可已也季梁曰良醫也且食之盧氏曰汝疾不由天亦不由人亦不由鬼稟生受形既有制之者矣亦有知之者矣藥石其如汝何季梁曰神醫也重貶遣之俄而季梁之疾自瘳

長桑君

史記扁鵲傳扁鵲少時爲人舍長舍客長桑君過扁鵲獨奇之常謹遇之長桑君亦知扁鵲非常人也出入十餘年乃呼扁鵲私坐問與語曰我有禁方年老欲傳與公公毋泄扁鵲曰敬諾乃出其懷中藥予扁鵲飲是以上池之水三十日當知物矣乃悉取其禁方書盡與扁鵲忽然不見殆非人也扁鵲以其言飲藥三十日視見垣一方人以此視病盡見五臟癥結特以診脈爲名耳

扁鵲

戰國策醫扁鵲見秦武王武王示之病扁鵲請除左右曰君之病在耳之前目之下除之未必已也將使耳不聽目不明君以告扁鵲扁鵲怒而投其石曰君與知者謀之而與不知者敗之使此知秦國之政也則君一舉而亡國矣

史記本傳扁鵲者勃海郡鄭人也

姓秦氏名越人爲醫或在齊或在趙

或在趙者名扁鵲當晉昭公時

諸大夫強而公族弱趙簡子爲大夫

專國事簡子疾五日不知人大夫皆懼

於是召扁鵲扁鵲入視病出董安于問

扁鵲扁鵲曰血脈治也而何怪昔秦穆

公嘗如此七日而寤寤之日告公孫支

與子輿曰我之帝所甚樂吾所以久者

適有所學也帝告我晉國且大亂五世

不安其後將霸未老而死霸者之子且

令而國男女無別公孫支書而藏之秦

策於是出夫獻公之亂文公之霸而襄公敗秦師於殽而歸縱淫此子之所聞今主君之病與之同不出三日必開

閒必有言也居二日半簡子寤語諸大夫曰我之帝所甚樂與百神遊於鈞天廣樂九奏萬舞不類三代之樂其聲動心有一熊欲援我帝命我射之中熊能死有熊來我又射之中熊能死

帝甚喜賜我二笥皆有副吾見兒在帝側帝屬我一翟犬曰及而子之壯也以賜之帝告我晉國且世衰七世而亡嬴姓將大敗周人於范魁之西而亦不能有也董安于受言書而藏之以扁鵲言告簡子簡子賜扁鵲田四萬畝其後扁鵲過虢執虢太子死扁鵲至虢宮門下問中庶子

喜方者曰太子何病國中治穰過於衆事中庶子曰太子病血氣不時交錯而不得泄暴發於外則爲中害精神不能止邪氣邪氣積蓄而不得泄是以陽緩而陰急故暴蹶而死扁鵲曰其死何如時曰雞鳴至今日收乎曰未也其死未能半日也言臣齊勃海秦越人也家在於鄭未嘗得望精光侍謁於前也聞太子不幸而死臣能生之中庶子曰先生得無誕之乎何以言太子可生也扁鵲仰天歎曰夫子之爲方也若以管窺天以郟視文越人之爲方也不待切派望

而治

屬其虛

也

也

也

也

也

也

而治

屬其虛

也

也

也

也

也

也

也

也

也

也

也周人謂為

也也者亡之心

也成係取鄉邑

十三星也

音德 史記有

信注道旁有

與去為甲求補樓

音厥釋名云厥

從下厥起上行

及心脊也 鐘律

脈纏繞於胃

紐赤脈也

房林以睫也 支

色聽言寫形言病之所在聞病之陽論得其陰聞病之陰論得其陽病應見於大表不出千里
決者至衆不可曲止也子以吾言為不誠試入診太子當聞其耳鳴而鼻張循其兩股以至於
陰當尚溫也中庶子聞扁鵲言目眩然而不瞬舌矯然而不下乃以扁鵲言入報虢君虢君聞

之大驚出見扁鵲於中闕曰竊聞高義之日久矣然未嘗得拜謁於前也先生過小國幸而舉
之偏國寡臣幸甚有先生則活無先生則棄捐墳溝壑長終而不得反言未卒噓唏服臆魂精

泄橫流涕長潛忽忽承耿悲不能自止容貌變更扁鵲曰若太子病所謂尸蹶者也夫以陽入
陰中動胃纏緣中經維絡別下於三焦膀胱是以陽脈下遂陰脉上爭會氣閉而不通陰上而

陽內行下內鼓而不起上外絕而不為使上有絕陽之絡下有破陰之紐破陰絕陽之色已斂
脈亂故形靜如死狀太子未死也夫以陽入陰支蘭藏者生以陰入陽支蘭藏者死凡此數事

皆五藏蹶中之時暴作也良工取之拙者疑殆扁鵲乃使弟子子陽厲鍼砥石以取外三陽五
會有間太子蘇乃使子豹為五分之熨以八減之齊和煮之以更熨兩脇下太子起坐更適陰

陽但服湯二旬而復故故天下盡以扁鵲為能生死人扁鵲曰越人非能生死人也此自當生
者越人能使之起耳扁鵲過齊齊桓侯客之入朝見曰君有疾在腠理不治將深桓侯曰寡人
無疾扁鵲出桓侯謂左右曰醫之好利也欲以不疾者為功後五日扁鵲復見曰君有疾在血

脈不治恐深桓侯曰寡人無疾扁鵲出桓侯不悅後五日扁鵲復見曰君有疾在腸胃間不治
將深桓侯不應扁鵲出桓侯不悅後五日扁鵲復見望見桓侯而退走桓侯使人問其故扁鵲

有人
力也

曰疾之居腠理也。湯熨之所及也。在血脈鍼石之所及也。其在腸胃酒醪之所及也。其在骨髓雖司命無奈之何。今在骨髓。臣是以無請也。後五日桓侯體病使人召扁鵲。扁鵲已逃去。桓侯遂死。扁鵲名聞天下。過邯鄲。聞貴婦人即爲帶下醫。過雒陽。聞周人愛老人。即爲耳目痺醫。來入咸陽。聞秦人愛小兒。即爲小兒醫。隨俗爲變。秦太醫令李醜自知伎不如扁鵲也。使人刺殺之。至今天下言脈者由扁鵲也。

列子湯問篇魯公扈齊嬰二人有疾。同請扁鵲求治。扁鵲治之。既同愈。謂公扈齊嬰曰。汝曩之所疾。自外而干腑臟者。固藥石之所已。今有偕生之疾。與體偕長。今爲汝攻之。何如。二人曰。願先聞其驗。扁鵲謂公扈曰。汝志強而氣弱。故足於謀而寡於斷。齊嬰志弱而氣強。故少於慮而傷於專。若換汝之心。則均於善矣。扁鵲遂飲二人毒酒。迷死三日。剖胸探心。易而置之。投以神藥。既悟如初。二人辭歸。於是公扈反齊嬰之室。而有其妻子。妻子弗識。齊嬰亦反公扈之室。有其妻子。妻子亦弗識。二室因相與訟。求辨於扁鵲。扁鵲辨其所由。訟乃已。

文摯

呂氏春秋齊閔王疾。使人之宋迎文摯。文摯診王疾。謂太子曰。非怒則王疾不可治。怒王則文摯死。太子曰。苟已王疾。臣與母以死爭之。願先生勿患也。摯曰。諾。與太子期而往。不當者三。齊王固已怒矣。文摯至。不解履登牀。履王衣。問疾。王怒不與言。文摯因出。陋辭以重怒王。王吐而起。遂乃疾已。王不悅。果以鼎生烹文摯。太子與母合爭之。不得。夫忠於平世。易忠於濁世。難也。

醫官是設

取盛於唐

序

杜佑著

著

宋士子助

著

漢書范蔚宗

古今醫統文摯戰國時宋之良臣洞明醫道兼能異術龍叔子有疾文摯令背明而立從後視之曰吾見子之心方寸之地虛矣治之遂愈

第三章 歷代醫官之建設

古者天子諸侯皆設官以掌醫事歷代相承勿替各有名稱今特就其可考者揭之如左

周

周禮天官之屬有醫師上士二人下士二人府二人史二人徒二十人食醫中士二人疾醫中士八人瘍醫下士八人獸醫下士四人

秦

通典秦有太醫令丞主醫藥按秦時又有侍醫見史記刺客傳

前漢

漢書百官公卿表奉常屬官有太醫令丞少府屬官有太醫令丞

漢官儀太醫令周官也秩二千石丞三百石

太平御覽少府太醫令丞屬員多至數百人按漢時又有太醫監見漢書外戚傳又有侍醫

見王嘉傳貢禹傳及藝文志

後漢

後漢書百官志太醫令一人秩六百石藥丞方丞各二人

通典漢有醫工長。按後漢有尙藥監見後漢書蓋勳傳。又通典漢太醫令丞屬少府。魏因之。

晉

晉書職官志。宗正統太醫令史。及渡江哀帝省并太常。太醫以給門下省。按令史疑令丞之譌。因晉制沿漢魏之舊無改革也。

南宋

宋書百官志。太醫令一人丞一人屬起部亦屬領軍。

南齊

資治通鑑。齊有御師。按此齊明帝建武元年事也。

南梁

隋書百官志。梁門下省置太醫令。又太醫二丞中藥藏丞爲三品勳一位。

南陳

冊府元龜尙藥自梁以降皆太醫兼其職。陳如梁制。按梁時又有太醫正。見北史姚僧坦傳。

北魏

魏書官氏志。太醫博士從第七品下。太醫助教從第九品中。按北魏有太醫令。見魏書藝術

傳。又有侍御師。見徐齊傳。及汪顯傳。魏制太醫令屬太常掌醫藥。而門下省別有尙藥局。見通

鑑注。

北齊

册府元龜北齊門下省統尙藥局有典御二人侍御師四人尙藥監四人總御藥之事。隋書百官志北齊太常屬官有太醫令丞又有尙藥局丞二人中侍中省有中尙藥典御及丞各二人。

北周

通典北周正四命天官太醫小醫等下大夫正三命天官小醫醫正瘍醫正瘍醫等下士。按北周又有主藥六人見孫逢吉職官分記。

隋

隋書百官志高祖置門下省統尙藥局典御二人侍御醫直長各四人醫師四十人太常統太醫署令二人丞一人太醫署有主藥二人醫師二百人藥園師二人醫博士二人助教二人按摩博士二人呪禁博士二人煬帝分門下爲殿內省統尙藥局置奉御二人正五品直長貳之正七品又有食醫員尙藥直長四人及侍御醫司醫醫佐太醫署又置醫監五人正五人藥藏局監丞各二人又有侍醫四人典醫丞二人。

唐

新唐書百官志太醫署令二人從七品下丞二人醫監四人並從八品下醫正八人從九品下醫師二十人醫工一百人醫生四十人典藥二人。

舊唐書職官志。殿中省有尙藥局奉御二人。正五品下。直長四人。正七品下。書史四人。侍御醫四人。從六品下。主藥十二人。藥童三十人。司醫四人。正八品上。醫佐八人。正八品下。按摩師四人。呪禁師四人。

唐六典。太醫署有府二人。史四人。主藥八人。藥童二十四人。藥園師二人。藥園生八人。掌園四人。醫師二十人。醫工百人。醫生四十人。典藥一人。鍼工二十人。鍼生二十人。按摩工五十六人。按摩生十五人。呪禁工八人。呪禁生十人。

五代

文獻通考。五代時有翰林醫官使。

宋

宋史職官志。掌藥局屬殿中省。有典御。有奉御。有醫師。太常寺太醫局。有令。有丞。有教授。有九科醫生三百人。南渡後改爲太醫局。局生一百人。

文獻通考。宋制翰林醫官院使副各二人。直院四人。掌藥奉御六人。醫官醫學祇候無定員。其醫官有和安。成和。成安。等大夫。爲從六品。成全。和平。和保安。等大夫。及翰林良醫。爲正七品。和安。成和。成安。成全。保和。保安。等郎。及太醫局令。翰林中之醫官。醫正。醫效。醫痊。爲從七品。主管太醫局及翰林醫愈。醫證。醫診。醫候。爲從八品。太醫局丞。爲正九品。翰林醫學。爲從九品。又有醫官使副使。按宋時又有御藥院。見續資治通鑑長編。

遼

遼史百官志。北面局官職名。有太醫局。南面官翰林醫院。有翰林醫官。

金

金史百官志。太醫院提點正五品。使從五品。副使從六品。判官從八品。管勾從九品。隨科至十人。設一員。又有正奉。上太醫。副奉。上太醫。長行太醫。御藥院提點從五品。直長正八品。都監正九品。同監從九品。

元

元史百官志。太醫院秩正二品。院使十二員。同知三員。正三品。僉院二員。從三品。同僉二員。正四品。院判二員。正五品。經歷二員。正七品。令史八人。譯史二人。知印二人。通事二人。宣使七人。醫學提舉司秩從五品。領各處醫學提舉一員。副使提舉一員。官醫提舉司秩從六品。提舉一員。同提舉一員。副提舉一員。於河南浙江江西湖廣陝西五省各立一司。餘省設太醫散官。分十五階。保宜保康大夫爲從三品。保安保和大夫爲正四品。保順大夫爲從四品。保冲大夫爲正五品。保全郎爲從五品。成安郎爲正六品。保和郎爲從六品。成全郎爲正七品。醫正郎爲從七品。醫效醫候郎爲正八品。醫痊醫愈郎爲從八品。按元代又有典醫監及御藥院諸職。皆旋置旋廢。

明

科至十人。設一員。以術者充。以未有十人。俟三十人而後置正。

明史職官志太醫院院使一人正五品院判二人正六品御醫十八人吏目十人生藥庫惠民藥局各大使一人副使一人

清

大清會典太醫院院使一人左右院判各一人其屬御醫十五人吏目三人醫士四十人醫員三十人醫生二十六人

第四章 歷代醫政之施行

按路史神農命儺貸季理色脉對察和劑摩踵誦告以利天下而人得以繕其生此即吾國醫政之嚆矢也上古民智未開多以疾病爲鬼神所祟祈禱療法居多藥物療法甚少故常以巫醫並握治病之權至周而方有醫政可舉秦漢以降皆設專官掌之唐代始分專科宋代最爲普遍元代範圍畧小明代尙有醫政清則視爲技術之一專供政府之用矣茲畧述之如左

周

周官醫師掌醫之政令聚毒藥以供醫事凡邦之有疾病者有疝瘍者造焉則使醫分而治之歲終則稽其醫事以制其食十全爲上十失一次之十失二次之十失三次之十失四爲下又有食醫掌天子之飲膳疾醫掌民間之內病瘍醫掌民間之外病獸醫療牲畜之疾其設置在昔爲完備矣

秦

首已卑履切
說文疝頭瘡也

秦以太醫令掌全國之醫藥。侍醫掌君主之醫藥。蓋周衰以後，秦之醫術最良，故左傳載晉侯之求醫多在秦也。

漢魏六朝

漢魏六朝於醫政雖無表見，而官制則漸著。前漢以屬奉常之太醫掌國家醫事，屬少府之太醫掌皇室醫事。侍醫以治人主之疾病，後漢又分少府之太醫丞爲醫藥兩職，一主醫方，一主藥物。六朝合兩太醫爲一，而爲設尙藥局以掌人主之醫藥，蓋供奉君主之事多，而整理民間之事少矣。

唐

唐制踵隋而益詳，更以醫事教授諸生，以本草、甲乙、脉經分而爲業。一曰體療，二曰療腫，三曰少小，四曰耳目口齒，五曰角法。鍼博士掌教鍼生，以經脉孔穴按摩。博士掌教導引之法，以除疾損傷折跌者正之。咒禁博士掌教咒禁，祓除爲厲者齋戒以受焉。又設藥園以研究藥草之培植法，蓋至此而醫學始有專科教育矣。

五代

五代以翰林醫官使掌之，其詳不可考。

宋

宋於太醫院設九科，學生三百人。內中大方派一百二十人，風科八十人，小方派二十人，眼科

兩法二字應作傷
科解

二十人瘡腫兼折瘍二十人產科十人。口齒咽喉科十人。鍼灸科十人。金鍼兼書禁科十人。大方脈以素問難經傷寒論巢氏病源爲必修之學。小方脈以難經巢氏病源太平聖惠方爲必修之學。考試命題分墨義。脈義大義論方。假令運氣六類。歲終會其全失而定賞罰。又於諸州縣均設官醫及教授諸職。以太醫院掌醫之教育。翰林醫官院掌醫之政令。御藥院掌皇室之醫事。醫官之成績優者得升轉爲普通官職。蓋當時醫術爲人主之所好。故能普遍全國而爲最盛之時也。

元

元以御藥院掌皇室之醫事。太醫院掌尋常之醫事。又於各省設醫學提舉司。統轄各路之醫學提舉及各種考驗之事。其種類分大方脈科。小方脈科。風科。產科。眼科。口齒科。咽喉科。正骨科。瘡腫科。鍼灸科。祝由科。禁科。其合試經書。則素問難經。聖濟總錄。本草。千金方。各州縣之願報考者。三年一試。期以八月中。選者以來春二月赴大都應試焉。

明

明以國家醫事并屬於太醫院。分大方脈。小方脈。婦人瘡瘍。鍼灸。眼。口齒。接骨。傷寒。咽喉。金鍼。按摩。祝由。十三科。以素問難經。本草。脈經。脉訣。及本科緊要方書爲教授。擇醫家子弟學習。補官。又選外省名醫授以官職。一體陞轉。蓋太醫院至元代方爲獨立之官署。至明方爲統轄全國之醫事也。

清

清仍明制以太醫院掌醫之政令率其屬以供醫事分大方脈小方脈傷寒科婦人科瘡瘍科鍼灸科眼科口齒咽喉科正骨科全院官士皆分科習業各省民醫及舉貢生監有職銜人通醫理者亦可由外省長官保入太醫院考試授以官士之職凡考試醫士醫生本院堂官須於素問難經本草脈訣及本院方藥內出題蓋至此而太醫院幾純爲供奉人主之用於教育考核之道少矣。

第五章 歷代醫書之流傳

吾國醫藥遺書不去於秦代。羲農正業得以弗墜亦云幸矣。考漢書藝文志醫經七家二百一十六卷。經方十一家二百七十四卷。當時古書尙有流傳者。隋志醫方二百五十六部四千五百一十三卷。唐志明堂經脈類一十六家三十五部二百三十一卷。醫術六十四家一百二十部四千四十六卷。宋三朝志經脈四十六部一百四十卷。醫術一百九十一部二千九十九卷。兩朝志經脈二十九部四十五卷。醫術八十四部二百二十六卷。四朝志醫書類三十六部二百九卷。中興志醫書類一百七十九家二百九部一千二百五十九卷。宋史藝文志醫書類五百九部三千三百二十七卷。遼金元三史不立藝文志散見各紀傳中。明史藝文志醫書類六十八部一千六十四卷。歷代卷帙繁多。疊經衰亂。不克全書流傳。良爲可惜。茲特就其名目可攷者錄之如左。

黃帝素問二十四卷。暹氏曰：昔人謂素問者，以素書黃帝之問，猶言素書也。唐王冰注，謂漢藝文志有黃帝內經十八卷，素問即其經之九卷，兼靈樞九卷，迺其數焉。先是第七亡逸，冰時始獲，乃詮次注釋，凡八十一篇，分二十四卷。今又亡刺法本論二篇，冰自號啓元子，醫經之傳於世者多矣。原百病之起，瘡者本乎黃帝，辯百藥之味性者本乎神農，湯液則稱伊尹，三人皆古聖人也。憫世疾苦，親著書以垂後，而世之君子不察，乃以爲賤技，恥習之。由此故，今稱醫者多庸人，治之失理，以生爲死者甚衆，激者至云有病不治，常得中醫，豈其然乎？故予錄醫頗詳，隋志以此書爲首，今從之。陳氏曰：黃帝與岐伯問答三墳之書，無傳久矣，此固出於依託，要是醫書之祖也。唐太僕令王冰注，自號啓元子，按漢書但有黃帝內經，至隋志乃有素問之名，又有全元起素問注八卷。嘉祐中光祿卿林億、國子博士高保衡承詔校定補注，亦頗采元起之說，附見其中，其爲篇八十有一。王冰者，實應中人也。

靈樞經九卷。暹氏曰：王冰謂此書即漢志黃帝內經十八卷之九也，或謂好事者於皇甫謐所集內經倉公論中抄出之，名爲古書也，未知孰是。

呂楊注八十一難經五卷。暹氏曰：秦越人撰，吳呂廣注，唐楊元操演，越人渤海人家，於盧授長桑君祕術，明洞醫道，世以其與黃帝時扁鵲相類，乃號之爲扁鵲。采黃帝內經精要之說，凡八十一章，以其爲趣深遠，未易了解，故名難經。元操編次爲十三類。陳氏曰：漢志亦但有扁鵲內外經而已，隋志始有難經，唐志遂屬之越人，皆不可考，難當作去聲讀。

丁德用注難經五卷。暹氏曰：德用以楊元操所演甚失大義，因改正之。經文隱奧者，繪爲圖，德用濟陽人。嘉祐末，其書始成。陳氏曰：序言太醫令呂廣重編此經，而楊元操復爲之註覽者，難明，故爲補之。且間爲之圖，首篇爲診候最詳，凡二十四難，蓋脈學自扁鵲始也。

虞庶注難經五卷。暹氏曰：皇朝虞庶註，庶仁壽人，寓居漢嘉，少爲儒，已而棄其業，習醫，爲此書以補呂楊所未盡。黎奉辰治平間爲之序。

金匱玉函經八卷。暹氏曰：漢張仲景撰，晉王叔和集，設答問雜病形證脈理，悉以療治之方。仁宗朝，王洙得於館中，用之甚効，合二百六十二方。陳氏曰：林億等校正此書，王洙於館閣藏簡中得之，曰：金匱玉函要畧方。上卷論傷寒，中論雜病，下載其方，并療婦人，乃錄而傳之。今書以逐方次於證候之下，以便檢用，其所論傷寒文多缺畧，故但取雜病以下，止服食禁忌二十五篇，二百六十二方，而仍其舊名。

仲景傷寒論十卷。暹氏曰：漢張仲景述，晉王叔和撰次，按名醫錄云：仲景南陽人名機，仲景其字也。舉孝廉，官至長沙太守，以宗族二百餘口，建安紀年以來，未及十稔，死者三之二，而傷寒居其七，乃著論二十二篇，證外合三百九十七法，一百一十三方。善醫者，或云仲景著傷寒論，誠不刊之典，然有大人之病，而無嬰孺之患，有北方之藥，而無南方之治，此其所闕者。蓋陳蔡以南，不可用柴胡白虎二湯治傷寒，其言極有理。陳氏曰：其文辭簡古奧雅，又名傷寒卒病論，凡一百一十三方。古今治傷寒者，未有能出其外者也。

脈經三卷。晁氏曰題云黃帝撰論診脈之要凡二十一篇。

王叔和脈經十卷。晁氏曰晉王叔和撰按唐甘伯宗名醫傳曰叔和西晉高平人性度沉靖博通經方精意診處尤好著述其書纂岐伯華佗等論脈要訣所成叙陰陽表裡辨三部九候分人迎氣口神門條十二經二十四氣奇經八脈五藏六腑三焦四時之病纖悉備具咸可用凡九十七篇皇朝林億等校正。

脈訣一卷。晁氏曰題曰王叔和皆歌訣鄙淺之言後人依託者然最行於世。

脈訣機要三卷。脈要新括一卷。陳氏曰通真子撰不著名氏熙寧以後人也以叔和脈訣有臆疏鄙俗處疑非叔和作以其不類故也乃作歌百篇按經注又自言常爲傷寒括要六十篇其書未之見。

巢氏病源候論五卷。晁氏曰隋巢元方等撰元方大業中被命與諸醫共論衆病所起之源皇朝舊制監局用此書課試醫生昭陵時詔校本刻牘頒行宋綬爲序。陳氏曰元方隋太醫博士其書惟論病證不載方藥今按千金方諸論多本此書業醫者可以參考。

雷公炮炙三卷。晁氏曰宋雷敔撰胡洽重定述百藥性味炮熬煮炙之方其論多本之於乾寧晏先生敔稱內究守國安正公當是官名未詳。

天元玉策三十卷。晁氏曰啓元子撰即唐王冰也書推五運六氣之變唐人物志云冰仕至太僕令年八十餘以壽終。

說苑
音業不

言
七

千金方三十卷 暹氏曰唐孫思邈撰思邈博通經傳洞明醫術著用藥之方診脈之訣鍼灸之穴禁咒之法以至導引養生之要無不周悉後世或能窺其一二未有不爲名醫者然議者頗恨其獨不知傷寒之數云 陳氏曰自爲之序名曰千金備急要方以爲人命至重有貴千金一方濟之德踰於此其前類例數十條林億等新纂

千金翼方三十卷 暹氏曰思邈著千金方復掇集遺軼以羽翼其書成一家之言林億等謂首以之藥錄次之以婦人傷寒小兒食性辟穀退居補益雜病瘡癰色脈鍼灸而禁經終焉皆有指意云 陳氏曰其末兼及禁術用之多驗

外臺祕要方四十卷 暹氏曰唐王燾撰燾在臺閣二十年久知洪文館得古方書數千百卷因述諸病證候附以方藥符禁灼灸之法凡一千一百四門天寶中出守房陵及太寧郡故以外臺名其書孫兆以燾謂鍼能殺生人不能起死人取灸而不取鍼譏其爲醫之弊予獨以其言爲然 陳氏曰自爲序天寶十一載也其書博采諸家方論如肘後千金世尙多有之至小品深師崔氏許仁則之類今無傳者猶間見於此書云凡醫書之行於世者皆仁廟朝所校定也按會要嘉祐二年置校正醫書局於編修院以直集賢院掌禹錫林億校理張洞校勘蘇頌等並爲校正後又命孫奇高保衡孫兆同校正每一書畢即奏上億等皆爲序下國子監板行並補注本草修圖經千金方翼方金匱要略傷寒悉從摹印天下皆知學古方書矣

產寶二卷 暹氏曰唐曾豐撰蜀人大中初白敏中守成都其家有因免乳死者訪問名醫或

以毀對敏逆之毀集驗方藥二百七十八首以獻其後周頊又作三論附於前

寶臟暢微論三卷 溫氏曰五代軒轅述撰青霞君作寶臟論三篇著變煉金石之訣既詳其

未善因刊其謬誤增其闕漏以成是書故曰暢微時年九十寶乾亨二年也

龍樹眼論三卷 溫氏曰佛經龍樹大士者能治眼疾假其說集治七十二種目病之方

太平聖惠方一百卷 溫氏曰太宗皇帝在潛邸日多著名方異術太平興國中內出親驗者

千餘首乃詔醫局各上家傳方書命王懷隱王祐鄭彥陳昭遇校正編類各篇首著其疾證淳

化初書成御製序引

金寶鑑三卷 溫氏曰衛嵩撰嵩仕至翰林博士崇文總目云不詳何代人述脈候徵驗要妙

之理

聖濟經十卷 溫氏曰徽宗皇帝製因黃帝內經採天人之頤原性命之理明營衛之清濁究

七八之盛衰辨逆順之盈虛爲書十篇凡四十二章 陳氏曰辟雍學生昭武吳禔注

通真子傷寒訣一卷 溫氏曰題曰通真子而不著名氏用張長沙傷寒論爲歌詩以便覽者

脈訣之類也

醫門玉髓一卷 陳氏曰不知作者皆爲歌訣論五臟六腑相傳之理

傷寒百問三卷 溫氏曰題曰無求子大觀初所著

醫經正本書一卷 陳氏曰知進賢縣沙隱程迥可久撰專論傷寒無傳染以救薄俗骨肉相

棄絕之弊

運氣論奧三卷 晁氏曰宋朝劉溫舒撰溫舒以素問氣運最爲治病之要而答問紛文採辭古奧讀者難知因爲三十論二十七圖上於朝

五運指掌賦一卷 陳氏曰葉玠撰

脈粹一卷 晁氏曰宋朝蕭世基撰世基常閱素問及歷代醫經患其難知因綴緝成一篇治平中姚誼序之

南陽活人書二十卷 晁氏曰宋朝朱肱撰序謂張長沙傷寒論其言雅奧非精於經絡者不能曉會頃因投閑設其對問補苴綴緝僅成卷軸作於己已成於戊子計九萬一千三百六十八字 陳氏曰肱以仲景傷寒方論多以類聚爲之問答本號無求子傷寒百問方有武夷張藏作序易此名仲景南陽人而活人者本華陀語肱吳興人祕承臨之子中書舍人服之弟登第仕至朝奉郎直秘閣

傷寒微指論二卷 陳氏曰不著作者性氏序言元祐丙寅必當時名醫也其書頗有發明

傷寒證治三卷 晁氏曰宋朝王實編實謂百病之急無踰傷寒故略舉病名法及世名醫之言爲十三篇總方百四十六首或云潁州人官至外郎龐安常之高弟也

傷寒救俗方一卷 陳氏曰寧海羅適正之尉桐城民俗惑巫不信藥因以藥施人多愈遂以方書召醫參校刻石以救迷俗輿中有王世臣彥輔者序之以傳

補注神農本草二十卷 暹氏曰宋朝掌禹錫等補注舊說本草經神農所作而藝文志所不載平帝紀詔舉知方術本草者本草之名蓋起於此梁七錄載神農本草三卷書中有後漢郡縣名蓋上古未著文字師學相傳至張機華陀始爲編述嘉祐初詔禹錫與林億蘇頌張洞等爲之補注以開會本草及諸家參校采拾遺逸判定新舊藥名一千八十二種總二十卷

大觀本草三十一卷 陳氏曰唐慎微撰不知何人仁和縣尉艾晟作序名曰經史證類本草按本草之名始見漢書平帝紀樓護傳舊經止一卷藥三百六十五種陶隱居增名醫別錄亦三百六十五種因注釋爲七卷唐顯慶又增一百十四種廣爲二十卷謂之唐本草開寶中又益一百三十三種蜀孟昶又嘗增益謂之蜀本草及嘉祐中掌禹錫林億等重加校正更爲補注以朱墨書爲之別凡新舊藥一千八十二種蓋亦備矣今慎微頗復有所增益而以墨蓋其名物之上然亦殊不多也 石林葉氏曰神農本草初但三卷所載甚畧議者考其記出產郡名以爲東漢人所作梁陶隱居始增脩爲七卷然陶氏不至東北其論證多謬語唐顯慶中蘇恭請重修於是命長孫無忌等廣定遂爲二十卷亦未盡也自是僞蜀韓保昇與術家各自補緝辨証者不一開寶中別加詳定嘉祐初復詔掌祕監禹錫蘇魏公諸人再論次遂大備蓋神農本草外雜取他書凡十六家云

圖經本草二十卷目錄一卷 暹氏曰宋朝蘇頌等撰先是詔掌禹錫林億等六人重校神農本草累年成書奏御又詔郡縣圖上所產藥本用永徽故事重命編述於是頌再與禹錫等哀

集衆說類聚詮次各有條目云嘉祐六年上

本草廣義二十卷 晁氏曰皇朝寇宗奭編以本草二部著撰之人或執用已私失於商確併考諸家之說參之事實覈其情理證其脫誤以成此書 陳氏曰其書引援辨證頗可觀宋

紹興校定本草二十二卷 陳氏曰醫官王繼先等奉詔撰紹興二十九年上

子午經一卷 晁氏曰題云扁鵲撰論鍼砭之要成歌詠蓋後人所依託者

銅人鍼灸圖三卷 晁氏曰皇朝王惟德撰仁宗嘗詔惟德考次鍼灸之法鑄銅人爲式分臟腑十二經旁注俞穴所會刻題其名并爲圖法并主療之術刻板傳於世夏竦爲序明堂者謂雷公問道黃帝授之故名云

明堂鍼灸圖三卷 晁氏曰題曰黃帝論人身俞穴及灼灸禁忌

存真圖一卷 晁氏曰皇朝楊介編崇寧間泗州刑賊於市郡守李夷行遣醫併畫工往親抉膜摘膏肓曲折圖之盡得纖悉介較以古畫無少異者比歐希範五臟圖過之遠矣實有益醫家也王莽時捕得翟義黨王孫慶使太醫尙方與巧屠共剝剝之量度五臟以竹筴導其脈知所終始云可以治病亦是此意

膏肓灸法二卷 陳氏曰清源莊綽季裕集

點烙三十六黃經一卷 晁氏曰不著撰人唐世書也國史補云自茗飲行於世世人不復病

黃揮

慶曆善救方一卷 兩朝藝文志詔以福州奏獄醫林士元藥下蟲毒人以獲全錄其方令國醫類集附益八年頒行

皇朝簡要濟衆方五卷 兩朝藝文志皇祐中仁宗謂輔臣曰外無善醫民有疾疫或不能救療其令太醫簡聖惠方之要者頒下諸道仍敕長史按方劑以拯濟令醫官使周應編以爲此方三年頒行

太醫局方十卷 量氏曰元豐中詔天下高手醫各以得效祕方進下太醫局驗試依方製藥鬻之仍模本傳於世

和劑局方十卷 量氏曰大觀中詔通醫刊正藥局方書閱歲書成校正七百八字增損七十餘方 陳氏曰庫部郎中陳師文等校正凡二十一門二百九十一方其後時有增補

王氏博濟方五卷 量氏曰皇朝太原王袞撰慶曆間因官滑臺暇日出家藏七十餘方擇其善者爲此書名醫云其方用之無不效如草還丹治太風太乙丹治鬼胎尤奇驗

藥單一卷 陳氏曰澠公文彥博寬夫撰所集方才四十首以爲依本草而用藥則有準故以此四十方爲處方用藥之準也

沈存中良方十卷 量氏曰皇朝沈括存中撰存中博學通醫術類其經驗方成此書用者多驗或以蘇子瞻論醫藥雜說附之 陳氏曰不知何人所錄其間辨雞舌香一段言靈苑所辯猶有未盡者館閣書目別有沈氏良方十卷蘇沈良方十五卷而無靈苑方

靈苑二十卷。暹氏曰亦存中編本朝士夫如高若訥林億孫奇龐安常皆以善醫名世而存中尤善方書所載多可用。

孫氏傳家祕寶方三卷。陳氏曰尙藥奉御太醫令孫用和集其子殿中丞兆皆以醫名自昭陵時迄於熙豐無能出其右者元豐八年兆弟宰爲河東漕屬呂惠卿帥并從宰得其書序而刻之自言爲思邈之後暹氏讀書志作孫尙祕寶方十卷。

養生必用方十六卷。暹氏曰皇朝虞世撰序謂古人醫經行於世者多矣所以別著者古方分劑與今銖兩不作用者頗難此方其證易詳其法易用苟尋文爲治雖不習之人亦可無求於醫也虞世本朝士一旦削髮爲僧與十父遊甚密。

尊生要訣二卷。陳氏曰即初虞世四時常用要方有廬山陳准者復附益焉。

楊子護命方五卷。通神論十四卷。暹氏曰皇朝楊退修撰以岐伯論五運六氣以治百病後世通之者惟王砮一人而已然猶於遷變行度莫知其始終次序故著此方論云。

龐氏家藏祕寶方五卷。陳氏曰蘄水龐安時安常撰時以醫名世所著書傳於世者惟傷寒而已此書南城吳炎晦父錄以見遺。山谷黃氏龐安常傷寒論後序安常自少善醫方爲人治病處其生死多驗名傾江淮諸醫然爲人任俠鬪鷄走狗蹴踘擊毬少年豪縱事無所不爲博奕音技一工所難而兼能之家富多後房不出戶而所欲得人之以醫聘之也皆多陳其所好以順適其意其來也病家如市其疾已也君脫然不受謝而去之中年乃屏絕戲弄閉門讀

書自神農黃帝經方扁鵲八十一難靈樞甲乙葛洪所綜綴百家之言無不貫穿其簡策紛錯黃素朽蠹先師或失其讀學術淺陋私智穿鑿曲士或竄其文安常悉能辯論發揮每用以視病如是而生如是而不治幾乎十全矣然人以病造之不擇貴賤貧富便齋曲房調護以寒暑之宜珍膳羹饌時節其饑飽之度愛其老而慈其幼如痛在己也未嘗輕用人之疾嘗試其所不知之方蓋其輕財如糞土而樂義耐事如慈母而有常似秦漢間游俠而不害人似戰國四公子而不爭利所以能動而得意起人之疾不可縷數他日過之未嘗有德色其所論著傷寒論多得古人不言之意其所師用而得意於病家之陰陽虛實今世所謂良醫十不得其五也余始欲掇其大要論其精微使士大夫稍知之適有心腹之疾未能卒業然未嘗游其庭者雖得吾言而不解若有意於斯者讀其書自足攬其精微故特著其行事以爲後序云其前序海上道人諾爲之故虛右以待宛邱張氏跋傷寒論曰張仲景傷寒論病處方纖悉必具又爲之增損進退之法以預告人嗟乎仁人之用心哉且非通神造妙不能爲也安常又竊憂其有病證而無方者續著爲論數卷用心爲術追儷古人淮南謂安常能與傷寒說話豈不善哉錢氏小兒方八卷 龔氏曰皇朝錢乙仲陽撰神宗時擢太醫丞於書無所不窺他人勤勤守苦彼獨度越縱舍卒能與法合尤邃本草多識物理辯正闕誤最工療嬰孺病年八十二終閩季忠方附其後

錢氏小兒藥證真訣三卷 陳氏曰錢仲陽撰閩季忠集上卷言證中卷敘嘗所治病上卷爲

方季忠亦頗附以己說。且以劉斯立所作仲陽傳附於末。宣和元年也。

嬰童寶鏡十卷。晁氏曰。題曰棲真子。不著姓名。錄世行應驗方。成此書。

小兒靈秘方十三卷。晁氏曰。不顯撰人。辯小兒疾證及治療之方。多爲歌訣。

小兒玉訣一卷。晁氏曰。未詳撰人名氏。爲韻語。以記小兒疾證治法。二十三。

醫說十卷。陳氏曰。新安張景季明撰。

食治通說一卷。陳氏曰。東虢婁居中撰。臨安藥肆金藥白者。有子登第。以恩得初品官。趙忠

定丞相跋其後書。凡十六篇。大要以食治則身治。此上工醫。未病之一術也。趙丞相序略曰。

君自幼業醫。至於歷八十一寒暑矣。錢唐行都多貴人。君未嘗出謁。卿相王侯之家。屢迎之不

可致。每日肩輿至藥肆。羣兒已四集。悲啼叫號。囂然滿室。皆君調護委曲。坐良久。徐起。枚視之。

一以至十。先後爲序。輒爲言兒本無疾。愛之者害之也。如言兒下利時。爲脾虛。乳食過傷所致。

惟苦節其乳食。微以參朮藥溫其胃。即愈矣。而愛之者曰。兒數利。氣且乏。非強食莫能補其所。

喪。於是胃虛不能攝化。其氣重傷。參朮弗効。增以薑附。薑附不已。重以金石。而兒殆矣。胡不以

身喻之。方吾曹盛壯時。日食二升米飯。幾不滿欲。一日意中微不佳。則粒米不堪向口。何況兒

乎。予每視君持藥欲授時。必諄諄爲人開說。口幾欲破。又爲紙囊貯藥。各著其說於上。使歸而

勿忘焉。

治病須知一卷。陳氏曰。不知名氏。專論外證。以用藥之次第爲不能脈者設也。

正俗方一卷。陳氏曰：知虔州長樂劉彝執中撰，以虔俗信巫無醫藥，集此方以教人。

奉親養老書一卷。陳氏曰：泰州興化令陳真撰，元豐中人。

小兒斑疹論一卷。陳氏曰：東平董汲及之撰，錢乙元祐癸酉題其末。

腳氣治法一卷。陳氏曰：董汲撰。

指迷方三卷。陳氏曰：考城子王貺子亨撰，吳丞相敏爲之序，既爲南京名醫，宋毅叔之壻，宣

和中以醫得幸，至朝請大夫。

九箒衛生方三卷。陳氏曰：宣和宗室忠州防禦使士紆撰。

治風一卷。陳氏曰：張耒文潛所傳，凡三十二方。

小兒醫方妙選三卷。陳氏曰：成安大夫惠州團練使張渙撰，凡四百二十方，渙五世爲小兒

醫，未嘗改科，靖康元年自爲之序。

雞峯備急方一卷。陳氏曰：太醫教授張銳撰，紹興三年爲序，大抵皆單方也。

產育保慶集一卷。陳氏曰：濮陽李師聖得產論二十一篇，有其說而無其書，醫學教授郭稽

中以方附諸論之末，遂爲全書，近時括蒼陳言嘗評其得失於三因方，癸醫杜菽者又附益之。

頗爲詳備。

本事方十卷。陳氏曰：維揚許叔微知可撰，紹興三年進士第六人，以藥餌陰功見於夢寐，事

載夷堅志，晚歲取平生已試驗之方，併記其事實，以爲此書，取本事詩詞之例以名之。

傷寒歌三卷。陳氏曰許叔微撰。凡百篇。皆本仲景法。又有治法八十一篇。及仲景脈法三十
六圖。翼傷寒論二卷。辯論五卷。皆未見。

指南方二卷。陳氏曰蜀人史堪載之撰。凡三十一門。各有論。

楊氏方二十卷。陳氏曰樞密楊傑子靖以家藏方一千一百十有一首。刻之當塗。世多用之。
本草單方三十五卷。陳氏曰工部侍郎宛邱王僕碩父撰。取本草諸藥條下所載單方。以門
類編之。凡四千二百有六方。

何氏方六卷。陳氏曰太常博士括蒼何偁德揚撰。

洪氏方一卷。陳氏曰鄱陽洪氏撰。

莫氏方一卷。陳氏曰刑部郎中吳興莫伯虛致道刻博濟方於永嘉。而以家藏經驗方附於
後。

備急總效方四十卷。陳氏曰知平江府溧陽李朝正撰。大抵皆單方也。

是齋百一選方三十卷。陳氏曰山陰王璆孟玉撰。百一言其選之精也。

三因極一方六卷。陳氏曰括蒼陳言無擇撰。三因者內因外因不內外因。其說出金匱要畧。
其所述方論。往往皆古書也。

小兒保生方三卷。陳氏曰左司郎姑敦李櫟與幾撰。

傷寒要旨二卷。陳氏曰李櫟撰。列方於前。而類證於後。皆不外仲景。

漢東方王氏小兒方二卷。陳氏曰：不著名。

幼幼新書五十卷。陳氏曰：直隴圖閣知潭州劉昉方明撰。集刊未畢而死。徐壽卿以漕攝郡趣成之。

大衍方十二卷。陳氏曰：朝散大夫孫紹遠稽仲撰。凡藥當預備者四十九種。故名大衍。所在易得者不與焉。諸方附於後。

海上方一卷。陳氏曰：不著姓名。括蒼刻本。館閣書目有此方。云乾道中知處州錢竑編。集效方一卷。陳氏曰：南康守李觀民集。

胎產經驗方一卷。陳氏曰：陸子正撰集。

葉氏方三卷。陳氏曰：太社令延葉大廉撰。

胡氏方一卷。陳氏曰：不著名。

傳道適用方二卷。陳氏曰：稱拙庵吳彥夔淳熙庚子。

陳氏手集方一卷。陳氏曰：建安陳抃。

選奇方十卷。後集十卷。陳氏曰：青田余綱堯舉撰。

傷寒瀉痢要方一卷。陳氏曰：直隴圖閣長樂陳孔碩膚仲撰。

湯氏嬰孩妙訣二卷。陳氏曰：東陽湯衡撰。衡之祖民望精小兒醫。有子曰麟登科。麟之子尤邃於祖業。爲此書也。十九篇。

以音府咀嚼也為
粗劑為改咀李
子坦曰改咀古制
古無刀以口咬
令丸麻豆煎之
音齧

諸家名方二卷。陳氏曰福建提舉司所刊市肆常貨而局方所未收者。

易簡方一卷。陳氏曰永嘉王碩德膚撰增損方三十首。咬咀藥三十品。市肆常貨圓子藥十種。以為倉卒應用之備。其書盛行於世。

四時治要方一卷。陳氏曰永嘉屠鵬時舉撰。專為時疾瘧痢吐瀉傷寒之類。雜病不與焉。

治奇疾方一卷。陳氏曰夏子益撰。凡三十八道。皆奇形怪說。世間所未見者。

傷寒證類要略二卷。玉鑑新書二卷。陳氏曰汴人平堯卿撰。專為傷寒而作。皆仲景之舊也。亦別未有發明。

瘡疹證治一卷。陳氏曰金華謝天錫撰。

產寶諸方一卷。陳氏曰不著名氏。集諸家方。而以十二月產圖冠之。

纂要備急諸方一卷。陳氏曰不知何人集。皆倉卒危急所須藥及雜術也。

摘要方一卷。陳氏曰傷寒十勸及危證十病。末載托裏十補散方。

劉涓子神仙遺論十卷。陳氏曰東蜀刺史李頤撰。按中興書目引崇文總目云。宋龔慶宣撰。

劉涓子者晉末人。於丹陽縣得鬼遺方一卷。皆治癰疽之法。慶宣得而次第之。今按唐志有慶

宣劉涓子男方十卷。未知即此書否。卷或一板。或止數行。名為十卷。實不多也。

術濟寶書一卷。陳氏曰稱東軒居士。不著名氏。治癰疽方也。

外科保安方三卷。陳氏曰知興化軍。毫社張允蹈家藏方。龔參政茂良劉太史夙為之序跋。

五發方論一卷。陳氏曰：不知名氏，亦吳晦父所錄。

李氏集驗背疽方一卷。陳氏曰：泉江李迅嗣立撰，凡五十二條，其議論詳盡，曲當。

皇帝醫相馬經三卷。晁氏曰：唐穆彥集、伯樂、王良等六家書，成此編。皇帝斥神農也。

育駿方三卷。晁氏曰：未詳撰人，相馬術及醫治蓄牧之方。

相馬經一卷。晁氏曰：未詳撰人，相馬法式，并著馬之疾狀及治療之術。李氏書目有之。

董汲旅舍備要方一卷。汲字及之，東平人。

夏德衛生十全方三卷。德字子益，里貫無考。按德又有奇疾方一卷，已見馬考。

王執中鍼灸資生經七卷。執中字叔權，永嘉人。據趙綸序，稱澧陽郡博士。

陳自明婦人大全良方二十四卷。自明字良父，臨川人，官建府醫學教諭。

嚴用和濟生方八卷。用和始末無考。吳澄古今通變仁壽方序曰：世之醫科不一，惟有所

傳授得之嘗試者多，驗予最嘉。嚴氏濟生方之藥，不泛不繁，用之輒有功，蓋其方乃平日所嘗

試而驗者也。

楊士瀛仁齋直指二十六卷。附傷寒類書活人總括七卷。士瀛字登父，號仁齋，福州人。

顛顛經二卷。不著撰人名氏。

明堂灸經八卷。題西方子撰。

急救仙方六卷。不著撰人名氏。

小兒衛生總微論方二十卷。不著撰人名氏。

太醫局程文九卷。按是編皆宋時考試醫學之制。

劉完素素問元機原病式一卷。宣明方論十五卷。傷寒直格方三卷。傷寒標本心法類

萃二卷。完素字守真河南人。事蹟具金史方技傳。本傳略曰完素嘗遇異人陳生飲以酒

大醉及寤洞達醫術以庸醫多妄說乃注原病式二萬餘言然好用涼劑以降心火益肝腎爲

主。張元素病機氣宜保命集三卷。元素字潔古易州人八歲試童子舉二十七試經義不第

乃去學醫洞徹其術治病不用古方曰運氣不侔古今異軌古方新病不相合也。

張從正儒門事親十五卷。傷寒心鏡一卷。從正字子和睢州考城人興定中召補太醫尋

辭去事蹟具金史方技傳。

李杲內外傷辨惑論三卷。脾胃論三卷。蘭臺秘藏三卷。杲字明之自號東垣老人真定

人以納貲得官監濟源稅幼好醫書捐千金從易州張元素學盡得其傳當時以神醫目之所

著書多傳於世。

王好古醫壘元戎十二卷。此事難知二卷。湯液本草三卷。好古字進之趙州人官本州

教授其學出於李杲又嘗受業於張元素。

沙圖穆蘇瑞竹堂經驗方五卷。沙圖穆蘇字謙齋由御史出爲建昌太守。

危亦林世醫得效方二十卷。亦林字達齋南豐人官本州醫學教授其高祖遇仙人董奉之

二十五世孫傳其祕方因據以成書詳亦林自序。

朱震亨格致餘論一卷。局方發揮一卷。金匱鈎元三卷。震亨字彥脩金華人受業於羅

知悌得劉守真之傳。黃虞稷曰彥脩從許文懿學所居在丹溪學者稱丹溪先生宋景濂言其得考亭正傳爲金華四賢之的嗣不徒以醫名也。

滑壽難經本義二卷。壽字伯仁自號櫻寧生許州人寄居鄞縣從王居中學受素問難經又參會張仲景劉守真李明之三家而貫通之所治無不愈天台朱石撫其治疾神效者數十事爲作傳。

王國端扁鵲神應鍼灸玉龍經一卷。國端婺源人。

鄒鉉壽親養老新書四卷。鉉泰寧人。按是書第一卷即宋陳直之養老奉親書已見馬考。

第二卷以下皆鉉所續增也。

齊德之外科精義二卷。德之官醫學博士充御藥院外科太醫。

戴啓宗脈訣刊誤二卷。啟宗字同父金陵人官龍興路儒學教授。

王履醫經溯洄集二卷。履字安道崑山人學醫於朱丹溪盡得其術。

劉洪傷寒心要一卷。洪都梁人始末無考。

何若愚添注指微賦一卷。若愚爵里無考。

艾元英如意方二卷。元英東平人。

王珪泰定養生主論十六卷。珪字均章，自號中陽老人，嘗從仕，棄官歸隱虞山下，慕丹術，尤邃於醫。

類編南北經驗醫方大成十卷。題文江孫允賢撰。按是書本名醫方集成，後爲坊賈增輯，改題此名。

馬宗素傷寒醫鑑二卷。宗素始末無考。按是書載河間六書，皆采劉完素之說，以駁朱肱南陽活人書。

周王櫛救荒本草二卷。櫛太祖第五子，洪武十一年封，十四年就藩開封，建文中廢徙雲南，永樂初復爵，洪熙元年薨，諡定。按明史，櫛稱好學能詞賦，以國土坦衍，庶草蕃蕪，考核其可佐饑饉者，四百餘種，繪圖上之，即此書也。

周定王櫛普濟方四百一十六卷。櫛事實見上。

周文采醫方選要十卷。文采洪武時人。

戴原禮推求師意二卷。原禮朱震亨門人。

徐用誠玉機微義五十卷。用誠字彥純，會稽人。案是書爲用誠所撰，而劉純續增之，純字

宗原，咸寧人。

徐用宣小兒方十卷。用宣衢州人。

徐謙仁錄十六卷。謙字仲光，嘉興人。按是書專論治痘諸法。

朱夫子云穀
不聚曰饑菜
不熟曰饑
子不熟曰饑

劉宇安老懷幼書四卷。字志大河南人。成化進士。官山西按察副使。

薛鑑保嬰撮要八卷。鑑字良武吳縣人。官太醫院醫士。

何瑯醫學管見一卷。瑯字柏齋懷慶人。弘治進士。官南京右副都御史。諡文定。事蹟具明史。

儒林傳。

周宏衛生集四卷。宏里貫無考。

劉純雜病治例一卷。傷寒治例一卷。純見前。其父橘泉翁受醫術於朱震亨。純幼承家學。

又從其鄉馮廷幹許宗魯邱克容游。盡得其法。

蔣儀藥鏡四卷。儀嘉興人。正德進士。

丁瓚素問鈔補正十二卷。瓚字點白鎮江人。嘉靖進士。官溫州府知府。

薛己薛氏醫案七十八卷。己字立齋吳縣人。正德間以薦授御醫。擢南京太醫院判。晉院使。

汪機讀素問鈔九卷。鍼灸問對三卷。外科理例七卷。附方一卷。運氣易覽三卷。痘

證理辨一卷。附方一卷。機字省之祁門人。精通醫理。治病多奇中。與吳縣張頤杞李可大

常熟繆希雍齊名。

馬蒔素問註證發微九卷。蒔字仲化會稽人。

陳會神應經一卷。會字善同里貫無考。按是書前有宗派圖。稱桑梓君席宏達九傳至席

華叔十傳至席信卿十一傳至會。會傳二十四人。皆歷歷可據。

陳桶石山醫案三卷。桶字惟宜祁門人。

江瑾名醫類案十二卷。瑾字民瑩歙縣諸生。因病學醫。子應宿世其業。

孫一奎赤水元珠三十卷。醫旨緒餘二卷。孫氏醫案五卷。一奎字文垣號東宿。又號生

生。休寧人。醫案五卷。一奎輯。其子泰來明來編。

李時珍本草綱目五十二卷。奇經八脈考一卷。瀕湖派學一卷。時珍字東璧。蘄州人。官

楚王府奉祠正。敕封文林郎。蓬溪知縣。事蹟具明史。方技傳。

王世相醫開一卷。世相字秀鄰。號清溪。蒲州人。官延川知縣。

李瀛醫史十卷。瀛字川父。祥符人。舉正德八年鄉試第一。明年成進士。授沔陽知州。稍遷甯

波同知。擢山西僉事。嘉靖五年。以大計免歸。年纔三十。有八益肆力於學。兼及於醫。

虞搏醫學正傳八卷。搏字天民。自號花溪。恒德老人。義烏人。其學以朱震亨爲宗。而參以張

機。孫思邈。李杲諸家之說。

萬表萬氏家鈔濟世良方六卷。表字名望。鄞縣人。正德武進士。累官都督同知。按是編乃

表孫邦孚所增輯。邦孚字汝永。官都督僉事。

胡嗣廉編校靈祕十八方加減一卷。嗣廉濟南人。

李湯卿心印紺珠經二卷。湯卿里貫無考。

吳正倫養生類要二卷。正倫字子敘。自號春巖子。歙縣人。

高士志齋醫論二卷。士字志齋鄞縣人。

陳士賢經驗良方十一卷。仕賢字邦憲，福清人。嘉靖進士官副都御史。

方廣丹溪心法附餘二十四卷。廣字約之，號古齋休寧人。

董炳避水集驗要方四卷。炳字文化，河州人。父相字玉鶴，以醫得名。柳應聘爲作玉鶴翁傳。

炳別號懷鶴。按是編乃隆慶丙寅淮水決時，炳避居樓上所集，故以避水爲名。

方有執傷寒論條辨八卷。本草鈔一卷。或問一卷。瘕書一卷。有執字仲欽，縣人。

王肯堂證治準繩一百二十卷。肯堂字宇泰，號念西居士，金壇縣人。萬曆間進士官至福建

參政，穎悟好學，聲著館閣。最善著書，而於岐黃家言，若有夙契。其母嘗遺疾，延醫治之，議論各

殊，心陋之。乃銳志於方藥，無何，妹病危，肯堂治之，愈。鄉黨漸知名，延診求方戶，屢常滿。其父以

爲妨廢舉業，嚴戒之，乃不復究。登第後，益肆力於醫學。鄉曲中有抱沈疴者，求治無不立應。年

八十，忽患脾泄，諸醫以爲年高體衰，輒投滋補藥，病益劇。最後延李中梓治之，中梓曰：公體肥

多痰，愈補則愈滯，當用迅利藥，盪滌之，能勿疑乎？肯堂曰：當世之醫，惟我二人。君定方，我服藥。

又何疑乎？乃用巴豆霜下痰涎數升而愈。著有證治準繩集明以前醫學之大成。肯堂自序

畧曰：余銳志醫學，採取古今方論，參以鄙見，而命高生隱次第錄之。先成雜病論與方各八巨

帙。

繆希雍先醒齋廣筆記四卷。神農本草經疏三十卷。希雍字仲醇，常熟人。附見明史方技

傳李時珍傳中。按天啟中王昭徽作點將錄以東林諸人分配水滸傳一百八人姓名稱希雍爲神醫安道全宋國楨湧幢小品記天啓辛酉國楨患腦病上下如分兩截中痛甚不能支希雍用蘇子五錢飲之即止亦可見其技之工矣。

張介賓類經三十二卷。景岳全書六十四卷。介賓字會卿號景岳山陰人從名醫金英游遂精醫道。葉秉敬序畧曰景岳治病一以內經爲主但恐內經資於自用而不能與天下共用乃著類經三十二卷釐爲三百九十條益以圖翼十一卷附翼四卷殫精極微有功於軒岐大矣。

馮時可上池雜說一卷。

皇甫中傷寒指掌十四卷。中字雲洲仁和人。

楊繼洲鍼灸大全十卷。繼洲平陽人萬曆中醫官。

張三錫醫學六要十九卷。三錫字叔承應天人。

李中梓刪補頤生微論四卷。雷公炮製藥性解六卷。中梓字士材華亭人。

劉應泰魯府祕方四卷。應泰官魯王府侍醫。

吳有姓瘟疫論一卷。補遺一卷。有姓字又可震澤人。

王化貞普門醫品四十八卷。補遺四卷。化貞字肖乾諸城人萬曆進士官至僉都御史。

撫遼東事蹟附見明史熊廷弼傳。

性改性

吳勉學編河間六書二十七卷。勉學字肖愚歙縣人。

黃承吳折肱漫錄六卷。承吳字履素號閻齋秀水人。洪憲子。萬曆進士官福建按察使。

高武鍼灸聚英四卷。鍼灸節要三卷。武里貫無考。

盧之頤本草乘雅半偻十卷。痰癆論疏一卷。之頤字子絳錢塘人。

御定醫宗金鑑九十卷。乾隆四年大學士伯鄂爾泰等奉勅撰。謹案醫雖小道而學必深

於古用必酌乎時岐伯秦越人後精其業者不少槩見雖以宋代重醫而官撰局方未能實裨

於療治皇上仁育萬民同登壽宇特爲釐定此編凡訂正傷寒論註十七卷訂正金匱要畧註

八卷刪補名醫方論八卷四診要訣運氣要訣各一卷諸科心法要訣共五十一卷正骨心法

要旨四卷斟酌適中權衡允當洵乎拯濟生民之要術也已。

尙論篇八卷。醫門法律六卷。附寓意草一卷。清喻昌撰。謹案是書有三百九十七法。

凡太陽經篇一百五十五法陽明經篇七十三法少陽經篇二十一法附合病九法併病五法

壞病二法痰病三法太陰經全篇九法少陰經前篇後篇四十四法厥陰經全篇五十五法附

過經不解病四法差後勞復六法陰陽易病一法有自序以爲引伸觸類究不敢於仲景論外

溢一辭至醫門法律者治則著以法誤則罪以律也。

聖濟總錄纂要二十六卷。清程林刪定宋政和中原本。謹案宋徽宗御製聖濟經十卷又

詔海內名醫纂輯二百卷林撮其大要汰其荒誕別擇具有條理足爲岐黃家資考證焉。

音聲

有聲筋肉結

處也

傷寒舌鑑一卷。清張登撰。謹案以舌觀病之法始於漢張機傷寒論此編分胎色八種爲圖一百二十視金鏡錄觀舌心法等書繁簡尤爲得中也。

傷寒兼證折義一卷。清張倬撰。謹案傷寒論合病併病惟及六經兼證而未及雜症倬作是書以補之使分別施療不惑於多岐凡十七篇。

絳雪園古方選註三卷附得宜本草一卷。清王子接撰。謹案此書選錄古方而推闡其製方之意辨折往往造微附載本草亦殊簡括。

釋骨一卷。清沈彤撰。自序曰此編爲吳文球講明經穴而作。

神農本草經百種錄一卷。蘭臺軌範八卷。傷寒類方一卷。醫學源流論二卷。難經經

釋二卷。醫貫砭二卷。清徐大椿撰。謹案大椿說醫猶毛奇齡說經論病如秦越人論方

如孫思邈輩無不遭其詆排然其辨論實有切中肯綮之處固非庸醫所能知也。

第六章 兩漢以下名醫列傳

前漢

淳于意 陽慶 公孫光

史記本傳太倉公者齊太倉長臨菑人也姓淳于氏名意少而喜醫方術高后八年更受師同郡元里公乘陽慶慶年七十餘無子使意盡去其故方更悉以禁方予之傳黃帝扁鵲之脈書五色診病知人死生決嫌疑定可治及藥論甚精受之三年爲人治病決死生多驗然左右行

傳意切乘信送之
自良惠表云公乘
弟小醫也朝師古
公之其待乘公

也拙公乘蓋以
公氏九壹以三老

不與也

決書年來孝公

年陳肉刑

法老孝天即

三年陳肉刑

庶序云點則二

至一月三

咳謂奇秘異

也

內八寸餘注云

內八寸內關

內之脈從胃

內之脈從胃

內之脈從胃

游諸侯不以家為家或不為人治病病家多怨之者文帝四年中人上書言意以刑罪當傳西
 之長安意有五女隨而泣意怒罵曰生子不生男緩急無可使者於是少女緹縈傷父之言乃
 隨父西上書曰妾父為吏齊中稱其廉平今坐法當刑妾切痛死者不可復生刑者不可復續
 雖欲改過自新其道莫由終不可得妾願入身為官婢以贖父刑罪使得改過自新也書聞上
 悲其意此歲中亦除肉刑法意家居詔召問所為治病死生驗者幾何人主名為誰詔問故太
 倉長臣意方伎所長及所能治病者有其書無有皆安受學受學幾何歲嘗有所驗何縣里人
 也何病醫藥已其病之狀皆何如具悉而對臣意對曰自意少時喜醫藥醫藥方試之多不驗
 者至高后八年得見師臨菑元里公乘陽慶慶年七十餘意得見事之謂意曰盡去而方書非
 是也慶有古先道遺傳黃帝扁鵲之脈書五色診病知人生死決嫌疑定可治及藥論書甚精
 我家給富心愛公欲盡以我禁方書悉教公臣意即曰幸甚非意之所敢望也臣意即避席再
 拜謁受其脈書上下經五色診奇咳術揆度陰陽外變藥論石神接陰陽禁書受讀解驗之可
 一年所明歲即驗之有驗然尚未精也要事之三年所即嘗已為人治診病決死生有驗精良
 今慶已死十年所臣意年盡三年年三十九歲也齊侍御史成自言病頭痛臣意診其脈曰
 君之病惡不可言也即出獨告成弟昌曰此病疽也內發於腸胃之間後五日當鬻腫後八日
 嘔膿死成之病得之飲酒且內成即如期死所以知成之病者臣意切其脈得肝氣肝氣濁而
 靜此內關之病也脈法曰脈長而弦不得代四時者其病主在於肝和即經主病也代則絡脈

獨音

王叔和云脈長而弦病於肝也素問云肝病筋肝之和也
 代王叔和云脈數而中比

心不欲也

過音唐過者邊
過心猶刺其心

氣從下騰起上

外及心脅也

手音掌

音拋又音胞

音巡

乾也暴也

有過經主病和者其病得之筋髓裏其代絕而派賁者病得之酒且內所以知其後五日而嚔腫八日嘔膿死者切其脈時少陽初代者經病去過人人則去絡脈主病當其時少陽初關一分故中熱而膿未發也及五分則至少陽之界及八日則嘔膿死故上二分而膿發至界而嚔腫盡泄而死熱則上蒸陽明爛流絡流絡動則脈結發脈結發則爛解故絡交熱氣已上行至頭而動故頭痛 齊王中子諸嬰兒小子病召臣意診切其脈告曰氣高病使人煩滿食不下時嘔沫病得之少憂數忙食飲意即爲之作下氣湯以飲之一日氣下二日能食三日即病愈所以知小子之病者診其脈心氣也濡躁而經也此絡陽病也脈法曰脈來數病去難而不一者病主在心周身熱脈盛者爲重陽重陽者過心主故煩滿食不下則絡脈有過絡脈有過則血上出血上出者死此悲心所生也病得之憂也 齊郎中令循病衆醫皆以爲蹶人中而刺之臣意診之曰湧疝也令人不得前後洩循曰不得前後洩三日矣臣意飲以火齊湯一飲得前洩再飲大洩三飲而疾愈病得之內所以知循病者切其脈時右口氣急脈無五臟氣右口脈大而數數者中下熱而湧左爲下右爲上皆無五藏應故曰湧疝中熱故溺赤也 齊中御府長信病臣意入診其脈告曰熱病氣也然暑汗脈少衰不死曰此病得之當浴流水而寒甚已則熱信曰唯然往冬時爲王使於楚至莒縣陽周水而莒橋梁頗壞信則擊車轅未欲渡也馬驚即墮信身入水中幾死吏即來救信出之水中衣盡濡有間而身寒已熱如火至今不可以見寒臣意即爲之湯液火齊逐熱一飲汗盡再飲熱去三飲病已即使服藥出入二

且勞病也

之病處居勝

至二便与膀胱

裡

湯即黃連解

湯或云即黃連

風濕因肺受之

通調水道而

於時

云心移熱於肺

消飲一溲二死

心移熱於肺傳

消又云痺後為

又有肝痺胆痺

接內則肝傷不能藏血

兩絡者肝腎也

肝腎無氣故脈代

十日身無病者所以知信之病者切其脈時并陰脈法曰熱病陰陽交者死切之不交并陰并陰者脈順清而愈其熱雖未盡猶活也腎氣有時間濁在太陰脈口而希是水氣也腎固主水故以此知之失治一時即轉爲寒熱齊王太后病召臣意人診脈曰風痺客脢難於大小溲溺赤臣意飲以火齊湯一飲即前後溲再飲病已溺如故病得之流汗出漉漉者去衣而汗晞也所以知齊王太后者臣意診其脈切其太陰之口濕然風氣也脈法曰沈之而大堅浮之而大緊者病主在腎腎切之而相反也脈大而躁大者膀胱氣也躁者中有熱而溺赤齊章武里曹山跽病臣意診其脈曰肺消痺也加以寒熱即告其人曰死不治適其共養此不當醫治法曰後三日而當狂妄起行欲走後五日死即如期死山跽病得之盛怒而以接內所以知山跽之病者臣意切其脈肺氣熱也脈法曰不平不鼓形弊此五藏高之遠數以經病也故切之時不平而代不平者血不居其處代者時參擊並至乍躁乍大也此兩絡脈絕故死不治所以加寒熱者言其人尸奪尸奪者形弊不當燭灸砭石及飲毒藥也意未往診時齊太醫先診山跽病灸其足少陽脈口而飲之半夏丸病者即泄注腹中虛又灸其少陰脈是壞肝剛絕深如是重損病者氣以故加寒熱所以後三日而當狂者肝一絡連屬結絕乳下陽明故絡絕開陽明脈陽明脈傷即當狂走後五日死者肝與心相去五分故五日盡盡則死矣齊中尉潘滿如病少腹痛臣意診其脈曰遺積瘕也臣意即謂齊太僕臣饒內史臣繇曰中尉不復自止於內則三十日死後二十餘日溲血死一得之酒且內所以知潘滿如病者臣意切其脈深小弱

素問陽氣衰於
則為寒厥陰氣
於下則為熱

厥為酒與穀氣
通所致又三陰三
俱有熱厥

其卒然合也。是脾氣也。右脈口氣至緊小。見瘦氣也。以次相乘。故三十日死。三陰俱搏者。如法。不俱搏者。決在急期。一搏一代者。近也。故其三陰搏。澁血如前止。陽虛侯。相趙章病。召臣意。衆醫以爲寒中。臣意診其脈。曰。迴風。迴風者。飲食下噎。而輒出不留。法曰。五日死。而後十日乃死。病得之酒。所以知趙章之病者。臣意切其脈。脈來滑。是內風氣也。飲食下噎。而輒出不留者。法五日死。皆爲前分界法。後十日乃死。所以過期者。其人嗜粥。故中藏實。中藏實。故過期。師言曰。安穀者。過期。不安穀者。不及期。濟北王病。召臣意診其脈。曰。風蹶胃滿。即爲藥酒。盡三石。病已。得之汗出伏地。所以知濟北王病者。臣意切其脈。時風氣也。心脈瀾。病法過入其陽。陽氣盡。而陰氣入。陰氣入。張則寒氣上。而熱氣下。故胃滿。汗出伏地者。切其脈。氣陰。陰氣者。病必入中。出及灑水也。齊北宮司空命婦出於病。衆醫皆以爲風入中。病主在肺。刺其足少陰。脈。臣意診其脈。曰。病氣疝客於膀胱。難於前後。澁而溺赤。病見寒氣。則遺溺。使人腹腫。出於病。得之欲溺。不得。因以接內。所以知出於病者。切其脈。大而實。其來難。是厥陰之動也。脈來難者。疝氣之客於膀胱也。腹之所以腫者。言厥陰之絡結小腹也。厥陰有過。則脈結動。動則腹腫。臣意即灸其足厥陰之脈。左右各一所。即不遺溺。而澁清。小腹痛止。即更爲火齊湯。以飲之。三日而疝氣散。即愈。故濟北王阿母自言足熱而蕙。臣意告曰。熱厥也。則刺其足心。各三所。按之無出血。病旋已。病得之飲酒太醉。濟北王召臣意診脈。諸女子侍者。至女子豎。豎無病。臣意告永巷長曰。豎傷脾不可勞。法當春嘔血死。臣意言王曰。才人女子豎。豎何能。王曰。是好爲方多伎。

而是案法新
能於舊方伎生

意也

浪篇音嚴

六枚比較也

能爲所是案法新。往年市之民所。四百七十萬。曹偶四人。王曰。得毋有病乎。臣意對曰。豎病重在死法中。王召視之。其顏色不變。以爲不然。不賣諸侯所。至春。豎奉劍從王之廁。王去豎後。王令人召之。即仆於廁。嘔血死。病得之流汗。流汗者。同法病內重。毛髮而色澤。脈不衰。此亦關內之病也。齊中大夫病齩齒。臣意灸其左太陽明脈。即爲苦參湯。日漱三升。出入五六日。病已得之風。反臥開口。食而不漱。菑川王美人懷子而不乳。來召臣意。臣意往飲。以葇蕪藥一撮。以酒飲之。旋乳。臣意復診其脈。而脈躁。躁者有餘病。即以硝石一劑出血。血如豆。比五六枚。齊丞相舍人奴從朝入宮。臣意見之。食閨門外。望其色有病氣。臣意即告宦者平。平好爲脈。學臣意所。臣意即示之舍人奴病。告之曰。此傷脾氣也。當至春。膈塞不通。不能食飲。法至夏泄血。死。宦者平即往告相曰。君之舍人奴有病。病重。死期有日。相君曰。卿何以知之。曰。君朝時入宮。君之舍人奴盡食閨門外。平與倉公立。即示平曰。病如是者死。相即召舍人而謂之曰。公奴有病否。舍人曰。奴無病。身無痛者。至春果病。至四月泄血死。所以知奴病者。脾氣周乘五臟。傷部而交。故傷脾之色也。望之殺然黃。察之如死青之茲。衆醫不知。以爲大蟲。不知傷脾。所以至春死病者。胃氣黃。黃者土氣。土不勝木。故至春死。所以至夏死者。脈法曰。病重而脈順清者。曰內關。內關之病人。不知其所痛。心急然無苦。若加以一病。死中春。一愈順。及一時。其所以四月死者。診其人時愈順。愈順者人尙肥也。奴之病。得之流汗。數出。灸於火。而以出。見大風也。菑川王病。召臣意診脈。曰。蹶上爲重。頭痛身熱。使人煩。臣意即以寒水拊其頭。刺足陽明脈。左右

腎為作強之官
力傷之藏病及

既失氣化之權

不得波

腰背為少陰兼太

竄配製之

熱為厥陰兼

陽

寒月事不當作

病解

鬱血滯而脈結故

其來難堅

火熾盛脈乃上溢

曰出左口

各三所病旋已病得之沐髮未乾而臥診如前所以蹶頭熱至肩齊王黃姬兄黃長卿家有酒召客召臣意諸客坐未上食意望見王后弟宋建告曰君有病往四五日君腰脇痛不可俛仰又不得小溲不亟治病即入濡腎及其未舍五臟急治之方今客腎濡此所謂腎痺也宋建曰然建故有腰脊痛往四五日天雨黃氏諸倩見建家京下方石即弄之建亦欲效之效之不能起即復置之暮腰脊痛不得溺至今不愈建病得之好持重所以知建病者意見其色太陽色乾腎部上及界腰以下者枯四分所故以往四五日知其發也意即為柔湯使服之十八日所而病愈濟北王侍者韓女病腰背痛寒熱衆醫皆以為寒熱也臣意診脈曰內寒月事不下也即竄以藥旋下病已病得之欲男子不可得也所以知其病者診其脈時切之腎脈也嵩而不屬嵩而不屬者其來難堅故日月不下肝脈弦出左口故曰欲男子不可得也臨菑汜里女子薄吾病甚衆醫皆以為寒熱篤當死不治臣意診其脈曰螭瘦螭瘦為病腹大上膚黃蠱循之戚戚然臣意飲以芫華一撮即出螭可數升病已三十日如故病螭得之於寒濕寒濕氣宛篤不變化為蟲臣意所以知薄吾病者切其脈循其尺其尺索刺蠱而毛美奉疑是蟲氣也其色澤者中藏無邪氣及重病齊淳于司馬病臣意切其脈告曰當病迴風迴風之狀飲食下噓輒後之病得之飽食而疾走淳于司馬曰我之王家食馬肝食飽甚見酒來即走去驅疾至舍即泄數十次臣意告曰為火齊米汁飲之七八日而當愈時醫秦信在旁臣意去謂左右閣都尉曰意以淳于司馬病為何曰以為迴風可治信即笑曰是不知也淳于司馬病法當

後九日死。即後九日不死。其家復召臣意。意往問之。盡如意診。臣即爲一火齊米汁。使服之。七八日病已。所以知之者。診其脈時。切之盡如法。其病順故不死。齊中郎破石病。臣意診其脈。告曰。肺傷不治。當後十日丁亥溲血死。即後十一日溲血而死。破石之病。得之墮馬。僵石上。所以知破石之病者。切其脈。得肺陰氣。其來散數道至而不一也。色又乘之。所以知其墮馬者。切之得番陰脈。番陰脈入虛裏。乘肺脈。肺脈散者。固色變也。乘之。所以不中期死者。師言曰。病者安穀。即過期。不安穀。則不及期。其人嗜黍。黍主肺。故過期。所以溲血者。診脈法曰。病養喜陰處者。順死。喜養陽處者。逆死。其人喜自靜不躁。又久安坐。伏几而寐。故血下泄。齊王侍醫遂病。自練五色石服之。臣意往過之。遂謂意曰。不肖有病。幸診遂也。臣意即診之。告曰。公病中熱。論曰。中熱不溲者。不可服五石。石之爲藥。精悍。公服之。不得數溲。亟勿服。色將發癰。遂曰。扁鵲曰。陰石以治陰病。陽石以治陽病。夫藥石者。有陰陽水火之劑。故中熱。即爲陰石。柔劑治之。中寒。即爲陽石。剛劑治之。臣意曰。公所論遠矣。扁鵲雖言若是。然必審診。起度量。立規矩。稱權衡。合色脈。表裏有餘不足。順逆之法。參其人動靜。與息相應。乃可以論。論曰。陽疾處內。陰形應外者。不加悍藥及漂石。夫悍藥入中。則邪辟矣。而宛氣愈深。診法曰。二陰應外。一陽接內者。不可以剛藥。剛藥入。則動陽。陰病益衰。陽病益著。邪氣流行。爲重困於俞。忿發爲疔。意告之。後百餘日。果爲疽發乳上。入缺盆死。此謂論之大體也。必有經紀。拙工有一不習文理。陰陽失矣。齊王故爲陽虛侯時。病甚。衆醫皆以爲蹶。臣意意診脈。以爲痺。根在右脅下。大如覆杯。令人喘。逆氣

家。生。出。行。游。國。中。問。善。爲。方。數。者。事。之。久。矣。見。事。數。師。悉。受。其。要。事。盡。其。方。書。意。及。解。論。之。身。居。陽。虛。侯。國。因。事。侯。入。朝。臣。意。從。之。長。安。以。故。得。診。安。陵。項。處。等。病。也。問。臣。意。知。文。王。所。以。得。病。不。起。之。狀。臣。意。對。曰。不。見。文。王。病。然。竊。聞。文。王。病。喘。頭。痛。目。不。明。臣。意。心。論。之。以。爲。非。病。也。以。爲。肥。而。蓄。精。身。體。不。得。搖。骨。肉。不。相。任。故。喘。不。當。醫。治。脈。法。曰。年。二。十。脈。氣。當。趨。年。三。十。當。疾。步。年。四。十。當。安。坐。年。五。十。當。安。臥。年。六。十。以。上。氣。當。大。董。文。王。年。未。滿。二。十。方。脈。氣。之。趨。也。而。徐。之。不。應。天。道。四。時。後。聞。醫。灸。之。即。驚。此。論。病。之。過。也。臣。意。論。之。以。爲。神。氣。爭。而。邪。氣。入。非。年。少。所。能。復。之。也。以。故。死。所。謂。氣。者。當。調。飲。食。擇。晏。日。車。步。廣。志。以。適。筋。骨。血。脈。以。瀉。氣。故。年。二。十。是。謂。易。質。法。不。當。砭。灸。砭。灸。至。氣。逐。問。臣。意。師。慶。安。受。之。聞。於。齊。諸。侯。不。對。曰。不。知。慶。所。師。受。慶。家。富。善。爲。醫。不。肯。爲。人。治。病。當。以。此。故。不。聞。慶。又。告。臣。意。曰。慎。毋。令。我。子。孫。知。若。學。我。方。也。問。臣。意。師。慶。何。見。於。意。而。愛。意。欲。悉。教。意。方。對。曰。臣。意。不。聞。師。慶。爲。方。善。也。意。所。以。知。慶。者。意。少。時。好。諸。方。事。臣。意。試。其。方。皆。多。驗。精。良。臣。意。聞。菑。川。唐。里。公。孫。光。善。爲。古。傳。方。臣。意。即。往。謁。之。得。見。事。之。受。方。化。陰。陽。及。傳。語。法。臣。意。悉。受。書。之。臣。意。欲。盡。受。他。精。方。公。孫。光。曰。吾。方。盡。矣。不。爲。愛。公。所。吾。身。已。衰。無。所。復。事。之。是。吾。年。少。所。受。妙。方。也。悉。與。公。毋。以。教。人。臣。意。曰。得。見。事。侍。公。前。悉。得。禁。方。幸。甚。意。死。不。敢。妄。傳。人。居。有。間。公。孫。光。問。處。臣。意。深。論。方。見。言。百。世。爲。之。精。也。師。光。喜。曰。公。必。爲。國。工。吾。有。所。善。者。皆。疏。同。產。處。臨。菑。善。爲。方。吾。不。若。其。方。甚。奇。非。世。之。所。聞。也。吾。年。中。時。嘗。欲。受。其。方。楊。中。倩。不。肯。曰。若。非。其。人。也。吾。與。公。往。見。之。當。知。

公喜方也。其人亦老矣。其家給富時者未往會。慶子男殷來獻馬。因師光奏馬王所意。以故得與殷善。光又屬意於殷。曰：意好數公必謹遇之。其人聖儒。即爲書以意屬陽慶。以故知慶。臣意事慶謹。以故愛意也。問臣意吏民嘗有事學意方。及畢盡得意方。不何縣里人。對曰：臨菑人朱邑。邑學臣意教。以五診歲餘。濟北王遣太醫高期王禹學。臣意教以經派高下。及奇絡結當論俞所居及氣當上下出入邪正逆順。以宜鑿石定砭灸處。歲餘菑川王時遣太倉馬長馮信。正方。臣意教以案法逆順論藥法。定五味。及和齊湯法。高永侯家杜信喜脈來學。臣意教以上下經派五診。二歲餘。臨菑召里唐安來學。臣意教以五診上下經脈奇咳四時應陰陽。重未成。除爲齊王侍醫。問臣意診病決死生。能全無失乎。臣意對曰：意治病。人必先切其脈。乃治之。敗逆者不可治。其順者乃治之。心不精脈。所期死生。視可治時。失之。臣意不能全也。

蘇耽

列仙傳。蘇耽。桂陽人也。漢文帝時得道人。稱蘇仙。公早喪所怙鄉里。以仁孝著聞。宅在郡城東北。距縣治百餘里。公與母共食。母曰：無鮓。公即輟筋起身取錢而去。須臾以鮓至。母曰：何所得來。公曰：縣市。母曰：去縣道往返百餘里。頃刻而至。汝欺我也。公曰：買鮓時見舅氏。約明日至。次日舅果至。一日雲間儀衛降宅。公語母曰：某受命仙籙。當違色養。母曰：我何存活。公以兩盤留。母需飲食。扣小盤。需錢帛。扣大盤。所需立至。又語母曰：明年天下疾疫。庭中井水。橘樹患疫者。與井水一升。桔葉一枚。飲之立愈。後果然求水葉者。遠至千里。應手而愈。

元俗

古今醫統元俗河間人餌巴豆賣藥都市河間王病瘵服元俗藥下蛇數十餘頭而愈王見元俗於日中無影以女配之元俗夜逃去隱於常山下

後漢

郭玉

後漢書方術傳郭玉廣漢維人也初有老父常漁釣於濟水見有疾者時下針石輒應時而效乃著針經診脈法傳於世弟子程高尋求積年翁乃授之玉少師事高學方診六徵之技陰陽不測之術和帝時爲太醫丞多有效應帝奇之仍試令嬖臣美手腕者與女子雜處帷中使玉各診一手問所疾苦玉曰左陰右陽脈有男女狀若異人臣疑其故帝歎息稱善玉仁愛不矜雖貧賤廝養必盡其心力而醫療貴人時或不愈乃令貴人羸服變處一針即差召玉問狀對曰醫之爲言意也腠理至微隨氣用巧針石之間毫芒即乖神存於心手之際可得解不可得言也夫貴者處尊高以臨臣臣懷怖懾以承之其爲療也有四難焉自用意而不任臣一難也將身不謹二難也骨節不彊不能使藥三難也好逸惡勞四難也針有分寸時有破漏重以恐懼之心加以裁慎之志臣意且猶不盡何有於病哉此其所爲不愈也帝善其對年老卒官

張伯祖

古今醫統張伯祖南陽人性志沈簡篤好方書精明脈證療病十全當時所重張仲景曾帥之

張仲景

何顒別傳同郡張仲景總角造顒謂曰君用思精而韻不高後將爲名醫卒如其言顒先識獨覺言無虛發仲景之方術今傳於世 皇甫謐甲乙經序漢有張仲景奇方異治施世者多不能盡記其本末見侍中王仲宣時年二十餘謂曰君有病四十當眉落眉落半年而死令服九石湯可免仲宣嫌其言忤受湯勿服居三日見仲宣謂曰服湯否仲宣曰已服仲景曰色候固非服湯之診君何輕命也仲宣獨不言後二十年果眉落後一百八十七日而死終如其言仲景論廣伊尹爲數十卷用之多驗 襄陽府志張機字仲景南陽棘陽人學醫於同郡張伯祖盡得其傳靈帝時舉孝廉官至長沙太守少時與同郡何顒客遊洛陽顒謂人曰仲景之術精於伯祖仲景宗族二百餘口自建安以來未及十稔死者三之二而傷寒居其七乃著傷寒論十卷行於世華陀讀而喜曰此真活人書也又著金匱玉函要畧三卷漢魏迄今家肄戶習者推爲醫中亞聖而范蔚宗後漢書不爲仲景立傳君子有遺憾焉

華陀

後漢書方術傳華陀字元化沛國譙人也一名粵游學徐土兼通數經曉養生之術年且百歲而猶有壯容時人以爲仙沛相陳珪舉孝廉太尉黃琬辟皆不就精於方藥處齊不過數種心識分銖不假稱量針灸不過數處若疾發結於內針藥所不及者乃令先以酒服麻沸散既醉無所覺因剗破腹背抽割積聚若在腸胃則斷截湔洗除去疾穢既而縫合傳以神膏四五

日創愈一月之間皆平復。佗嘗行道見有病咽塞者因語之曰向來道隅有賣餅人葑蒸甚酸可取三升飲之病自當去即如佗言立吐一蛇乃懸於車而候佗時佗小兒戲於門中逆見自相謂曰客車邊有物必是逢我翁也及客進顧視壁北懸蛇以十數乃知其奇。又有一郡守篤病久佗以爲盛怒則差乃多受其貨而不加功無何棄去又留書罵之太守果大怒令人追殺佗不及因瞋恚吐黑血數升而愈。又有疾者詣佗求療佗曰君病根深應當剖破腹然君壽亦不過十年病不能相殺也病者不堪其苦必欲除之佗遂下療應時愈十年竟死。廣陵太守陳登忽患胸中煩懣面赤不食佗脈之曰府君胃中有蟲欲成內疽腥物所爲也即作湯二升再服須臾吐出三升許蟲頭赤而動半身猶是生魚膾所苦便愈佗曰此病後三期當發遇良醫可救登至疾動時佗不在遂死。曹操聞而召佗常在左右操積苦頭風眩佗針隨手而差。有李將軍者妻病呼佗視脈佗曰傷身而胎不去將軍言聞實傷身胎已去矣佗曰案脈胎未去也將軍以爲不然妻稍差百餘日復動更呼佗佗曰派理如前是兩胎先生者去血多故後兒不得出也胎旣已死血脈不復歸必燥著母脊乃爲下針并令進湯婦因欲產而不通佗曰死胎枯燥勢不自生使人探之果得死胎人形可識但其色已黑佗之絕技皆此類也。爲人性惡難得意且恥以醫見業又去家思歸乃就操求還取方因託妻疾數期不反操累書呼之又刺郡縣發遣佗恃能厭事猶不肯至操大怒使人廉之知妻詐疾乃收付獄訊考首驗服荀彧請曰佗方術實工人命所懸宜加宥操不從竟殺之佗臨死出一卷書與獄吏

此

不改皆

多病者男也

師主家

可以活人吏畏法不敢受佗亦不强索火燒之。初軍吏李成苦欬晝夜不寐佗以爲腸癰與散兩錢服之即吐二升膿血於此漸愈乃戒之曰後十八歲疾當發動若不得此藥不可差也。復分散與之後五六歲有里人如成先病請藥甚急成愍而與之乃故往譙更從佗求適值見收竟不忍言後十八年成病發無藥而死。廣陵吳普彭城樊阿皆從佗學普依準佗療病多所全濟佗語普曰人體欲得勞動但不當使極耳動搖則穀氣得銷血脈流通病不得生譬如戶樞終不朽也是以古之仙者爲導引之事熊經鴟顧引挽腰體動諸關節以求難老吾有一術名五禽之戲一曰虎二曰鹿三曰熊四曰猿五曰鳥亦以除疾兼利蹏足以當導引體有不快起作一禽之戲怡而汗出因以著粉身體輕便而欲食普施行之年九十餘耳目聰明齒牙完堅。阿善針術凡醫咸言背及胸臆之間不可妄針針之不可過四分而阿針背入一二寸巨闕胸臆乃五六寸而病皆瘳阿從佗求方可服食益於人者佗授以漆葉青黏散漆葉屑一斗青黏十四兩以是爲率言久服去三蟲利五臟輕體使人頭不白阿從其言壽百餘歲漆葉處所而有青黏生於豐沛彭城及朝歌間漢世異術之士甚衆雖云不經而亦有不可誣故簡其美者列於傳末。魏志華佗本傳。故甘陵相夫人有娠六月腹痛不安佗視脈曰胎已死矣使人手摸知所在在左則男在右則女人云在左於是爲湯下之果下男形即愈。縣吏尹世苦四肢煩口中乾不欲聞人聲小便不利佗曰試作熱食得汗則愈不汗後三日死即作熱食而不汗出佗曰藏氣已絕於內當啼泣而絕果如佗言。府吏兒尋李延共止俱頭痛身熱

所苦正同。佗曰：尋當下之，延當發汗，或難其異。佗曰：尋外實，延內實，故治之宜殊。即各與藥，明且並起。鹽漬嚴昕，與數人共候佗。適至，佗謂昕曰：君身中佳否？昕曰：自如常。佗曰：君有急病，見於面，莫多飲酒，坐畢歸行數里，听卒頭眩墮車，人扶將還，載歸家中宿死。故督郵頓子獻得病已差，詣佗視脈，曰：尚虛，未得復，勿爲勞事。御內即死，臨死當吐舌數寸，其妻聞其病除，從百餘里來省之，止宿，交接中間三口發病，一如佗言。督郵除毅得病，佗往省之，毅謂佗曰：昨使醫曹吏劉租針胃管，訖便苦欬，欲臥不安。佗曰：刺不得胃管，誤中肝也。食當日減，五日不救，遂如佗言。東陽陳叔山小男二歲，得疾下利，常先啼，日以羸困。問佗，佗曰：其母懷軀，陽氣內養，乳中虛冷，兒得母寒，故令不時愈。佗與四物女宛丸，十日即除。彭城夫人夜之廁，蠶螫其手，呻呼無賴，佗令溫湯近熱，漬手其中，卒可得寐，但旁人數爲易湯，湯令煖之，其旦即愈。軍吏梅平得病，除名還家，居廣陵，未至二百里，止親人舍，有頃，佗偶至，主人許主人令佗視平。佗謂平曰：君早見我，可不至此。今疾已結，促去可得與家相見。五日卒，應時歸如佗所刻。佗死後，太祖頭風未除，太祖曰：佗能愈此小人，養吾病，欲以自重，然吾不殺此子，亦終當不爲吾斷此根原耳。及後，愛子倉舒病困，太祖歎曰：吾悔殺華一令此兒彊死也。華佗別傳人有見出陽太守廣陵劉景宗說數見華佗，見其療病平脈之候，其驗若神。琅邪劉勳爲河內太守，有女年幾二十，左脚膝裏上有瘡，癢而不痛，瘡發數十日愈，愈已復發，如此七八年，迎佗使視。佗曰：易療之，當得稻糠色犬一頭，好馬二匹，以繩繫犬頸，使走馬牽犬，馬極輒易計，馬走犬

三十餘里。犬不能行。復令步人拖曳。計向五十餘里。乃以藥飲女。女即安臥。不知人。因取犬斷腹。近後脚之前。以所斷之處向瘡口。令去二三寸。停之。須臾。有若蛇者。從瘡中出。便以鐵錐橫貫蛇頭。蛇在皮中。搖動良久。須臾不動。乃牽出。長三尺許。純是蛇。但有眼處。而無瞳子。又逆鱗耳。以膏散著瘡中。七日愈。又有人苦頭眩。頭不得舉。目不得視。積年。佗使悉解衣。倒懸。令頭去地一二寸。濡布拭身體。令周匝。候視諸脈。盡出五色。佗令弟子數人。以鉞刀決脈。五色血盡。視赤血出。乃下。以膏摩被覆。汗自出。周匝。飲以葶藶犬血散。立愈。又有婦人長病。經年。世謂寒熱注病者也。冬十一月。中佗令坐石槽中。且用寒水。及灌云當滿百。始七八灌。戰欲死。灌者懼。欲止。佗令滿數。至將八十灌。熱氣乃蒸出。囂囂高二三尺。滿百灌。佗乃燃火溫床。厚覆良久。汗洽出。著粉。汗糝便愈。又有人病腹中半切痛。十餘日中。鬚眉墮落。佗曰。是脾半腐。可剝腹。養療也。佗便飲藥。令臥。破腹。視脾半腐。壞刮去惡肉。以膏傅瘡。飲之藥。百日平復也。又有人病脚蹠不能行。佗切脈。便使解衣。點背數十處。相去一寸。或五寸。縱邪不相當。言灸此各七壯。灸創愈。即行也。後灸愈。灸處夾脊一寸。上下行端直。調如引繩也。吳普從佗學。微得其方。魏明帝呼之。使爲禽戲。普以年老。手足不能相及。粗以其法。語諸醫。普今年將九十。耳不聾。目不冥。牙齒完堅。飲食無損。青黏者。一名地節。一名黃芝。主理五臟。益精氣。本出於迷入山者。見仙人服之。以告佗。佗以爲佳語。阿阿又秘之。近者人見阿之壽。而氣力強盛。怪之。遂責所服。食因醉亂。誤道之法。一施人多服者。皆大驗。本字書無黏字。相傳音女廉。反。然今人無識此者。甚

可恨惜。鄧處中中藏經序。華先生諱佗字元化。生活淡喜味方書。多游名山。幽同往住。有所遇。一日因酒息於公宜山古洞前。忽聞人論療病之法。先生訝其異。潛逼洞竊聽。有人云。華生在邇。術可付焉。復有一人曰。此生性貪。不憫生靈。安得付也。先生不覺愈駭。躍入洞。見二老人。衣木皮。頂草冠。先生躬趨左右。而拜曰。適聞賢者論方術。遂乃忘歸。況濟人之道。素所好爲。所恨者未遇一法。可以施驗。徒自不足耳。願賢者少察愚誠。乞與開悟。終身不負恩。首坐先生云。術亦不惜。恐異日與子爲累。若無高下。無貧富。無貴賤。不務財賄。不憚勞苦。矜老恤幼。爲急。然後可脫子禍。先生再拜謝曰。賢聖之語。一不敢忘。俱能從之。二老笑指東洞云。牀上有書一函。子自取之。速出吾居。勿示俗流。宜秘密之。先生時得書。回首己不見老人。先生懾怯。離洞。忽然不見。雲奔雨瀉。石洞摧塌。既覽其方論。多奇怪。從茲施試。無不神效。先生未六十。果爲魏所戮。老人之言。預有斯驗。余遇先生外孫也。因弔先生寢室。夢先生引余坐。語中藏經真活人法也。子可取之。勿傳非人。余覺驚怖不定。遂討先生舊物。獲石函一具。開之得書一帙。廼中藏經也。余性拙於用。復授次子思。因以志其實。甲寅秋九月序。

三國

董奉

三國志士燮傳。注燮嘗病死已三日。仙人董奉以丸藥與服。以水含之。捧其頤。搖消之。食頃即開目動手。顏色漸復。半日能起坐。四日復能語。遂復常。南康府志。董奉字君異。侯官人有

道術隱廬山。爲人治病不受謝。惟令種杏一株。數年成林。杏熟。易穀以濟貧民。永嘉中仙去。今廬山杏林。乃其遺跡。

晉

王叔和

甘伯宗名醫傳。晉王叔和高平人。爲太醫令。性度沉靜。通經史。窮研方脈。精意診切。洞識修養之道。撰脈經十卷。脈訣四卷。脈賦一卷。仲景作傷寒論。錯簡叔和撰次成序。得成全書。

皇甫謐

古今醫統。皇甫謐得風痺疾。因而學醫。集覽經方。手不釋卷。遂盡其妙。所著甲乙經及鍼經行世。按謐自序甲乙經。近代王叔和按黃帝內經十八卷。今鍼經九卷。素問九卷。其義深奧。又有明堂孔穴。鍼灸治要三部。同歸文多重複。錯互非一。甘露中。吾病風加苦聲。百日。方治要皆淺近。乃撰三部。使事類相從。刪其浮辭。去其重複。論其精要。至爲十二卷。易曰。觀其所覈。而天地之情事見矣。况物理乎。事類相從。衆之義也。夫受先人之體。有八尺之軀。而不知醫事。此所謂遊魂耳。若不精通於醫道。雖有忠孝之心。仁慈之性。君父危困。赤子塗地。無以濟之。此固聖賢所以精思極論。盡其理也。由此言之。焉可忽乎。其本論文理。雖不切於近事。不堪刪也。若必精要。俟某閒暇。當撰覈以爲教。經云爾。

李子豫

搜神記。李子豫不知何許人。少善醫方。當代稱其通神。時許永爲豫州刺史。其弟患心腹痛十餘年。殆死。忽一夜間。自屏風後有鬼。謂腹中鬼曰。何不速殺之。明日李子豫從此過。以赤丸殺汝。汝其死矣。腹中鬼對曰。我不畏之。於是使人候子豫。子豫至未入門。患者自聞腹中有呻吟聲。及子豫入視。曰。鬼病也。遂出八毒赤丸與服。須臾腹中雷鳴。疏轉。大利數行。遂愈。今八毒赤丸是也。

支法存

千金方序。支法存。嶺表僧人。少以聰慧入道。長以醫術擅名。自永嘉南渡。晉朝士夫不習水土。所患皆軟脚之疾。染者無不斃。惟法存能拯濟之。天下知名。

張苗

古今醫統。張苗不知何郡人。雅好醫術。善消息診脈。爲時所重。陳廩邱得疾。連服藥。特發汗不出。或曰。汗不出者死。苗教以燒地加桃葉於上。蒸之。即得大汗而愈。

鄧邵

古今醫統。鄧邵不知何郡人。性聰明。有才術。本草經方。誦覽無不通。究裁方治療。有出衆見制。五石散。礬石散等方。晉朝士大夫無不敬服。

葛洪

晉書本傳。葛洪字稚川。丹陽句容人也。好神仙導養之法。從祖元。吳時學道得仙。號曰葛仙公。

以其煉丹秘術授弟子鄭隱。洪就隱學，悉得其法焉。後以師事南海太守上黨鮑元元，亦內學。逆占將來，見洪深重之。洪傳元業，兼綜練醫術。凡所著撰，皆精覈是非，而才章富贍。洪見天下已亂，禮辟皆不赴。以年老欲煉丹，以祈遐壽。聞交阯出丹，求爲勾漏令。帝以洪資高不許。洪曰：非欲爲榮，以有丹耳。帝從之。洪遂將子姪俱行，乃止羅浮山煉丹。著金匱藥方一百卷。肘後要急方四卷。

宋

徐熙

南史張邵傳：東海徐熙，濮陽太守，好黃老，隱於秦望山。有道士過求飲，留一瓠，與之曰：君子孫宜以道術救世，當得二千石。熙開之，乃扁鵲鏡經一卷，因精心學之，遂名震海內。

徐秋夫

南史張邵傳：徐熙生子秋夫，彌工醫術。仕至射陽令。嘗夜有鬼呻聲，甚悽愴。秋夫問何須，答言：姓某，家在東陽，患腰痛死，雖爲鬼痛猶難忍，請療之。秋夫曰：云何厝法？鬼請爲芻人，按孔穴，鍼之。秋夫如言爲灸四處，又鍼肩井三處，設祭埋之。明日見一人謝恩，忽然不見。當世服其通靈。

徐道度

南史張邵傳：徐秋夫生道度，叔嚮，皆能精其業。道度有脚疾不能行，宋文帝令乘小輿入殿，爲諸皇子療疾，無不絕驗。位蘭陵太守。宋文帝云：天下有五絕，而皆出錢唐，謂柱道鞠、彈碁、范悅。

詩褚欣遠模書褚引岡基徐道度療疾也。

薛伯宗

徒

南史張邵傳時薛伯宗善從癰疽公孫泰患背伯宗爲氣封之徒置齋前柳樹上明且癰消樹邊便起一瘤如拳大稍稍長二十餘日瘤大膿爛出黃赤汁斗餘樹爲之痿損。

僧深

千金方序僧深宋齊間人少以醫術鳴善療脚更之疾當時所服撰錄支法存等書諸家舊方三十餘卷經用多效時人號曰深公方云。

南齊

褚澄

生

南史本傳褚澄爲吳郡太守百姓李道念以公事到澄見謂曰汝有重疾答曰舊有冷疾至今五年衆醫不差澄脉謂曰汝病非冷非熱當是食白瀼雞子過多所致令取蘇一升煮服之始一服乃吐得一物如升涎裏之動開看是雞雛羽翅爪距具足能行走澄曰此未盡更服所餘藥又吐如向者雞十三頭而病都差當時稱妙。

徐文伯

南史張邵傳徐道度生文伯叔嚮生嗣伯文伯亦精其業兼有學行倜儻不屈意於公卿不以醫自業融謂文伯嗣伯曰昔王微稽叔夜並學而不能殷仲堪之徒故所不論得之者由神明

洞徹然後可至。故非吾徒所及。且諸侍中澄當貴亦能救人疾。卿此更成不達。答曰：惟達者知此可崇。不達者多以爲深累。既鄙之何能不恥之。文伯爲效與嗣伯相埒。宋孝武路太后病。衆醫不識。文伯診之曰：此石博小腸耳。乃爲水劑消石湯。病即愈。除鄱陽王常侍。遺以千金。旬日恩意隆重。宋明帝宮人患腰痛。牽心。每至輒氣欲絕。衆醫以爲肉癥。文伯曰：此髮癥。以油投之。即吐得物如髮。稍引之長三尺。頭已成蛇。能動。挂門上。適盡一髮而已。病都瘥。宋後廢帝出樂遊苑門。逢一婦人有娠。帝亦善診之。曰：此腹是女也。問文伯曰：腹有兩子。一男一女。男左邊青黑形小。于女。帝性急。便欲使剖。文伯惻然曰：若刀斧恐其變異。請針之立落。便瀉足太陰。補手陽明。胎便應針而落。兩兒相繼出如其言。

徐嗣伯

南史張邵傳。徐嗣伯字叔紹。有孝行。善清言。位正員郎。諸府佐彌爲臨川王映所重。時直閣將軍房伯玉服五石散。十許劑無益。更患冷。夏日常複衣。嗣伯爲診之。曰：卿伏熱。應須以水發之。非冬月不可。至十一月。冰雪大盛。令二人夾捉伯玉。解衣坐石。取冷水從頭澆之。盡二十斛。伯玉口噤氣絕。家人啼哭。請止。嗣伯遣人執杖防闔。敢有諫者撻之。又盡水百斛。伯玉始能動。而見背上彭彭有氣。俄而起坐。曰：熱不可忍。乞冷飲。嗣伯以水與之一飲。一升。病都差。自爾恒發熱。冬月猶單禪衫。體更肥壯。常有嫗人患滯冷。積年不差。嗣伯爲診之。此尸注也。當取死人枕。煮服之。乃愈。於是往古冢中取枕。枕已一邊腐缺。服之即差。後秣陵人張景。年十五。腹脹面黃。

衆醫不能療。以問嗣伯。嗣伯曰：此石虻耳。極難療。當死人枕煮服之。依語煮枕。以湯投之。得大利。并虻蟲頭。堅如石。五升。病即差。後沈僧翼患眼痛。又多見鬼物。以問嗣伯。嗣伯曰：邪氣入肝。可覓死人枕。煮服之。竟可埋枕於故處。如其言。又愈。王晏問之曰：三病不同。而皆用死人枕。而俱差。何也。答曰：尸注者。鬼氣伏而未起。故令人沈滯。得死人枕投之。魂氣飛越。不得附體。故尸注可差。石虻者。久虻也。醫療既僻。虻中轉堅。世間藥不能遣。所以須鬼物驅之。然後可散。故令煮死人枕也。夫邪氣入肝。故使眼痛。而見魍魎。滯邪物以鈎之。故用死人枕也。氣因枕去。故令埋於冢間也。又春月出南籬間。戲聞笮屋中有呻聲。嗣伯曰：此病甚重。更二日不療。必死。乃往視見一老姥。稱體痛。而處處有黥黑。無數。嗣伯還煮斗餘湯。遂令服之。服訖痛勢愈甚。跳投牀者無數。須臾所黥處。皆拔出釘長寸許。以膏塗瘡口。三日而復。云此名釘疽也。

北魏

徐塞

魏書本傳。徐塞字威伯。丹陽人家。本東莞。與兄文伯等。皆善醫藥。塞因至青州。慕容白曜平東陽。獲之。表送京師。顯祖欲驗其所能。乃置諸病人於幕中。使塞隔而脈之。深得病形。兼知色候。遂被寵遇。爲中散。稍遷內侍長。性甚祕忌。承奉不得其意者。雖貴爲王公。不爲措療也。高祖後知其能。及遷洛。稍加眷幸。體小不平。及所寵馮昭儀有疾。皆令處治。又除中散大夫。轉右軍將軍。侍御師。塞欲爲高祖合金丹。致延年之法。乃入居崑高。採營其物。歷歲無所成。遂罷。二十二

年高祖幸懸瓠其疾大漸乃馳驛召賽令水路赴行所。一日一夜行數百里。至診省下。治果有大驗。高祖體少瘳。內外稱慶。九月車駕發豫州。次於汝濱。乃大爲筵設。大官珍膳。因集百官。特坐賽於上席。遍陳餽觴於前。命左右宣賽救攝危篤振濟之功。宜加酬賚。乃下詔曰。夫神出無方。形稟有礙。憂喜乖適。理必傷生。朕覽萬機。長鍾革運。思芒芒而無怠。身忽忽以興勞。仲秋動痾。心容頓竭。氣體羸瘠。玉几在虛。侍御師右將軍徐成伯馳輪太室。進療汝蕃。方窮丹英。藥盡芝石。誠術兩輸。忠妙俱至。乃令沈癆勝愈。篤療克痊。論勤語效。實宜褒錄。可鴻臚卿。金鄉縣開國伯。食邑五百戶。賜錢一萬貫。諸親王咸陽王禧等。各有別賚。從行至鄴。高祖猶自發動。賽日夕左右。明年從詣馬圈。高祖疾勢遂甚。戚戚不怡。每加切誚。又欲加之鞭捶。幸而獲免。高祖崩。賽隨梓宮還洛。賽常有藥餌及吞服道符。年八十鬢髮不白。力未多衰。正始元年。以老爲光祿大夫。加平北將軍。卒。延昌初。贈安東將軍。齊州刺史。諡曰靖。

王顯

魏書本傳。王顯字世榮。陽平樂平人。自言本東海郟人。王朗之後也。祖父延和中。南奔居于魯郊。父居彭城。顯父安道少與李亮同師。俱學業醫。粗究其術。而不及亮也。顯少歷本州從事。雖以醫術自通。而明敏有決斷。初文昭太后之懷世宗也。夢爲日所逐。化而爲龍。而繞后。寤而驚悸。遂成心疾。文明太后敕召徐賽及顯等。爲后診脈。賽云。是微風入臟。宜進湯加針。顯云。按三部脈。非有心疾。將是懷孕生男之象。果如顯言。久之。召補侍御師。尚書僕曹郎。號稱幹事。世宗

自幼有微疾。久未痊愈。顯攝療有效。因是稍蒙盼識。顯為領軍千烈。問通規策。頗有密功。累遷遊擊將軍。拜廷尉少卿。仍在侍御營。進御藥。後世宗詔顯撰藥方三十五卷。班布天下。以療諸疾。東宮既建。以為太子詹事。委任甚厚。世宗每幸東宮。顯常近侍。出入禁中。仍奉醫藥。賞賜累加。為立館宇。寵振當時。延昌二年秋。以營療之功。封衛南伯。四年正月。世宗夜崩。朝宰託以侍療無效。執之禁中。詔削爵位。臨執呼冤。直閣以金銀撞其腋下。傷中吐血。至右衛府一宿死。

李亮 李元孫 李修

魏書本傳。李修字思祖。本陽平館陶人。父亮。少學醫術。未能精究。世祖時。奔劉義隆於彭城。又就沙門僧坦。研習衆方。略盡其術。鍼灸授藥。莫不有效。徐亮之間。多所救恤。四方疾苦。不遠千里。竟往從之。亮大為廳事。以舍病人。停車輿於下。時有死者。則就而棺殯。親往弔視。其仁厚若此。累遷府參軍。督護本郡士門宿官。咸相交昵。車馬金帛。酬資無費。修兄元孫亦遵父業。而不及以功。賜爵義平子。拜奉朝請。脩略與兄同。晚入代京。曆位中散。令以功。賜爵下蔡子。遷給事中。太和中。常在禁內。高祖文明太后時。有不豫。修侍鍼藥。治多有效。賞賜累加。車服號為鮮麗。集諸學士及工書者百餘人。在東宮撰諸藥方百餘卷。皆行於世。先是咸陽公高允。雖年且百歲。而氣力尙康。高祖文明太后時。令修診視之一。且奏言。允脈竭氣微。大命無遠。未幾果亡。遷洛為前軍將軍。領太醫令。後數年卒。贈威遠將軍。青州刺史。子天授。襲汶陽令。醫術又不逮父。

崔暅 崔景哲

魏書本傳。雀。彘。字。文。若。清河東武城人。父。勳。之。字。嚮。國。位。大。司。馬。外。兵。郎。贈。通。直。郎。彘。與。兄。相。如。俱。自。南。入。國。相。如。以。才。學。知。名。早。卒。彘。少。嘗。詣。青。州。逢。隱。逸。沙。門。教。以。素。問。九。卷。及。甲。乙。遂。善。醫。術。中。山。王。英。子。略。曾。病。王。顯。等。不。能。療。彘。鍼。之。抽。鍼。即。愈。後。位。冀。州。別。駕。累。遷。雷。遠。將。軍。性。仁。恕。見。疾。苦。好。與。治。之。廣。教。門。生。令。多。救。療。其。弟。子。清。河。趙。約。渤。海。郝。文。法。之。徒。咸。亦。有。名。彘。子。景。哲。豪。率。亦。以。醫。術。知。名。爲。大。中。大。夫。司。徒。長。史。

北齊

馬嗣明

北齊書本傳。馬嗣明。河內人。少明醫術。博綜經方。甲乙素問。明堂本草。莫不咸誦。爲人診候。一。年。前。知。其。生。死。邢。邵。子。大。寶。忠。傷。寒。嗣。明。爲。之。診。候。脈。退。告。楊。愔。云。邢。公。子。傷。寒。不。治。自。差。然。脈。候。不。出。一。年。便。死。覺。之。晚。不。可。治。後。數。日。楊。邢。竝。侍。讌。內。殿。顯。祖。云。子。才。兒。我。欲。乞。其。隨。近。一。郡。勿。以。卿。子。年。少。未。合。剖。符。讌。罷。奏。云。馬。嗣。伯。稱。大。寶。祇。惡。一。年。內。恐。死。若。其。出。郡。醫。藥。難。求。遂。寢。大。寶。未。期。而。卒。楊。令。患。背。腫。嗣。明。以。煉。石。塗。之。便。瘥。作。煉。石。法。以。蠟。黃。色。石。鵝。鴨。卵。大。猛。火。燒。令。赤。內。淳。醋。中。自。屑。頻。燒。至。石。盡。取。石。屑。曝。乾。搗。下。筴。和。醋。以。塗。腫。上。無。不。愈。後。遷。通。直。散。騎。當。侍。鍼。灸。孔。穴。往。往。與。明。堂。不。同。從。駕。往。晉。陽。至。遼。陽。山。中。數。處。見。勝。云。有。人。家。女。病。若。有。能。治。瘥。者。購。錢。十。萬。諸。名。醫。多。尋。勝。至。問。病。狀。不。敢。下。手。惟。嗣。明。獨。治。之。其。病。由。云。曾。以。手。將。一。麥。穗。即。見。一。赤。物。長。三。寸。似。蛇。入。其。手。指。中。因。驚。怖。倒。地。即。覺。手。臂。疼。腫。漸。及。半。身。俱。

腫痛不可忍。呻吟晝夜不絕。嗣明爲處方服湯。比嗣明從駕還女平復。嗣明隋初卒。按北史本傳。嘗有一家二奴俱患身體遍青。漸虛羸不能食。訪諸醫無識者。嗣明爲灸兩足。肤上各三七壯。便愈。嗣明藝術精妙。然性自矜大。輕諸醫人。自徐之才。崔叔鸞以還。俱爲其所輕。

徐之才

北齊書本傳。徐之才。丹陽人也。大善醫術。武明皇太后不豫。之才療之。應手便愈。有人患脚跟踵痛。諸醫莫能識。之才曰。蛤精疾也。由乘船入海。垂脚水中。疾者曰。實曾如此。之才爲刮得蛤子二大如榆莢。天統二年。累遷尙書左僕射。俄除兖州刺史。之才醫術最高。偏被命召。武成酒色過度。恍惚不恒。曾病發。自云初見空中有五色物。稍近。變成一美婦人。去地數丈。亭亭而立。食頃。變爲觀世音之才。云此色欲多大虛所致。即處湯方服一劑。便覺稍遠。又服。還變成五色物。數劑湯疾竟愈。帝每發動。蹙遣騎追之。鍼藥所加。應時必效。入秋。武成小定。更不動發。和士開欲依次轉進。以之才附籍。兖州即是本屬。遂奏附除刺史。及十月。帝又病動。語士開云。恨用之才外任。使我辛苦。其月八日。勅驛追之才。帝以十日崩。之才十一日方到。既無所及。復還赴州。年八十卒。贈司徒公。錄尙書事。諡曰文明。

崔季舒

北齊書本傳。崔季舒字叔正。博陵安平人。少孤。性明敏。涉獵經史。長於尺牘。武成居藩。曾病。文宣令季舒療病。備盡心力。季舒大好醫術。天保中。於徙所無事。更銳意研精。遂爲名手。多所全。

濟雖位望轉高未曾懈怠縱貧賤斯養亦爲之療

北周

姚僧坦

周書本傳姚僧坦字法衛吳興武康人年二十四即傳家業梁武帝召入禁中面加討試僧坦酬對無滯梁武帝甚奇之六年釋褐九年領殿中醫師時武陵王所生葛修華宿患積方術莫效梁武帝令僧坦視之還具說其狀并記增損時候梁武帝歎曰卿用意綿密乃至於此此候疾何疾可逃朕常以前代名人多好此術是以每恒留情頗識治體今聞卿說益開人意十一年轉大醫正加文德主帥直閣將軍梁武帝嘗因發熱欲服大黃僧坦曰大黃乃是快藥然至尊年高不宜輕用帝弗從遂至危篤梁簡文帝在東宮甚禮之四時伏臘每月常賜梁元帝嘗有心腹疾乃召諸醫議治療之方咸謂至尊至貴不能輕脫宜用平藥可漸宣通僧坦曰脈洪而實此有宿食非用大黃必無差理梁元帝從之進湯訖果下宿食因而疾愈梁元帝大喜時初鑄錢一當十乃賜十萬實百萬也武成元年授小畿伯下大夫金州刺史伊婁穆以疾還京請僧坦省疾乃云自腰至臍似有三縛兩脚緩縱不復自持僧坦爲診脈處湯三劑穆初服一劑上縛即解次服一劑中縛復解又服一劑下縛悉除而兩脚疼痺猶自孱弱更爲合散一劑稍得屈伸僧坦曰終情霜降此患當愈及至九月遂能起行大將軍襄樂公駕蘭隆先有氣疾加以水腫喘息奔急坐臥不安或有勸其服決命大散者其家疑未能決乃問僧坦僧坦曰

意謂此患不與大散相當若欲自服不煩賜問因而委去其子殷勤拜請曰多時抑屈今日始來竟不可治意實未盡僧坦知其可差即爲處方勸使急服便即氣通更服一劑諸患悉愈天和元年加授車騎大將軍儀同三司大將軍樂平公竇集暴感風疾精神昏亂無所覺知諸醫先視者皆云已不可救僧坦後至曰困則困矣終當不死若專以見付相爲治之其家欣然請受方術僧坦爲合湯散所患即瘳大將軍永世公叱伏列椿苦利積時而不廢朝謁燕公謹嘗問僧坦曰樂平永世俱有病疾若如僕意永世差輕對曰夫患有深淺時有尅殺樂平雖困終當保全永世雖輕必不免死謹曰君言必死當在何時對曰不出四月果如其言謹歎異之六年遷遂伯中大夫建德三年文宣太后寢疾醫巫雜說各有異同高祖御內殿引僧坦同坐曰太后患勢不輕諸醫並云無慮朕人子之情可以意得君臣之義言在無隱公爲何如對曰臣無聽聲視色之妙特以經事已多準之常人竊以憂懼帝泣曰公旣決之矣知復何言尋而太后崩四年高祖親戎東討至河陰遇疾口不能言臉垂覆目不復瞻視一足短縮又不得行僧坦以爲諸臟俱病不可竝治軍中之要莫先於語乃處方進藥帝遂得言次又治目目疾便愈末乃治足足疾亦瘳此至華州帝已痊復即除華州刺史宣政元年表請致仕優詔許之是歲高祖行幸雲陽遂寢疾乃召僧坦赴行在所內史柳昇私問曰至尊貶膳日久脈候何如對曰天子上應天心或當非愚所及若凡庶如此萬無一全尋而帝崩宣帝初在東宮常苦心痛乃令僧坦治之其疾即愈帝甚悅及即位恩禮彌隆常從容謂僧坦曰常聞先帝呼公爲姚公有

之乎對曰臣曲荷殊私實如聖旨帝曰此是尙齒之辭非爲貴爵之號朕當爲公建國開家爲子孫永業乃封長壽縣公邑一千戶册命之曰又賜以金帶及衣服等大象二年除太醫下大夫帝尋有疾至於大漸僧坦宿直侍帝謂隋公曰今日性命惟委此人僧坦知帝證候危殆必不全濟乃對曰臣荷恩深重思在効力但恐庸短不逮敢不盡心帝頷之及靜帝嗣位遷上開府儀同大將軍開皇初進爵北絳郡公三年卒年八十五

隋

許智藏

隋書本傳許智藏高陽人也祖道幼嘗以母疾遂覽醫方因而究極世號名醫誠其諸子曰爲人子者嘗饕視藥不知方術豈謂孝乎由是世相傳授仕梁官至員外散騎侍郎父景武陵王諮議參軍智藏少以醫術自達仕陳爲散騎侍郎及陳滅高祖以爲員外散騎侍郎使詣揚州會秦孝王俊有疾上馳召之俊夜中夢其亡妃崔氏泣曰本來相迎比聞許智藏將至其人若到當必相苦爲之奈何明夜俊又夢崔氏曰妾得計矣當入靈府中以避之及智藏至爲俊診脈曰疾已入心即當發痼不可救也果如言俊數日薨上奇其妙賫物百段煬帝即位智藏時致仕於家帝每有所苦輒令中使就詢訪或以輿迎入殿扶登御牀智藏爲方奏之用無不效年八十卒於家

莫君錫

古今醫統莫君錫不知何郡人大業中爲太醫煬帝晚年尤迷於色方士進大丹帝服之陽氣過盛日飲水百杯而渴不止君錫奏爲置冰於帝前日夕望之渴遂止

巢元方

古今醫統巢元方不知何郡人大業中爲太博醫士奉詔撰諸病源候論五十卷罔不該集今行世爲巢氏病源

楊上善

古今醫統楊上善不知何郡人大業中爲太醫侍御名著當代稱神診療出奇能起沈疴篤疾不拘局方述內經爲太素知休咎今世之云太素脈皆宗之鮮有得其妙者

全元起

古今醫統全元起以醫鳴其實不在巢楊之下一時縉紳慕之如神患者仰之得則生捨則死其術悉祖內經所著內經訓解行世

中國醫門小史 卷下

唐

許胤宗

舊唐書本傳許胤宗常州義興人也初事陳爲新蔡王外兵參軍時柳太后病風不言名醫治皆不愈脈益沉而噤胤宗曰口不可下藥宜以湯氣熏之令藥入腠理周理即瘥乃遣黃耆防風湯數十斛置於牀下氣如煙霧其夜便得語由是超拜義興太守陳亡入隋歷尙藥奉御武德初累授散騎侍郎時關中多骨蒸病得之必死遞相傳染諸醫無能療者胤宗每療無不愈或謂曰公醫術若神何不著書以貽將來胤宗曰醫者意也在人思慮又脈候幽微苦其難別意之所解口莫能宣且古之名手惟是別脈脈既精別然後識病夫病之於藥正有相當者惟須單用一味直攻彼病藥力既純病即立愈今人不能別脈莫識病源以情臆度多安藥味譬之於獵未知兔所多發人馬空地遮圍或冀一人偶然逢也如此療疾不亦疎乎假令一藥偶然當病復其他味相和君臣相制其勢不行所以難瘥諒由於此脈之深趣既不可

後五十

李洞元

不受顯

齊東野語唐長孫后懷高宗數日不能分娩詔醫博士李洞元候脈奏云緣子以氣以居之思以不產太宗問曰當何如洞元曰留子母不全母全子必死后曰留子帝業永昌曰高醫愈疾

透心至手后崩太子即誕後至天陰手中有癩

帝服之陽氣

李世勣

古今醫統李世勣以醫鳴唐註本草藥性爲有功

于志寧

醫學入門于志寧字仲謐唐太傅與李世勣修本草竝圖合五十四篇其書大行

該集今

甘伯宗

醫學入門甘伯宗撰歷代名醫姓氏自伏羲至唐凡一百二十人

甄權

舊唐書本傳甄權許州扶溝人也嘗以母病與弟立言專醫方得其旨趣隋開皇初爲祕書省正字後稱疾免隋魯州刺史庠狄嶽苦風患手不得引弓諸醫莫能療權謂曰但將弓箭向塚一鍼可以射矣鍼其肩隅一穴應時即射權之療疾多此類也貞觀十七年權年一百三歲太宗幸其家視其飲食訪以藥性因授朝散大夫賜几杖衣服其年卒撰脈經鍼方明堂人形圖各一卷

甄立言

舊唐書甄權傳權弟立言武德中累遷太常丞御史大夫杜淹患風毒發腫太宗令立言視之既而奏曰從今更十一日午時必死果如其言時有尼明律年六十餘患心腹鼓脹身體羸瘦

已經二年立言診脉曰其腹內有蟲當是誤食髮爲之耳因令服雄黃須臾吐出一蛇如人手小指唯無眼燒之獨有髮氣其疾乃愈立言尋卒撰本草音義七卷古今錄驗方五十卷

張寶藏

續前定錄貞觀中張寶藏爲金吾長管因下直歸櫟陽路逢少年收獵割鮮野食倚樹嘆曰張寶藏身年七十未嘗得一食酒肉如此者可悲哉傍一僧指曰張寶藏六十日內官登三品何足嘆也言訖不見寶藏異之即時還京師太宗苦於氣痢衆醫不效即下詔問殿庭左右有能治此疾者當重賞之寶藏管困是疾即具疏以乳煎葦撥方進上服立差宣下宰臣與五品官魏徵難之逾月不進擬上疾復問左右曰吾前飲乳煎葦撥有效復命進之一啜又平復因思曰嘗令與進方人五品官不見除授何也徵懼曰奉詔之際未知文武二吏上怒曰治得宰相不妨授以三品官我天子也豈不及汝耶乃厲聲曰與三品文官授鴻臚卿時已六十日矣

孫思邈

唐書本傳孫思邈京兆華原人通百家說善言老子莊周周洛州總管獨孤信見其少異之曰聖童也願器大難爲用耳及長居太白山隋文帝輔政以國子博士召不拜密語人曰後五十年有聖人出吾且助之太宗初召詣京師年已老而聽聰視瞭帝歎曰有道者欲官之不受顯慶中復召見拜諫議大夫固辭上元元年稱疾還山高宗賜良馬假鄆陽公主邑司以居之思邈於陰陽推步醫藥無不善孟詵盧照鄰等師事之照鄰有惡疾不可爲感而問曰高醫愈疾

奈何答曰天有四時五行寒暑迭居和爲雨怒爲風凝爲雪霜張爲虹霓天常數也人之四肢五臟一覺一寐吐納往來流爲榮衛章爲氣色發爲聲音人常數也陽用其形陰用其精天人所同也失則蒸生熱否生寒結爲瘤贅陷爲癰疽奔則喘乏竭則焦稿發乎面動乎形天地亦然五緯縮羸字彗飛流其危診也寒暑不時其蒸否也石生土踊是其瘤贅山崩土陷是其癰疽奔風暴雨其喘乏川瀆竭涸其焦稿高醫導以藥石救以砭劑聖人和以至德輔以人事故體有可愈之疾天有可振之災照鄰曰人事奈何曰心爲之君君尚恭故欲小詩曰如臨深淵如履薄水小之謂也膽爲之將以果決爲務故欲大詩曰起起武夫公侯干城大之謂也仁者靜地之象故欲方傳曰不爲利回不爲義疚方之謂也智者動天之象故欲圓易曰見幾而作不俟終日圓之謂也復問養性之要答曰天有盈虛人有屯危不自慎不能濟也故養性必先知自慎也慎以畏爲本故士無畏則簡仁義農無畏則惰稼穡工無畏則慢規矩商無畏則貨不殖子無畏則忘孝父無畏則廢慈臣無畏則勳不立君無畏則亂不治是以太上畏道其次畏物其次畏人其次畏身憂於身者不拘於人畏於己者不制於彼慎於小者不懼於大成於近者不侮於遠知此則人事畢矣初魏徵等修齊梁陳周隋等五家史屢咨所遺其傳最詳永淳初卒年百餘歲按酉陽雜俎孫思邈常隱終南山與宣律和尚相接每來往互參宗旨時大旱西域僧請於昆明池結壇祈雨詔有司備香燈凡七日縮水數尺忽有老人夜詣宣律和尚求救曰弟子昆明池龍也無雨久非由弟子胡僧利弟子腦將爲藥欺天子言祈雨命在且

夕乞和尚法力加護宣公辭曰貧道持律而已可求孫先生老人因至思邈石室求救孫曰我知昆明龍宮有仙方三千首爾傳與予予將救汝老人曰此方上帝不許妄傳今急矣固無所恠有頃捧方而至孫曰爾特還無慮胡僧也自是池水忽漲數日溢岸胡僧羞恚而死孫復著千金方三十卷每卷入一方人不得曉

秦鳴鶴

譚賓錄唐高宗苦風眩頭目不能視召侍醫秦鳴鶴診之秦曰風毒上攻若刺頭出少血愈矣天后自簾中怒曰此可斬也天子頭上豈是出血處邪鳴鶴叩頭請命上曰醫人議病理不加罪且我頭重悶殆不能忍出血未必不佳朕意決矣命刺之鳴鶴刺百會及腦戶出血上曰我眼明矣言未畢后自簾中頂禮以謝之曰此天賜我師也躬負繪寶以遺之

曹元

王勃

唐書王勃傳勃嘗謂人子不可不知醫時長安曹元有祕術勃從之遊盡得其要按王勃黃帝八十一難經序黃帝八十一難經是醫經之秘錄也昔者岐伯以授黃帝黃帝歷九師以授伊尹伊尹以授湯湯歷六師以授太公太公授文王文王歷九師以授醫和醫和歷六師以授秦越人始定立章句歷九師以授華佗歷六師以授黃公黃公以授曹夫子夫子諱元字真道自云京兆人也蓋受黃公之術洞明醫道至能遙望氣色徹視腑臟流腸剗智之術往往行焉浮沈人間莫有知者勃養於慈父之手每承過庭之訓曰人子不知醫古今以爲不孝因竊求

良師陰訪其道以大唐龍朔元年歲次庚申冬至後甲子予遇夫子於長安撫勃曰無欲也勃再拜稽首遂歸心焉雖伯父伯兄不能知也蓋受周易章句及黃帝素問難經乃知三才六甲之事明堂玉匱之數十五日而畢將別謂勃曰陰陽之道不可妄宣也鍼石之道不可妄傳也無猖狂以自彰當陰沉以自深也勃受命伏習五年於茲矣有升堂觀奧之心焉近復鑽仰太虛導引元氣覺滓穢都絕精明相保方欲坐守神仙棄置流俗噫蒼生可以救耶斯文可以存耶昔太上有立德其次有立功其次有立言非以徇名也將以濟人也謹錄師訓編附聖經庶將來君子有以得其用心也

張文仲

李虔縱

章慈藏

舊唐書本傳張文仲洛州洛陽人也少與鄉人李虔縱京兆人章慈藏以醫術知名則天初爲侍御醫時特進蘇良嗣於殿庭因拜跪便絕倒則天令文仲慈藏隨至宅候之文仲曰此因憂憤邪氣激也若痛衝脅則劇難救自朝候未及食時即苦衝脅絞痛文仲曰若入心即不可療俄頃心痛不復下藥日旰而卒文仲尤善療風疾其後則天令文仲集當時各醫共撰療風氣諸方仍令麟臺監王方慶監其修撰文仲奏曰風有一百二十四種氣有八十種大體醫藥雖同人性各異庸醫不達藥之性使冬夏失節因此殺人唯脚氣頭風上氣管須藥服不絕自餘則隨其發動臨時消息之但有風氣之人春末夏初及秋暮要得通洩即不困劇於是撰四時常服及輕重大小諸方十八首表上之文仲久視年終於尙藥奉御撰隨身備急方三卷行

於代虔縱官至侍御醫慈藏景龍中光祿卿自則天中宗已後諸醫咸推文仲等三人爲首按古今醫統韋訊道號慈藏善醫術常帶黑犬隨行施藥濟人元宗重之擢官不受世仰爲藥王醫家多祝之

狄仁傑

集異記狄梁公性閑醫藥尤妙鍼術顯慶中應制入關路由華州園園之北稠人廣衆聚觀如堵狄梁公引轡遙望有巨碑大字云能療此兒酬絹千疋即就觀之有富室兒年可十四五臥碑下鼻端生贅大如拳石根蒂綴鼻纔知食筋或觸之酸痛刻骨於是兩眼爲贅所繩目睛翻白痛楚危極頃刻將絕惻然久之乃曰吾能爲也其父母洎親屬叩顙祈請即輦千絹寘於座側公因令扶起即於腦後下鍼寸許仍詢病者曰針氣已達病處乎病人頷之公遽出針而疣贅應手而落雙目登亦如初曾無病痛其父母親眷且泣且拜則以縑物奉焉公笑曰吾哀爾病之危逼吾蓋急病行志耳吾非鬻伎者也不顧而去

孟詵

舊唐書本傳孟詵汝州梁人也舉進士垂拱初累遷鳳閣舍人詵少好方術嘗於鳳閣侍郎劉禕之家見其勅賜金謂禕之曰此藥金也若燒火其上當有五色氣試之果然則天聞而不悅因事出爲台州司馬後累遷春官侍郎睿宗在藩召充侍讀長安中爲同州刺史加銀青光祿大夫神龍初致仕歸伊陽之山第以藥餌爲事詵年雖晚暮志力如壯嘗謂所親曰若能保身

養性者常須善言莫離口良藥莫離手睿宗即位召赴京師將加任用固辭衰老景雲二年優詔賜物一百段又令每歲春秋二時特給羊酒糜粥開元初河南尹畢構以誦有古人之風改其所居爲子平里尋卒年九十三撰家祭禮各一卷喪服要二卷補養方必效方各三卷

周廣

明皇雜錄開元中有名醫紀明者吳人也嘗授祕訣於隱士周廣觀人顏色談笑便知疾深淺言之精詳不待診候上聞其名徵至京師令於掖庭中召有疾者俾周驗焉有宮人每日屢則笑歌啼號若中狂疾而有足不能及地周視之曰此必因食且飽而大促力倦復仆於地而然也周乃飲以雲母湯既已令熟寐寤覺乃失所苦問之乃言嘗因太華公主誕日宮中大陳歌吹某乃主謳者懼其聲不能清飲劑且常食純蹄美遂飽而當筵歌數曲曲罷覺胷中甚熱戲於砌臺乘高而下未及其半復爲後來者所激因仆於地久而方蘇而病狂因茲足不能及地也上大異之有黃門奉使自交廣而至拜舞於殿下周顧謂曰此人腹中有蛟龍明日當產一子則不可活也上驚問黃門曰卿有疾否乃曰臣馳馬大庾嶺時當大熱既困且渴因於路傍飲野水遂腹中堅痞如石周即以硝石雄黃煮而飲之立吐一物不數寸其大如指細視之鱗甲備具投之以水俄頃長數尺周遽以苦酒沃之復如故形以器覆之明日器中已生一龍矣上深加禮焉欲授以官爵周固請還吳中上不違其意遂令還鄉水部員外劉復爲周作傳叙述甚詳

梁革

續異錄金吾騎曹梁革得和扁之術太和中爲宛陵巡官按察使于敖有青衣曰蓮子念之甚厚一旦以笑語獲罪斥出貨焉市吏定直曰七百緡從事御史崔某者聞而召焉請革評其脈革診其臂曰二十春無疾之人也崔喜留之送其直與敖敖以常深念一怒而逐之售於不識者斯已矣聞崔寵之不悅形於顏色然已去之難復召矣常貯於懷未一年蓮子暴死革方有外郵之事廻至城門逢柩車崔人有執紼者問其所葬曰蓮子也呼載歸而奔告崔曰蓮子非死蓋尸蹶耳向者革入郭遇其柩載歸而請蘇之崔怒革之初言悲蓮子之遽夭勃然曰匹夫也安惑諸侯遂齒簪裾之列汝謂二十春無疾者一年而死今既葬矣召其柩而歸脫不能生何以相見革曰此固非死蓋尸蹶耳苟不能生之是革術不神於天下何如就死以謝過崔乃令破棺出之遂刺其心及臍下各數處鑿去一齒以藥一刀圭於口中衣以單衣臥空牀上以素練縛其手足安微火於牀下曰此火衰蓮子生矣且戒其徒煮葱粥伺焉其氣通若狂者慎勿令起逡巡自定定而困困即解其縛以葱粥灌之遂活矣正狂令起非吾之所知也言竟復入府謂崔曰蓮子即生矣崔大釋其怒留坐廳事俄而蓮子起坐言笑候吏報敖敖飛牘於崔曰蓮子復生矣仍與革偕歸入門則蓮子來迎矣敖大奇之且云蓮子事崔已非素意因勸以與革崔亦惡其無齒又重敖言遂與革革得之以神藥傳齒未踰月而齒生如故太和壬子歲調金吾騎曹與蓮子偕在輦下其年秋高損之以其元舅爲天官即日與相聞故熟其事而言

之。

梁新 趙鄂

北夢瑣言唐崔鉉鎮洛宮有富商船居中夜暴亡待曉氣猶未絕鄰房有武陵醫工梁新聞之乃與診視曰此乃食毒也三兩日非外食耶僕夫曰主翁少出船亦不食于他人梁新曰尋常嗜食何物僕夫曰好食竹鷄每年不下數百隻近買竹鷄併將充饌梁新曰竹鷄喫半夏必是半夏毒也命搗薑振汁扶齒而灌由是方蘇崔聞而異之召至安慰稱獎資以僕馬錢帛入京致書于朝士聲名大振仕至尙藥奉御有一朝士詣之梁曰何不早見示風疾已深矣請速歸處置家事委順而已朝士聞而惶遽告退策馬而歸時有鄜州馬醫趙鄂者新到京都於通衢自榜姓名云攻醫術此朝士下馬告之趙鄂亦言疾危與梁生之說同謂曰只有一法請官人儘喫消梨不限多少時咀齧不及振汁而飲或希萬一此朝士又策馬而歸以書筒質消梨馬上旋駝行到家旬日唯喫消梨頓覺爽朗其恙不作却訪趙生感謝又訪梁奉御具言得趙生所教梁公驚異且曰大國必有一人相繼者遂召趙生資以僕馬錢帛廣爲延譽官至太僕卿按聞奇錄省郎張廷之有疾詣趙鄂纔診脈說其疾宜服生薑酒一盞地黃酒一杯仍詣梁新所說竝同皆言過此即卒自飲此酒後所疾尋平他日爲時相堅虐一杯恕之不及其夕乃卒時論謂之二妙

王超

景陵縣志王超復州醫人善用鍼病無不差文宗太和五年于日午忽無病死經宿而蘇言夢至一處城壁臺殿如王者居見一人臥召前袒視左膊有腫大如杯令超治之即爲鍼出膿升餘顧黃衣吏曰可領畢也超隨入一門門署曰畢院庭中有人眼數千聚成山視肉迭瞬明滅黃衣曰此即畢也俄有二人形甚奇偉分處左右鼓巨箠吹激眼聚扇而起或飛或走或爲人者頃刻而盡超訪其故黃衣吏曰有生之類先死而畢言次忽活

張仕政

湖廣通志張仕政州荊外科善治傷折唐王潛荊州有軍人損脛求張治之張飲以藥酒破肉取碎骨一片大如兩指塗膏封之數日如舊二年餘脛忽痛問張張曰前日所出骨寒則痛可遽往覓也果獲於牀下以湯洗貯於絮中其痛即止

趙卿

北夢瑣言有一少年眼中常見一少鏡子俾醫工趙卿診之與少年期來晨以魚膾奉候少年及期赴之延於閤內且令從容候客退後方得攀接俄而設臺子止施一甌芥醋更無他味卿亦未出迨日中久候不至少年饑甚且聞酢香不免輕啜之巡遶又啜之覺胃中豁然眼花不見因竭甌啜之趙卿知之方出少年以啜酢慙謝卿曰郎君先因吃膾太多醬酢不快又有魚鱗在胃中所以眼花適來所備醬酢只欲郎君因饑以啜之果愈此疾烹鮮之會乃權誑也請退謀朝餐他妙多斯類非庸醫所及

沈應善

南昌府志沈應善字嘉言梁休文後裔其六世祖仕豫章因家焉事親至孝親歿廬墓三年閭里稱之屢試不售于有司一夕夢神人示曰上帝命汝活千萬人豈可守一編以自負乎既寤遂決志學醫遇蜀之韓隱菴師事焉初授素問內經諸書研究不輟徐進以導引之術及祕藏諸方三年韓別去曰九九之際遲我於峨眉之麓自是名益振凡士大夫無不與之遊投以劑罔弗驗者歲厲則捐貲貶藥濟人靡倦居旁構一舍曰來安堂諸藥餌飲食無不具備年八十一忽語家人曰韓先生招以鍼我將逝矣尋沐浴而卒著素問箋釋二卷行世子長庚以經業補邑博士弟子員能世其學

申光遜

玉堂閑話近代曹州觀察判官申光遜言本家桂林有官人孫仲敖寓居于桂交廣人也申往謁之延于臥內冠簪相見曰非慵于巾櫛也蓋患腦痛爾申即命醇酒升餘以辛辣物泊胡椒乾薑等屑僅半杯以溫酒調又于枕函中取一黑漆笛如今之笙項安于鼻竅吸之至盡方就枕有汗出表其疾立愈蓋鼻飲之類也

紫極宮道士

稽神錄廣陵有木工因病手足皆拳縮不能復執斧斤行乞至后土廟前遇一道士長而黑色神采甚異呼問其疾因與藥數丸曰餌此當愈且日平明復會於此木工辭曰某不能行家去

此遠明日雖晚尙未能至也道士曰爾無憂但早至此遂別去木工既歸餌其藥頃之手足痛甚中夜乃止因即得寐五更而寤覺手足甚輕因下牀趨走如故即馳詣后土廟前久之乃見道士倚杖而立再拜陳謝道士曰我授爾方救人疾苦無爲木工耳遂再拜受之因問其名曰吾在紫極宮有事可訪我也遂去木匠得方用以治疾無不愈者至紫極宮訪之竟不復見後有婦人久疾亦遇一道士與藥而差言其容貌亦木工所見也廣陵尋亂木工竟不知所之

譚簡

因話錄相國崔公愼由廉察浙西左目背生贅如息闕欲蔽瞳人視物極礙諸醫方無驗一日淮南判官楊員外自吳中越職饌召於中堂因話揚州有穆中善醫眼來請遣書崔相國鉉令致之崔公許諾後數日得書云穆生性羸疎恐不可信有譚簡者用心精密勝穆遠甚遂致以來既見白崔公曰此立可去但能安神不撓獨斷於中則必效矣崔公曰如約雖妻子必不使知譚簡又曰須用九日晴明亭午於靜處療之若其日果能遂心更無憂矣是時月初也至六七日間忽陰雨甚譚生極有憂色至八日大開霽問崔公飲酒多少崔公曰量雖至小亦可引滿譚生大喜初公將決意用譚之醫惟語大將中善醫者沈師象師象贊成其事是日引譚生於北樓惟師象與一小豎隨行左右更無人知者譚生請公飲酒數杯端坐無思俄而譚生以手微捫所患曰殊小事耳初覺似拔之雖痛亦忍又聞動剪刀聲白公曰此地稍暗請移往中庭師象與小豎扶公至於庭坐既定聞櫛焉有聲先是譚生請好綿數兩染絳至是以絳綿拭

病處兼傳以藥遂不甚痛譚生請公開眼看所贅肉大如小指豎如乾筋遂命投之江中方遣報夫人及子弟譚生立以狀報淮南崔相國復書云自發醫後憂疑頗甚及聞痊愈神思方安後數日而徵詔至嗟呼嚮日若楊君不遇譚生不至公心不斷九日不晴徵詔遽來歸期是切碍其目疾位當廢矣安得秉鈞入輔爲帝股肱此數事足驗天助而公作相之後譚生已逝又何命之太薄也

釘鉸匠

玉堂閑話近朝中書舍人于邁嘗中蠱毒醫治無門遂長告欲遠適尋醫一日策杖坐於中門之外忽有釘鉸匠見之問曰何苦而羸如是于即爲陳之匠曰某亦曾中此遇良工爲某鉸出一蛇而愈某亦傳得其術邁欣然且祈之彼曰此細事耳來早請勿食某當至矣翌日果至請邁於舍簷下向明張口執鈴俟之及欲夾之差跌而失則又約以來日經宿復至定意伺之一夾而中其蛇已及二寸許赤色濫如釵股矣邁命火焚之邁遂愈得累除官至紫薇而卒其匠亦不受贈但云某有誓救人惟引數觴而別

張萬福

酉陽雜俎柳芳爲郎中子登疾重時名醫張萬福初除泗洲與芳故舊芳賀之具言子病惟恃故人一顧也張詰旦候芳芳遽引視登頂曰有此頂骨何憂也因診脈五六息復曰不錯壽且踰八十乃留方數十字謂登曰不服此亦得登後爲庶子年至九十而卒

市醫

玉堂閑話京城及諸州郡園閭中有醫人能出蠱毒者。目前之驗甚多人皆惑之。以爲一時幻術。膏肓之患即不可去。郎中顏燧者家有一女使抱此疾。常覺心肝有物。暖食痛苦不可忍。累年後瘦瘁皮骨相連。脛如枯木。偶聞有善醫者於市中。聚衆看療此病。顏試召之。醫生見曰。此是蛇蠱也。立可出之。於是先令熾炭一二十觔。然後以藥餌之。良久醫工秉小鈴子於傍。于是覺咽喉間有物動者。死而復蘇。少頃令開口。鈐出一蛇子。長五七寸。急投於熾炭中。燔之。其蛇屈曲移時而成燼。其臭氣徹於隣舍。自是疾平。永無齧心之苦耳。則知越人起虢太子之死。老聃肉徐甲之骨。信不虛矣。

陳藏器

日華子

鄞縣志陳藏器與日華子二人皆開元時人。藏器爲京兆府三原縣尉。以神農本草遺逸尙多。因別爲本草十卷。中言人肉可療羸疾。故後之孝子多行之。按日華子性大名明。集諸家本草近世所用藥。各以寒溫性味華實禽獸爲類。其言近其功用甚悉。凡二十卷。明正統間三山鄭瑒守甯見延祐志。因標云。陳藏器與日華子俱四明人。志逸其名。今補之。

王冰

元珠先生

古今醫統王冰寶應中爲太僕令。號啓元子。篤好醫方。得先師所藏太素及全元起書。大爲編次。註素問答八十一篇。二十四卷。又著元珠十卷。昭明隱旨三卷。按元珠先生不知何郡人。

洞明素問極究微奧時太僕令王冰識其爲異人乃師事之遂以妙旨授冰冰由是大註素問
今行世

王彥伯

酉陽雜俎荊州道士王彥伯天性善醫尤精別脈斷人生死壽夭百不差一裴問尙書有子忽
暴中病衆醫拱手或說彥伯遽迎使視脈之良久曰都無疾乃煮散數味入口而愈裴問其狀
彥伯曰中無腮鯉魚毒也其子實因膾得病裴初不信乃膾鯉魚無腮者命左右食之其疾悉
同始大驚異焉

李祐

獨異志李祐爲淮西將元和十三年送款歸國裴度破吳元濟入其城官軍有剝婦人衣至裸
體者祐有新婦姜氏懷孕五月矣爲亂卒所劫以刀割其腹姜氏氣絕陪地祐歸見之腹開尺
餘因脫衣襦裹之一夕復蘇傳以神藥而平滿十月產一子朝廷以祐歸國功授一子官

劉禹錫

古今醫統劉禹錫字夢得彭城人唐貞元間舉進士篤好醫方濟人甚衆詔修本草經方集有
傳信方行世

五代

唐慎微

古今醫統唐慎微字審元成都華陽人好醫求治者不論貴賤必往每於經史中得一方一論必錄之時尙書左丞蒲公執政擢與一官不受著有經史類證備用本草數十卷

孟昶

古今醫統蜀主孟昶心性慈孝好方藥母后病屢更太醫不效自製方餌進之遂愈羣臣有疾親召診視醫官服其神宋太祖伐蜀孟不忍生民就戮遂走汴降闕下太祖厚封之

韓保昇

古今醫統韓保昇蜀人精醫不拘局方詳察藥品釋本草甚明切所以深知藥性施藥輒神效

蕭炳

澤縣志蕭炳蘭陵人精岐黃于書無所不讀取本草藥名每以上一字定四聲本草五卷以便討閱蓋前人所未有者終身隱居不仕

吳廷紹

南唐書本傳吳廷紹爲太醫令不甚知名烈祖喉中痒澀進藥無驗廷紹進楮實湯服之頓愈宰相馮延巳嘗病腦痛醫工旁午累日不痊紹至先詰其家人曰相公酷嗜何物對曰每食山雞鷓鴣廷紹進薑豆湯一服立差羣醫默志其方他日以楮實治喉痒以薑豆治腦痛皆無效或問其故廷紹曰烈祖常服餌金石吾故以木之陽實勝之木王則金絕矣馮公嗜山鷓鴣二鳥皆食烏頭半夏薑豆乃解其毒爾群醫大服

虞洸

宋何光遠鑑戒錄虞少卿洸蜀之醫也長興祖初佐蜀董太尉璋久患渴疾遣押衙李彥求醫孟蜀祖遣虞少卿往虞少卿既至董公曰璋之所患經百名醫而無微瘥者何也虞少卿對曰君之疾非唯渴熱而似渴士得其多士不勞藥石而自愈矣董公大悅時董公有南面之志虞少卿故以此言譏之又曰洸聞天有六氣降爲六淫淫生六疾害于六腑者陰陽風雨晦明也是以六淫隨焉六疾者寒熱入腹感心也是以六腑病焉故心爲離宮腎爲水臟晦明勞役百疾生焉大凡視聽至煩皆有所損心煩則亂事煩則變機煩則失兵煩則反五音煩而損耳五色煩而損目滋味煩而生疾男女煩而減壽古者男子莫不戒之君今日有萬思時有萬機樂淫於外女淫於內渴之難療其由此乎

宋

僧道廣

古今醫統僧道廣西蜀人好醫得不傳之秘乾德中有人病肌瘦如勞惟好食米闕之則口吐清水食米則快諸醫不辨道廣以雞屎及白米各半合炒末以水調頓服良久吐出如米形遂愈病源謂米瘦者是也

蘇澄

古今醫統蘇澄宋良醫人病應聲者求療澄云古無此方惟以本草藥名盡呼之每呼一聲腹

中輒應惟一藥即不應再三呼之無聲即以此藥爲主治之愈。

陳昭遇

廣東通志陳昭遇南海人世爲名醫開寶初至京師爲所知者薦爲醫官遂留家開封初爲醫官領溫水主簿後加光祿寺丞賜金紫初太宗在藩邸暇日多留意醫術藏名方千餘首皆有驗及即位召翰林醫官各具家傳驗方以獻又萬餘首命昭遇與王懷隱等參對編類成一百卷御製序名曰太平聖惠方鏤板頒行天下又嘗被召與醫官劉翰道士馬志等詳定本草既成書新舊藥凡九百八十三種併目錄二十一卷上之昭遇於藥術無所不究著述精博可傳往來公卿家診脈對證多奇驗性謙慎以此被寵眷不衰。

王懷隱

河南通志王懷隱睢陽人初爲道士居汴之建隆觀善醫診太平興國初詔歸俗命爲尙藥奉御三遷至翰林醫官使初太宗在藩邸時暇日多留意醫術藏名方千餘首皆皆有驗者至是詔翰林醫官各具家傳經驗方以獻又萬餘首命懷隱與副使王祐鄭奇等編類每證以隋太醫令巢元方病源候論冠其首而方藥次之成百卷太宗御製序名曰太平聖惠方。

許希

宋史本傳許希開封人以醫爲業補翰林醫學景祐元年仁宗不豫侍醫數進藥不效人心憂恐冀國大長公薦希希診曰鍼心下包絡之間可亟愈左右爭以爲不可諸黃門祈以身試試

之無所害遂以鍼進而帝疾愈命爲翰林醫官賜緋衣銀魚及器幣希拜謝已又西向拜帝問其故對曰扁鵲臣師也今者非臣之功殆臣師之賜安敢忘師乎乃請以所得金興扁鵲廟帝爲築廟於城西隅封靈應侯其後廟益完學醫者歸趨之因立太醫局於其旁希至殿中省尙藥奉御卒著神應鍼經要訣行於世錄其子宗道爲內殿崇班

李明甫

嘉興府志李明甫東陽人善醫尤精鍼法義烏令病心痛垂死明甫視之曰有蟲在肺下藥所不及惟絞乃可然非易也給謂於背上點穴密取水以噴之令方驚而鍼已入曰蟲已死矣既而腹大痛下黑水數升蟲亦去遂愈

曾若虛

西齋話記龍圖閣待制李行簡言隴州道士曾若虛者善醫尤得鍼砭之妙術里有寡婦再適人遭疾且卒經日而心間尙暖家人因奔詣若虛哀祈一往庶幾可救若虛既至熟視之且止其家哭泣引鍼鍼之即時而蘇良久乃能語曰始者若夢遇故夫相隨出郭外遠歷郊野橋梁復入叢林草莽展轉不相捨俄而故夫爲一物刺中其足不能履步獨由是步忽若夢覺耳郡人竟詣若虛詢之若虛曰向之所鍼乃黃帝鍼八邪穴也若虛即今奉尙御藥姚可久之師耳

曹居白

齊東野語李行簡外甥女適葛氏而寡次嫁朱訓忽得疾如中風狀山人曹居白視之曰此邪

疾也。乃出針刺其足外踝上二寸許。至一茶久。婦人醒曰。疾平矣。始言每疾作時。夢故夫引行山林中。今早如前。而故夫爲棘刺刺足脛間。不可脫。惶懼宛轉。乘間乃得歸。嘗笑曰。適所刺者。八邪穴也。此事雖涉神怪。余按千金翼有刺百邪所病十三穴。一曰鬼宮。二曰鬼信。三曰鬼壘。四曰鬼心。五曰鬼路。六曰鬼枕。七曰鬼牀。八曰鬼市。九曰鬼病。十曰鬼堂。十一曰鬼藏。十二曰鬼臣。十三曰鬼封。然則居白所施。正此耳。今世鍼法不傳。庸醫野老。道聽塗說。勇於嘗試。非惟無益也。

屠光遠

齊東野語。屠光遠治番陽酒官之妻。將產數日。不能分娩。屠云。緣子以手挂母腸。所以不產。乃隔腹鍼之。遂產。古者鍼砭之妙。真有起死之功。蓋脈絡之會。湯所不及者。中其俞穴。其效如神。方書傳記所載不一。若唐李洞。元本朝龐安時。近復有屠光遠醫者。意也。一時從權。有出於六百四十九穴之外者。其妙如此。

孫用和

古今醫統。孫用和不知何郡人。性識明敏。通經學。精醫方。得岐黃之秘。治平間。爲奉御。太醫令高保衡。

高保衡

古今醫統。高保衡。熙甯間。爲國子博士。校正醫書。深明方藥病機。神宗詔修內經。有功。賜緋魚。加上騎都尉。

林億

古今醫統林億熙寧間爲光祿卿直祕閣同高保衡校正內經醫名大著

史載之

括異志朱師古眉州人年三十時得疾不能食聞葷腥即嘔用火鑊旋煮湯沃淡飯數數食之醫莫能治史載之曰俗輩不讀醫經而妄欲療人可歎也君之疾正在素問經中名食掛凡人肺六葉舒張如蓋脾爲之蔽故不嗜食素問曰肺葉焦熱掛遂授一方下覆於脾子母氣和則進食一或有戾則肺不能舒買藥服之三日聞人食肉甚香取而啖之遂愈

高若訥

宋史本傳高若訥字敏之本并州榆次人徙家衛州進士及第皇祐五年爲觀文殿學士若訥彊學善記自秦漢以來諸傳記無不該通尤喜申韓管子之書頗明歷學因母病遂兼通醫書雖國醫皆屈伏張仲景傷寒論訣孫思邈方及外臺秘要久不傳悉考校訛謬行之世始知有是書名醫多出衛州皆本高氏學焉

錢乙

宋史本傳錢乙字仲陽本吳越王俶支屬祖從北遷遂爲鄆州人父穎善醫然嗜酒喜游一旦東之海上不反乙方三歲母前死姑嫁呂氏哀而收養之長誨之醫乃告以家世即泣請往迹尋凡八九反積數歲遂迎父以歸時已三十年矣鄉人感慨賦詩詠之其事呂如事父呂沒無

嗣爲收葬行服乙始以顛顛方著名至京師視長公主女疾授翰林醫學皇子病瘵疑乙進黃土湯而愈神宗召問黃土所以愈疾狀對曰以土勝水水得其平則風自止帝悅擢太醫丞賜金紫由是公卿宗戚家延致無虛日廣親宗子病診之曰此可毋藥而愈其幼在傍指之曰是且暴疾驚人後三日過午可無恙其家恚不答明日幼果發癘甚急召乙治之三日愈問其故曰火色直視心與肝俱受邪過午者所用時當更也王子病嘔泄他醫與剛劑加喘焉乙曰是本中熱脾且傷奈何復燥之將不得前後洩與之石膏湯王不信謝去信宿寢劇竟如言而效士病欬面青而光氣硬乙曰肝乘肺此逆候也若秋得之可治今春不可治其人祈哀強予藥明日曰吾藥再瀉肝而不少却三補肺而益虛又加唇白法當三日死今尙能粥當過期居五日而絕孕婦病醫言胎且墮乙曰娠者五臟傳養率六旬乃更誠能候其月偏補之何必墮已而母子皆得全又乳婦因悸而病既愈目張不得瞑乙曰煮郁李酒飲之使醉即愈所以然者目系內連肝膽恐則氣結膽衡不下郁李能去結酒入膽結去瞻下則目能瞑矣飲之果驗乙本有羸疾每自以意治之而復甚歎曰此所謂周痺也入臟者死吾其已夫既而曰吾能移之使在末因自製藥日夜飲之左手足忽攣不能用喜曰可矣所親登東山得茯苓大踰斗以法噉之盡由是雖偏廢而風骨悍堅如全人以病免歸不復出乙爲方不名一師于書無不闡不靳靳守古法時度越縱舍卒與法會尤邃本草諸書辨正闕誤或得異藥問之必爲言生出本末物色名貌差別之詳退而考之皆合末年攣痺浸劇知不可爲召親友訣別易衣待盡遂卒

年八十二 按醫學入門乙建爲五臟之方各隨所宜謂肝有相火有瀉而無補腎有真水有補而無瀉皆啓內經之祕厥後張元素劉守真張從政盡皆取法 又古今醫統乙著有傷寒指微嬰孩論若干卷

僧奉眞

元覺

法琮

了幼

夢溪筆談四明僧奉眞善醫熙寧中名聞東都其診視妙不差銖分天章閣待制許元爲江淮發運使奏課京師時欲入對而其子疾亟暝而不食憊憊欲死逾宿矣使奉眞視之曰脾已絕不可治死在明日元曰固然今方有事須陞對能延數日否奉眞曰此可爲也諸臟已衰唯肝臟獨過脾爲肝勝其氣先絕絕則死若急瀉肝氣令衰則脾少緩可延三日過此無術也乃投之藥至晚遂能張目稍稍啜粥明日漸蘇能食元極喜奉眞笑曰此不足喜肝氣暫舒耳無能爲也越三日果卒 按鄞縣志僧奉眞傳之元覺元覺傳之法琮及了幼皆能續其術焉

張駭

襄垣縣志張駭字公度潞州人家世業醫而駭尤精方脈意在活人不責其報翰林院學士黃魯直母安康郡太夫人病祕結諸醫不能治峻投餌即愈魯直感謝厚贈之却不受飄然而去

龐安時

宋史本傳龐安時字安常蘄州蘄水人元時能讀書過目輒記父世醫也授以脈訣安時曰是不足爲也獨取黃帝扁鵲之脈書治之未久己能通其說時出新意辨詰不可屈父大驚時年

猶未冠已而病贖乃益讀靈樞太素甲乙諸祕書凡經傳百家之涉其道者靡不通貫嘗曰世所謂醫書予皆見之惟扁鵲之言深矣蓋所謂難經者扁鵲寓術於其書而言之不詳意者使後人自求之歟予之術蓋出於此以之視淺深決死生若合符節且察脈之要莫急於人迎寸口是二脈陰陽相應如兩引繩陰陽均則繩之大小等故定陰陽於喉手配覆溢於尺寸寓九候於浮沈分四溫於傷寒此皆扁鵲略開其端而予叅以內經諸書考究而得其說審而用之順而治之病不得逃矣又欲以術告後世故著難經辨數萬言觀草木之性與五臟之宜秩其職任官其寒熱班其奇偶以療百疾著主對集一卷古今異宜方術脫遺備陰陽之變補仲景論藥有後出古所未知今不能辨嘗試有功不可遺也作本草補遺爲人治病率十愈八九踵門求診者爲辟邸舍居之親視釵弼藥物必愈而後遣其不可爲者必實告之不復爲治活人無數病家持金帛來謝不盡取也嘗詣舒之桐城有民家婦孕將產七日而子不下百術無所效安時之弟子李百全適在傍舍邀安時往視之纔見即連呼不死令其家人以湯溫其腰腹自爲上下拊摩孕者覺腸胃微痛呻吟間生一男子其家驚喜而不知所以然安時曰兒已出胞而一手誤執母腸不復能脫故非符藥所能爲吾隔腹捫兒手所在鍼其虎口既痛即縮手所以遽生無他術也取兒視之右手虎口鍼痕出焉其妙如此有問以華佗之事者曰術若是非人所能爲也年五十八而疾作門人請自視脈曰吾察之審矣且出入息亦脈也今胃氣已絕死矣遂屏却藥餌後數日與客坐語而卒按續明道雜志斬水縣有高醫龐安時者治疾

無不愈。其處方用意幾似古人。自言心解。初不從人授也。斬有富人子竊出游。偶鄰人有鬪者。排動屋壁。富人子方驚懼。疾走出。惶惑突入市。市方陳刑尸。富人子走仆尸上。因大驚。到家發狂性。理遂錯。醫巫百方不能已。龐爲劑藥。求得絞囚繩。燒爲灰。以調藥。一劑而愈。龐得他人藥。嘗之入口。即知此何物。及其多少不差也。

張立德子

東坡雜記。眉山有穎臣者。長七尺。健飲啖。倜儻人也。忽得消渴疾。日飲水數斗。食倍常。而數溺。服消渴藥。而逾年疾日甚。自度必死。治棺衾。囑其子於人。蜀有良醫張立德之子。不記其名。爲診脈。笑曰。君幾誤死矣。取麝香當門子。以酒濡之。作十許丸。取枳椇子爲湯飲之。遂愈。問其故。張生言。消渴消中。皆脾衰而腎敗。土不能勝水。腎決不上。泝乃成此疾。今診穎臣脈。熱而腎且衰。當由果酒食過度。虛熱在脾。故飲食兼人。而多飲水。水既多。不得不多溺也。非消渴也。麝香能敗酒瓜果。近輒不實。而枳椇亦能勝酒。屋外有此木屋。中釀酒不熟。以其木爲屋。其下亦不可釀酒。故以此二物爲藥。以去酒果之毒也。

張擴

歙縣志。張擴字子充。少好醫。從蘄州龐安時游。同學六十人。安時獨喜擴。後聞蜀有王朴善脈。又能以太素知人貴賤禍福。從之。期年得衣領中。所藏素書。盡其訣。乃辭去。南陵有富人子。傷寒不知人。氣息僅存。擴視之。曰。此嗜臥證也。後三日當蘇。蘇則欲飲。欲飲與此藥。必熟睡。覺當

得汗已而果然當塗郭祥正患嗽肌骨如削醫多以爲勞擴曰是不足憂就坐飲以藥忽大吐使視涎沫中得魚骨宿疾皆愈在建業有婦人叩門求醫者擴不在其弟揮爲診之及歸揮具言其狀擴曰弟與藥如是且瘳矣此其脈當燧居三年左乳下有痣也驗之信然嘗有調官都下者擴診之謂曰蝦游脈見不出七日當死後五日得通判齊州喜曰張擴妄言耳我適得官何謂死哉又二日晨起進盥臥地即死建中靖國初范純仁方召而疾作問曰吾此去幾何擴曰公脈氣不出半年范曰使某得生至京師則子之賜也遂與偕行至京師奏補擴假承務郎未幾公以不起聞崇寧中黃誥補淮西提刑擴謂曰大夫食祿不在淮西行且還朝矣然非今日宰相所謂宰相者猶未起起則有召命不滿歲當三遷又曰大夫不病而細君病憂在九月及蔡京當國誥被召還歲中自戶部吏部遷左司郎中而妻劉亦適以九月卒尙書蹇序辰知應天府擴謂曰尙書無官脈且夕當有謫俄被旨放歸田里復見之曰當得州果得杭州注丞相微時祁門宰陳孺使徧視在學諸生次至公曰君位宰相然南人得北派名宦當由北方起未幾登第調北京大名主簿不出北京積官至中奉大夫中興遂爲上相擴後以罪謫永州至洪州晨起見帥曰擴今日時加午當死後事以累公帥曰何至是擴曰吾察之血已入心矣退使人伺之及期卒

章迪

無爲州志米芾章吉老墓表云神農有熊氏咸以抃民爲道上聖神靈生而知之簡易無爲後

世聖賢相師或口授若心得其至也雖千年若合符契故孔氏謂安知求者之不如今又曰聖人有所不能知夫陰陽儲精神而明之可不妙哉無爲章氏迪字吉老洞精醫書而得鍼刺之術於素問內經之間以其道救人壽至七十九莫不刺膚透膽隨針病已華佗氏不能過也又以其道授子濟濟誓拯三千人因不復針又以父付子權吾聞士大夫多道濟權起病如神速得守符親所嘗試會濟請言吾友周元章撰墓誌不復多得願表墓道遂直書其事吾不及識君觀其子孫廉介自守不以藝取人知君隱施夫行符藥除病拯人除害物者上清有籙許氏旌陽雞犬亦仙去後之人勿替其志來於墓下讀吾文者勉之大觀元年歲在丁亥丙午朔丙戌日男濟立石

宋道方

揮塵餘話宋道方毅叔以醫名天下居南京然不肯赴請病者扶攜以就求脈政和初田登守郡母病危甚呼之不至登怒曰使吾母死亦以憂去殺此人不過斥責即遣人禽至廷下呵之云三日之內不痊則吾當誅汝以徇衆毅叔曰容爲診之旣而曰尙可活處以丹劑遂愈田喜甚云吾一時相困辱然豈可不刷前恥乎用太守之車從妓樂酬以千緡俾羣辛負於前增以綵釀導引還其家旬日後田母病復作呼之則全家遁去田母遂殂蓋其疾先已在膏肓宋姑以良藥遲其死耳

陳言

處州府志陳言字無擇青田人敏悟絕人長於方脈治病立效有不可救者則預告以期晷刻無爽作三因方論研窮受病之源用藥之等醫者宗之其徒王碩爲簡易方并三論行於世

靳豪 靳從謙 靳起蛟

杭州府志靳豪其先本三晉人唐時靳恆者知開封府居官有能名民愛之因家焉後是有豪者北宋時居東京之顯仁坊隱居市藥每日設漿於肆以濟行者宣和間有二道者曰飲於靳氏靳氏事之歲餘不懈因曰吾試若耳若長者子孫當有厚報因書數語授之言訖不見視其所授則秘方也試之小兒奇驗高宗南渡扈蹕至武林遂世爲太醫數傳至從謙爲御直翰林醫官賜勅特晉三階出內府百子圖賜之命以所居巷爲百子圖卷靳氏之有百子圖自南宋紹興三年始也靳之後有起蛟字霖六者著有本草會編起蛟之子鴻緒字若霖著有內經纂要其業尤精子咸字以虛吉字允菴謙字仁若皆諸生而吉尤知名當世

何澄

醫說宣和間有一士人抱病纏年百病不差有何澄者善醫其妻請到引入密室告之曰妾以良人抱病日久典賣殆盡無以供醫藥願以身酬澄正色曰娘子何爲出此言但放心當爲調治取效切毋以此相污不有人誅必有鬼神譴責未幾士人病愈何澄一夕夢入神祠判官語之曰汝醫藥有功不於艱急之際以色欲爲貪上帝令賜錢五萬貫官一員未幾月東宮疾國醫不能治有詔召草澤醫澄應詔進劑而愈朝廷賜官賜錢一如其夢

楊大均

避暑錄話道士楊大均蔡州人善醫能默誦素問本草及兩部千金方四書不遺一字與人治病診脈不出藥但云此病若何當服何藥是在千金某部第幾卷即取紙書授之分兩不少差余在蔡州親見其事類若此余嘗問素問有記性者或能誦本草則固難矣若千金俱藥名與分兩劑料此有何義而可記乎大均言古之處方皆因病用藥精深微妙苟通其意其文理有甚於章句偶儷一見何可忘也大均本染家子事父孝醫不受賕謝積其齋施之餘葬內外親三十八喪方宣和間道教盛行自匿名迹惟恐人知蔡魯公聞之親手書以延致使者數十返不得已一往留數日即歸不受一錢余在南京嘗許余避難來山中未及行而魯陷今不知存亡使其果來雖未可遽爲司馬子微此亦一勝士也因論餘慶事悵然懷之

楊介

古今醫統楊介號吉老泗州人也世醫名聞四方有郡守病喉癰成流注久不愈召介治知其嗜食所致惟與生薑一味啖之食至一斤始知辛辣面癰愈守異而問之答曰公好食鴿鷓鴿鷓鷓好食半夏遺毒於喉間非薑無以釋半夏之毒用之遂愈宋徽宗嘗苦脾疾諸醫用理中湯不效介以冰煎服而愈著傷寒論脈訣

臧中立

甯波府志臧中立字定民毘陵人元豐間客鄞湖南時抱病求療者日數十人診治如神崇甯

中徽宗后病甚詔求良醫中立應詔以布衣麻履見上命之入診出問何證中立對曰脾派極虛殆嘔泄之疾作楚和藥以進且曰服此得睡爲效至夜半果思粥食不一月獲安賜歸詔出官帑市地築室湖南以居焉因名迎鳳坊

王况

揮塵餘話王况字子亨本土人爲南京宋毅叔壻毅叔既以醫名擅南北况初傳其學未精薄遊京師甚悽然會鹽法忽變有大賈覩揭示失驚吐舌遂不能復入經旬食不下咽危瀕日甚國醫不能療其家憂懼勝於市曰有治之者當以千萬爲謝况利其所售之厚姑往應其求既見賈之狀忽發笑不能制心以謂未易措手也其家人怪而詰之况謬爲大言答之曰所笑者輦轂之大如此乃無人治此小疾耳語主人家曰試取鍼經來况謾檢之偶有穴與其疾似是者况曰爾家當勒狀與我萬一不能活則勿尤我當爲若鍼之可立效主病者不得已亦從之急鍼舌之底抽鍼之際其人若委頓狀頃刻舌遂伸縮如平時矣其家大喜謝之如約又爲之延譽自是翕然名動京師既小康始得盡心肘後之書卒有聞於世事之偶然有如此者况後以醫得幸宣和中爲朝請大夫著全生指迷論一書醫者多用之

朱肱

古今醫統朱肱號無求子吳興人善醫尤邃於傷寒潛心數十年窮經義之要成活人書奏進道君朝授奉議郎醫學博士按醫學入門無求子治南陽太守疾時醫用小柴胡散連進三

服胸滿公曰宜煎汁乃能入經絡攻病取快今爲散滯膈上宜作滿因煎二劑與之頓安

陸囑

船牕夜話陸囑奉化人以醫術行於時新昌徐氏婦病產不遠二百里輿致之及門婦已死但胸堂間猶微熱陸入視之曰此血悶也能捐紅花數十斤則可以活主人亟購如數乃爲大鍋以煮候湯沸遂以三木桶盛湯於中取牕格籍婦人寢其上湯氣微又進之有頃婦人指動半日遂甦蓋以紅花能活血故也

鄧仲霄

永豐縣志鄧仲霄西門葛溪橋人原係河南開封祥符籍宋宣和年間及第授翰林陸太子贊善通醫術治太子宮妃疾皆有效驗勅授太醫院使俾統天下郡州縣市村鎮之醫文天祥贊曰董氏業醫一偏鄧氏儒醫兩全本來仁心一點便是太極一丸噫肇統先哲垂範後賢種德皆春意休說杏林仙後從隆佑孟后由贛過永豐始居此焉

李生

揮塵餘話楊介吉老者泗州人以醫術聞四方有儒生李氏子棄業願娶其女以受其學執子增禮甚恭吉老盡以精微告之一日有靈璧縣富家歸有疾遣人邀李生以往李初視脈云腸胃間有所苦耶婦曰腸中痛不可忍而大便從小便中出醫者皆以爲無此證不可治故欲屈君子李曰試爲籌之若姑服我之藥三日當有瘳不然非其所知也下小丸子數十粒煎黃耆

湯下之富家依其言下膿血數升而愈富家大喜贈錢五十萬置酒以問之曰始切脈時覺芫脈現於腸部王叔和脈訣云寸芫積血在胸中關內逢腸芫裏羅此癰生腸內所致然所服者乃雲母膏爲丸耳切脈至此可以言醫矣李後以醫科及第至博士李植元秀即其從子也

李惟熙

東坡志林舒州有醫人李惟熙者爲人清妙善論物理云菱芡皆水物菱寒而芡暖者菱開花背日芡開花向日故也又云桃花雙仁輒殺人者其花本五出六出必雙仁舊說草木花皆五出惟梔子與雪花六出此殆陰陽之理今桃杏六出雙仁皆殺人者失常故也木果之蠹者必不沙爛沙爛者必不蠹而能浮不浮者亦殺人余嘗考其理既沙爛矣則不能蘊蓄而生蟲瓜至甘而不蠹者以其沙爛也此雖末事亦理有不可欺者

王克明

宋史本傳王克明字彥昭其始饒州藥平人後徙湖州烏程縣紹興乾道間名醫也初生時每乏乳餌以粥遂得脾胃疾長益甚醫以爲不可治克明自讀素問難經以求其法刻意處藥其病乃愈始以術行江淮入蘇湖鍼灸尤精診脈有難療者必沉思得其要然後與之藥病雖數證或用一藥以除其本本除而餘疾自去亦有不予藥者期以某日自安有以爲非藥之過過在某事當隨其事治之言無不驗士大夫皆自屈與遊魏安行妻病風痿十年不起克明施鍼而步履如初胡乘妻病氣祕腹脹號呼踰旬克明視之時乘家方會食克明謂乘曰吾愈恭人

病使預會可乎以半硫丸碾生薑調乳香下之俄起對食如平常應州守王安道風喋不語旬日他醫莫知所爲克明令熾炭燒地灑藥置安道於上須臾而蘇金使黑鹿谷過姑蘇病傷垂死克明治之明日愈及從徐度聘金黑鹿谷適爲先排使待克明厚甚克明訝之谷乃道其故由是名聞北方後再從呂正已使金金接伴使忽被危疾克明立起之却其謝張子蓋救海州戰士大疫克明時在軍中全活者幾萬人子蓋上其功克明力辭之克明頗知書好俠尙義常數千里赴人之急初試禮部中選累任醫官王炎宣撫四川辟克明不就炎怒劾克明避事坐貶秩後遷至額內翰林醫痊局賜金紫紹興五年卒年六十七

皇甫坦

宋史本傳皇甫坦蜀之夾江人善醫術顯仁太后苦目疾國醫不能療詔募他醫臨安守臣張樞以坦聞高宗召見問何以治身坦曰心無爲則心安人主無爲則天下治引至慈寧殿治太后目疾立愈帝喜厚賜之一無所受令持香禱青城山還復召問以長生久視之術坦曰先禁諸欲勿令放逸丹經萬卷不如守一帝歎服書清靜二字以名其庵且繪其像禁中荆南帥李道雅敬坦坦歲謁道隆興初道入朝高宗孝宗問之皆稱皇甫先生而不名坦又善相人嘗相道中女必爲天下母果爲光宗后

張總管

齊東野語趙信公在維陽制閩日有老張總管者北人也精於用鍼其徒某得其粗焉一日信

公侍姬苦脾血疾垂殆時張老留旁郡亟呼其徒治之某曰此疾已殆僅有一穴或可療於是刺足外踝二寸餘而鍼爲血氣所吸留竟不可出某倉惶請罪曰穴雖中而鍼不出此非吾師不可請急召之於是命流星馬宵征凡一晝夜而張老至笑曰穴良是但未得吾出鍼法耳遂別於手腕之交刺之鍼甫入而外踝之鍼躍而出焉即日疾愈亦可謂奇矣然古者鍼以石爲之昔全元起欲註素問訪王孺以砭石答曰古人以石爲鍼不必用鐵說文有此砭字許慎曰以石刺病也東山經云高氏之山多鍼石郭璞云可以爲砭鍼春秋美疾不如惡石服子慎註云石砭石也季世無復佳石故以鍼代之耳又嘗聞舅氏章叔恭云昔倅襄州日嘗獲銅鍼人全象以精銅爲之腑臟無一不具其外愈穴則錯金書穴名於旁凡背面二器相合則渾然全身蓋舊都用此以試醫者其法外塗黃蠟中實以水俾醫工以分折寸按穴試鍼中穴則鍼入而水出稍差則鍼不可入矣亦奇巧之器也後趙南仲歸之內府叔恭嘗寫二圖刻梓以傳焉因併附見於此

嚴防禦

船窓夜話宋孝宗嘗患痢疾衆醫不效德壽憂之過宮偶見小藥舖遣中使詢之曰汝能治痢疾否曰專科遂宣之因問得病之由語以食湖蟹多故致此疾遂令診脈醫曰此冷痢也其法用新米藕節細研以熟酒調服如其法數服而愈德壽乃大喜以金杵白賜之乃命以官至今呼爲金杵白嚴防禦家可謂不世之遇

許叔微

武進縣志許叔微字知可嘗舉鄉薦省闈不第歸舟次吳江平望夜夢白衣人曰汝無陰德所以不第叔微曰某家貧無資何以與人白衣人曰何不學醫吾助汝智慧叔微歸踐其言果得盧扁之妙凡有病者無問貴賤診候與藥不受其直所活不可勝計赴春官臚舟平望復夢白衣人相見以詩贈之曰施藥功大陳樓間處殿上呼臚喚六叔微不悟其意紹興壬子叔微以第六人登科因第二名不錄遂陞第五其上則陳祖言其下則樓材方省前夢也晚歲取平生已試之方併記其事實以爲本事方又撰傷寒歌三卷凡百篇皆本仲景法又有治法八十一篇及仲景脈法三十六圖翼傷寒論二卷辨類五卷○按簷曝偶談許叔微精於醫云五臟蟲皆上行惟肺蟲下行最難治常用獺爪爲末調藥於初四初六日治之此二日肺蟲上行也

張元珪

鎮江府志張元珪丹徒人建炎間任太醫院御監高宗太子有疳疾元珪藥之愈勅賜金蝦蟆一並金帛酒果勅曰朕置太醫院儲奇藝以壽國脈蓄藥餌以拯疾厄其任匪輕非知運變權宜之士其奚以堪爾元珪業由世授術貫天人神功聖巧悉皆備焉允宜旌嘉用彰不朽太子久患疳疾諸醫不痊未究其源卿不雷同深識標本一藥而愈安不移時朕甚異之對以蝦蟆瘡也特賜金蝦蟆及金帛酒果以資不次之功欽哉非怪證無以顯奇效非奇效無以著神功加秩褒寵無待費辭勅書刊石以傳迄今六百載後裔世以醫著名

嚴三點

齊東野語近世江西有善醫號嚴三點者以三點指間知六脈之受病世以爲奇以此得名余按診脈之法必均調自己之息而後可以候他人之息凡四十五動爲一息或過或不及皆爲病脈故有二敗三遲四平六數七極八脫九死之法然則察脈固不可以倉卒得之而况三點指之間哉此余未敢以爲然者也或謂其別有觀形察色之術姑假此以神其術初不在脈也

孫琳

愛竹談藪宋甯宗爲郡王時病淋日夜凡三百起國醫罔措或舉孫琳治之琳用蒸餅大蒜淡豆豉三物搗丸令以溫水下三十九丸曰今日進三服病當減三之一明日亦然三日病除已而果然賜以千緡或問其說曰小兒何緣有淋只是水道不利三物能通利故爾若琳者其可與語醫矣

戴熠

溫州府志戴熠號復庵永嘉人文端公溪之後爲臨安府知錄咸淳間謝后得異疾舌出不能收熠應召傳以消風散立愈后大喜詢知文端孫妻以姪女後元兵至棄官學道遇異人授以赤天之秘能飛謁帝後遊龍虎山又至衢州有吏抱文書捲其右俾署左判官銜下署畢索視則甌郡回祿文也未幾郡果大火惟熠家得免

張濟

聞見後錄無爲軍醫張濟善用鍼得訣於異人云能解人而視其經絡則無不精因歲飢疫人相食凡視一百七十人以行針無不立驗如孕婦因仆地而腹偏左針右手指而正久患脫肛針頂心而愈傷寒翻胃嘔逆累日食不下針眼皆立能食皆古今方書不著陳瑩中爲作傳云

林頤壽

福建通志林頤壽字彥世晉江人父附貢辟雍祖母楊氏嘗苦背瘍潰爛徑數寸頤壽以敗膿在中侵食旁肉若拭則不堪痛楚乃俟其熟寐潛舐去傅藥而愈廬父墓有芝產之瑞事繼母彌謹繼母卒廬墓有白鵲數十往來廬上人以爲孝感頤壽博覽經史尤工大字精醫業所活甚衆切脈言生死遲速無差里人爲著孝友傳年六十八一夕談話而卒號華陽處士

張銳

古今醫統張銳字子剛鄭州人官爲團練使篤好醫方遂得精妙聲名遠著凡有求療雖及細民皆用意爲治一婦產後患大泄喉痺諸醫謂兩證不能並治以爲必死公視之與藥十餘粒使吞之咽通而瀉止人異之公曰理中丸裹紫雪耳喉痺非寒藥不可泄瀉非理中不止紫雪下咽則消釋無餘得至腹中則附子藥也夫何異按搜穽集張銳治傷寒已死一晝夜面赤者即用藥灌之次早遺屎尿而甦更進平胃散而安

任度

醫學入門有患者嘗饑吞食下至胸便即吐出醫作噎疾膈氣治之無驗任度視之曰此疾蓋

因蛇肉不消所致但揣心腹上有蛇形也病者曰素有大風常求蛇肉食之遂合硝黃以治微利而愈

唐與正

醫學入門唐與正治飲熱酒頂高數寸用葛花倍服而愈治因服黑鉛丹臥則小便微通立則不能涓滴服諸通利藥不效公曰乃結砂時鉛不死硫黃飛去鉛入膀胱故臥則偏重猶可洩立則正塞水道自不能通用金液丹三百丸分爲十服煎瞿麥湯下蓋膀胱得硫黃積鉛成灰從水道下累累如細砂其病遂愈

王朝弼

文天祥金匱歌序金匱者鄉前輩王君良叔之祕醫方也初良叔以儒者涉獵醫書不欲以一家名一日遇病數十輩同一證醫者曰此證陰也其用某藥無疑數人者駢死醫者猶不變良叔曰是證其必有他合少更之遂服陽證藥自是皆更生焉良叔冤前者之死也遂發念取諸醫書研精探索如其爲學然久之無不通貫察證辦脈造神入妙如庖丁解牛偃僕承蜩因自撰爲方劑括爲歌詩草紙蠅字連帙累牘以遺其後人曰吾生平精神盡在此矣其子季浩以是爲名醫其子庭舉蚤刻志文學中年始取其所藏讀之今醫遂多奇中一日出是編予然後知庭舉父子之有名於人其源委蓋有所自來矣天下卬有無本之學哉世道不淑清淳之時少乖戾之時多人有形氣之私不能免於疾世無和扁寄命於嘗試之醫斯人無辜同於巖墻

桎梏之歸者何可勝數齊高彊曰三折肱知爲良醫楚辭曰九折臂而成醫言屢嘗而後知也曲禮曰醫不三世不服其藥言嘗之久而後可信也人命非細事言醫者類致謹如此然則良叔齊楚人所云醫也若庭舉承三世之澤其得不謂之善醫已乎予因謂庭舉曰凡物之精造物者秘之幸而得之者不敢輕然其久未有不發周公金縢之匱兄弟之祕情也至成王時而發藝祖金匱之誓母子之秘言也至太宗時而發君所謂金匱歌者雖一家小道然祖宗之藏本以爲家傳世守之寶其爲祕一也子之發之也以其時考之則可矣庭舉曰大哉斯言予祖之澤百世可以及人予爲子孫不能彰悻先志恐久遂沈泯上遺先人羞敢不承教以廣之於人予嘉庭舉之用心因爲序其本末如此良叔諱朝弼季浩諱淵庭舉名槐云

邱經歷

癸辛雜識劉漢卿郎中患牙槽風久之頷穿膿血淋漓醫皆不效在維揚有邱經歷益都人妙針法與針委中及女膝穴是夕膿血即止旬日後頷骨蛻去別生新者其後張師道亦患此證亦用此法鍼之而愈殊不可曉也邱常治消渴者遂以酒釀作湯飲之而愈皆出於意料之外委中穴在腿脈中女膝穴在足後跟俗言丈母腹痛灸女壻脚後跟乃舛而至此亦女膝是也然灸經無此穴又云女須穴

金

李慶嗣

金史本傳李慶嗣洛人少舉進士不第棄而學醫讀素問諸書洞曉其義大德間歲大疫廣平尤甚貧者往往闔門臥病慶嗣携藥與米分遺之全活者衆慶嗣年八十餘無疾而終所著傷寒纂類四卷攷證活人書二卷傷寒論三卷針經一卷傳於世

紀天錫

金史本傳紀天錫字齊卿泰安人早棄進士業學醫精於其技遂以醫名世集註難經五卷大定十五年以上其書授醫學博士

張元素

子璧

金史本傳張元素字潔古易州人八歲試童子舉二十七試經義進士犯廟諱下第乃去學醫無所知名夜夢有人用大斧鑿心開竅納書數卷於其中自是洞徹其術河間劉完素病傷寒八日頭痛脉緊嘔逆不食不知所爲元素往候完素面壁不顧元素曰何見待之卑如此哉既爲診脈謂之曰脈病云云曰然初服某藥用某味乎曰然元素曰子誤矣某味性寒下降走太陰陽亡汗不能出今脈如此當服某藥則效矣完素大服如其言遂愈元素自此顯名元素治病不用古方其說曰運氣不齊古今異軌古方新病不相能也自爲家法云 按古今醫統張元素善知藥性氣味陰陽厚薄升沉之微李時珍稱其靈素而後一人著珍珠囊引經佐使李杲師事之盡得其學子璧得父業名著當時號雲岐子有脈談行世

劉完素

金史本傳劉完素字守真河間人嘗遇異人陳先生以酒飲守真大醉及寤洞達醫術若有授之者乃撰運氣要旨論精要宣明論虛庸醫或出妄說又著素問元機原病式特舉二百八十八字註二萬餘言然好用涼劑以降心火益腎水爲主自號通元處士云

張從正

金史本傳張從正字子和睢州考城人精於醫貫穿素難之學其法宗劉守真用藥多用寒涼然起疾救死多取效古醫書有汗吐下三法亦有不當汗者汗之則死不當吐者吐之則死不當下者下之則死各有經絡派理世傳黃帝岐伯所爲書也從正用之最精號張子和汗吐下妄庸淺術習其方劑不知察脈原病往往殺人此庸醫所以失其傳之過也其所著有六門二法之目存於世云 按河南通志張從正興定中召補太醫居無何辭去乃與麻知幾輩日遊澠水之上講明奧義辨析元理遂以平日聞見及嘗試效者輯爲一書凡四十卷名曰儒門事親

竇漢卿

古今醫統竇漢卿爲金太師善醫妙於針有死去經日者若曾前稍溫鍼之立起著有鍼經指南標幽賦誠爲古今之軌範

成無己

古今醫統成無己世習儒醫無己尤該博羣書有敏質祖術仲景傷寒辨析表裏虛實極其旨

趣著有傷寒論明理論凡數十卷行世

王博

韓熒

鳳陽府志王博韓熒皆醫道通神宿州衛有百戶李昶者方十五六歲時以弱疾幾不起延二公視之韓曰此兒病即愈壽且至八十餘王再視之亦曰壽八十四歲而終病不日當愈人皆笑其迂後竟病痊至八十四歲而終

元

麻九疇

古今醫統麻九疇字知幾莫州人三歲識字七歲能書長通經史因疾從子和學醫遂盡得其妙濟活甚多

王仲明

江南通志王仲明江都人善醫平章廉希憲疾世祖召仲明治之未即行人強之曰君能起廉相是惠及天下也仲明適往投以一匕立愈世祖欲官之辭不就

許國禎

山西通志許國禎曲沃人博通經史尤精醫術金末避兵嵩州永甯縣河南平歸寓太原元世祖在潛邸以醫徵至瀚海留守掌醫藥莊太后有疾國禎刻期而愈世祖即位授榮祿大夫提點太醫院事賜金符至元三年改授金虎符十二年遷禮部尚書遂拜集賢大學士進階光祿

大夫卒年七十六諡忠憲後追封蒞國公 按古今醫統國禎字進之爲世祖掌醫藥有奇效世祖患痰進藥味苦不飲禎曰良藥苦口利於病忠言逆耳利於行世祖然之遂飲藥而愈

王鏡澤

金華府志王鏡澤名開字啓元蘭谿人家貧好讀書不遇於時遂肆力醫道遊大都寶太師漢卿之門二十餘年悉傳其術以歸寶公囑之曰傳吾術以濟人使人無病即君之報我也遇人有疾輒施鍼砭無不立愈至元初領揚州教授以母老辭所著有重註標幽賦傳於世子國瑞孫廷玉曾孫宗澤皆克世其業云

李浩

滕縣志李浩其先曲阜人五世祖官於滕因家焉大父義父玉皆以儒顯而浩喜醫方術慕倉公之爲人也元初常往來東平間爲人治病決死生其驗如神所著有素問鈎元仲景或問諸藥論甚精寶文正默幼從其子元學薦之元世祖而老不可徵詔有司歲給衣米終其身

周眞

醫學入門周眞治一婦因產子舌出不能收公以硃砂敷其舌仍令作產子狀以兩女扶掖乃於壁外投大瓦盆作聲砰訇聞之舌收矣治一女子嗜食泥日食河中汚泥三盃許公取壁間敗土調飲之遂不食

楊用安

崇仁縣志楊用安字存心武昌路醫學教授治病多神效尤善太素脈預定前程休咎年數修短草盧公贈詩有期君還舊里共啟內經元之句

沈光明

松江府志沈光明華亭人以治目鳴先世常受術於龍樹師內外障七十二症悉能治而去之光明克世其學士大夫咸稱重焉

潘濤

江西通志潘濤上高人累世以業醫名至濤益顯全活者甚衆嘗著醫學繩墨一書其目有十一切脈二問證三斷病名四辨逆順五明標本六立治七審輕重八處方九用藥十調理行於世

徐文中

古今醫統徐文中字用和工醫藥鍼術有符呪治療捷效人稱神醫 按宣城縣志徐文中爲吳掾鎮南王妃苦風患禿魯御史以文中聞文中丐診候按手台骨曲池而鍼潛入焉妃殊不省也移晷手足並舉次日起坐王喜勞之大旱請致雨王以雨而雷卜爲法云文中振袂一揮雲冉冉北方大雨如注迅雷震天且霽矣從吳遷武陵守吳乘彝病召之立愈嘗語人吾弟子羣然亟於利故其術不神文中今茲遊四十禩所奏績罔算願自未敢核報爾

史可甦

鄱陽縣志史可甦生而篤學晚託醫隱舊傳載元人曾辟爲郡學錄屢徵弗就以先世有顯者義不忘宋有淵明遺風居餘干棠棣橋晚年遷寓鄱城之西博涉羣書無所不貫因旁通於醫邑人德其起死之功榜其堂曰更生用是隱其真名因合更生字以可甦章起鳳贊曰術能託乎精微志不厭乎澹泊其抱道自晦寓意於術以神其用易稱潛德殆其選歟

程深甫

休寧縣志程深甫汊口人業儒神於醫擢浙江省太醫提舉上召治疾立愈聲滿南北一時有
好人程太醫之語

王君迪

儀真縣志王君迪由江西遷儀真以醫著所述古今方論無一不詳持別脈二十四狀叅之以
外候偏邪如燭照鑑別吳草盧澄爲作可山記以贈

范天錫

休寧縣志范天錫字壽朋汊川人府教一高之子邃軒岐之術診脈能決人生死用藥不泥古
方隨手而應罔不效者嘗爲郡醫學提領

何順中

崑山縣志何順中自曾祖子雲以下世業醫至順中益著工巧居太醫垣四十年王公貴人有
招延之者視義不視物必專敬乃往往則疾家有所恃或以勢位臨之弗能致也家固貧極謙

義利之辨云

嚴子成

嘉興府志嚴子成字伯玉其先汴人宋咸淳間始祖名秋蟾來秀州賣藥子孫遂家於禾大德間京師開御藥局徵子成不就時霽川趙文敏公遣疾醫不能治邀子成診之翌日即瘳文敏喜爲杏林圖并孫思邈像贈之自是稱藥師性好施予筭不留貲年八十九忽語人曰我將往五嶽遊仙府也無疾而逝

李杲

元史本傳李杲字明之鎮人也世以貧雄鄉里杲幼歲好醫藥時易人張元素以醫名燕趙間杲捐千金從之學不數年盡傳其業家既富厚無事於技操有餘以自重人不敢以醫名之大夫士或病其資性高蹇少所降屈非危急之疾不敢謁也其學於傷寒癰疽眼目病爲尤長北京人王善甫爲京兆酒官病小便不利目睛凸出腹脹如鼓膝以上堅硬欲裂飲食且不下甘淡滲泄之藥皆不效杲謂衆醫曰疾深矣內經有之膀胱者津液之府必氣化乃出焉今用滲泄之劑而病益甚者是氣不化也啓元子云無陽者陰無以生無陰者陽無以化甘淡滲泄皆陽藥獨陽無陰其欲化得乎明日以羣陰之劑投不再服而愈西曹椽蕭君瑞二月中病傷寒發熱醫以白虎湯投之病者面黑如墨本證不復見脈沉細小便不禁杲初不知用何藥及診之曰此立夏前誤用白虎湯之過白虎湯大寒非行經之藥止能寒腑臟不善用之則傷寒本

病隱曲於經絡之間或更以大熱之藥救之以苦陰邪則他證必起非所以救白虎也有溫藥之升陽行經者吾用之有難者曰白虎大寒非大熱何以救君之治奈何杲曰病隱於經絡間陽不升則經不行經行而本證見矣本證又何難焉果如其言而愈魏邦彥之妻目昏暴生從下而上其色綠腫痛不可忍杲云醫從下而上病從陽明來也綠非五色之正殆肺與腎合而爲病邪乃瀉肺腎之邪而以入陽明之藥爲之使既效矣而他曰病復作者三其所從來之經與腎色各異乃曰諸脈皆屬於目脈病則目從之此必經絡不調經絡不調則目病未已問之果然因如所論而治之疾遂不作馮叔獻之姪櫟年十五六病傷寒目赤而煩渴脈七八至醫欲以承氣湯下之已煮藥而杲適從外來馮告之故杲切脈大駭曰幾殺此兒內經有言在脈諸數爲熱諸遲爲寒今脈八九至是熱極也而會要大論云病有脈從而病反者何也脈之而從按之不鼓諸陽皆然此傳而爲陰症矣令持薑附來我當以熱因寒用法處之藥未就而病者爪甲頓變服至八兩汗尋出而愈陝帥郭巨濟病扁枯二指着足底不能伸杲以長鍼刺砭中深至骨而不知痛出血一二升其色如墨又且謬刺之如此者六七服藥三月病良已裴擇之妻病寒熱月事不至者數年已喘嗽矣醫者率以蛤蚧桂附之藥投之杲曰不然夫病陰爲陽所搏溫劑太過故無益而反害投以寒血之藥則經行矣已而果然杲之設施多類此當時之人皆以神醫目之所著書今多傳於世云

衡州府志曾世榮號育溪精於方脈著活幼心書行於世大德丙午衡民不戒於火延及二千餘家火迫世榮宅四顧無以爲計忽颯塵中但聞人聲喧呼此曾世榮宅併力進水百餘器煙止風收而宅與書板俱得不焚談者皆云世榮用心仁恕故造物默佑之也

陸怡

松江府志陸怡字悅道華亭人常在杭州得遺珠值千緡候求者還之尤善醫汴人段氏客比鄰一夕溘死怡取馬櫃去底置大釜上昇死者內之蒸以葱藥及且皮腐而氣復大德間召至京師右丞相答刺罕哈刺哈孫使切脈竟曰丞相無疾惟左足大姆指一脈不到時哈孫欲試其藝先以物約之也稱爲神人欲官之力辭歸賜號悅道處士

釋普映

德興縣志釋普映長居院僧通究釋典尤精岐黃之術元武宗取爲太醫除授僧錄司在朝十二年

釋拳衡

德興縣志釋拳衡燒香院僧通釋典善醫投劑無不效至治三年皇后疾拳衡獻藥有功賜號忠順藥師領五省採藥使

葛應雷 應澤 正蒙

蘇州府志葛應雷郡人字震父祖思恭宋宣義郎父從豫進義校尉皆攻醫應雷幼習舉子業

學日進宋亡遂以家藏方書研精覃思其處方製劑率與他醫異時浙西提刑李判官中州名醫也嘗因父疾自診之復咨於應雷聞其言論父子相顧駭愕曰南方亦有此人耶盡出所藏劉守真張潔古諸書與之討論無不脗合而劉張之學行於江南者自此始扁其齋曰恒謂醫不可無恒也由平江醫學教授陞江浙醫官提舉按吳縣志葛應雷攻於醫著醫學會同二十卷推五運六氣之標本察陰陽升降之左右以定五臟六腑之虛實合經絡氣血之注而知疾病之候死生之期其處方製劑烝熯率與他醫異又按蘇州志應雷弟應澤仕平江路官醫提領子正蒙字仲正世其業居杉瀆橋故第所扁醫室曰復生堂其座右銘曰濟世之道莫大乎醫去疾之功莫先乎藥乃周丞相書篆刻猶存

羅知悌

杭州府志羅知悌字子敬號太無錢唐人以醫侍穆陵甚見寵厚丹溪朱彥脩志醫遍歷江湖不遇明者還至武陵遇知悌俟門下三載始得見知悌愛其誠盡以其術授之彥脩遂以醫名東南知悌能詞章善揮翰貧病無告予之以藥無不愈者仍贈以調理之資

朱震亨

戴良丹溪翁傳丹溪翁者婺之義烏人也姓朱氏諱震亨字彥脩學者稱之曰丹溪翁自幼好學日記千言稍長從鄉先生治經爲舉子業後聞許文懿公得朱子四傳之學講道八華山復往拜焉益聞道德性命之說宏深粹密遂爲專門一日文懿謂曰吾臥病久非精於醫者不

能以起之子聰明異常人其肯游藝於醫乎翁以母病脾於醫亦粗習及聞文懿之言即慨然曰士苟精一藝以推及物之仁雖不仕於時猶仕也乃悉焚棄向所習舉子業一於醫致力焉時方盛行陳師文裴宗元所定大觀二百九十方翁窮晝夜是習既而悟曰操古方以治今病其勢不能以盡合苟將起度量立規矩稱權衡必也素難諸經乎然吾鄉諸醫鮮克知之者遂治裝出游求他師而叩之乃渡浙江走吳中出宛陵抵南徐達建業皆無所遇及還武林忽有以其郡羅氏告者羅名知悌字子敬世稱太無先生宋理宗朝寺人學精於醫得金劉完素之真傳而旁通張從正李杲二家之說然性褊甚恃能厭事難得意翁往謁焉凡數往返不與接已而求見愈篤羅乃進之曰子非朱彥脩乎時翁已有醫名羅故知之翁既得見遂北面再拜以謁受其所教羅遇翁亦甚歡乃授以劉張李諸書爲之敷揚三家之旨而一斷於經且曰盡去而舊學非是也翁聞其言渙焉無少凝滯於胸臆居無何盡得其學以歸鄉之諸醫泥陳裴之學者聞翁言即大驚而笑且排獨文懿喜曰吾疾其遂瘳矣乎文懿得末疾醫不能療者十餘年翁以其法治之良驗於是諸醫之笑且排者始皆心服口譽數年之間聲聞頓著翁不自滿足益以三家之說推廣之謂劉張之學其論臟腑氣化有六而於溫熱相火三氣致病爲最多遂以推陳致新瀉火之法療之此固高出前代矣然有陰虛火動或陰陽兩虛濕熱自盛者又當消息而用之謂李之論飲食勞倦內傷脾胃則胃脘之陽不能以升舉并及心肺之氣陷入中焦而用補中益氣之劑治之此亦前人之所無也然天不足於西北地不滿於東南天陽

周子

子

子

子

子

子

子

子

子

子

子

子

也地陰也西北之人陽氣易於降東南之人陰火易於升苟不知此而徒守其法則氣之降者固可愈而於其升者亦從而用之吾恐反增其病矣乃以三家之論去其短而用其長又復參之以太極之理易禮記通書正蒙諸書之義貫穿內經之言以尋其指歸而謂內經之言火蓋與太極動而生陽五性感動之說有合其言陰道虛則又與禮記之養陰意同因作相火及陽有餘陰不足二論以發揮之於是翁之醫益聞四方以病來迎者遂輻輳於道翁咸往赴之其所治病凡幾病之狀何如施何良方飲何藥而愈自前至今驗者何人何縣里主名得諸見聞班班可紀 浦江鄭義士病滯下一夕忽昏仆日上視洩注而肝瀉翁診之脈大無倫即告曰此陰虛陽暴絕也蓋得之病後酒且內然吾能愈之急命治人參膏而且促灸其氣海頃之手動又頃而唇動及參膏成三飲之甦矣其後服參膏盡數勦病已 天台周進士病惡寒雖暑亦必以綿蒙其首服附子數百增劇翁診之脈滑而數即告曰此熱甚而反寒也乃以辛涼之劑吐痰一升許而蒙首之綿減半仍用防風通聖散飲之愈周固喜甚翁曰病愈後須淡食以養胃內觀以養神則水可生火可降否則附毒必發殆不可救彼不能然後竟疽發背死 浙省平章南征閩粵還病反胃醫以為可治翁診其脈告曰公之病不可言也即出獨告左右曰此病得之驚後而使內火木之邪相挾氣傷液亡腸胃枯損食雖人而不化食既不化五臟皆無所稟去此十日死果如言 鄭義士家一少年秋初病熱口渴而妄語兩頰火赤醫作大熱治翁診之脉弱而遲告曰此作勞後病溫惟當服補劑自己今六脈皆搏手必涼藥所致竟以

附子湯啜之應手而瘥 浙東憲幕傅氏子病妄語時若有所見其家妖之翁切其脈告曰此病痰也然脈虛弦而沉數蓋得之當暑而飲酸又大驚傳曰然嘗夏因勞而甚渴恣飲梅水一二升又連得驚數次遂病翁以治痰補虛之劑處之旬浹愈 里人陳時叔病腹脹如斗醫用利藥轉劇翁診之脈數而瀉告曰此得之嗜酒嗜酒則血傷血傷則脾土之陰亦傷胃雖受穀不能以轉輸故陽升陰降而否矣陳曰某以嗜酒前後洩見血者有年翁用補血之劑投之驗 權貴人以微疾來召見翁至坐中堂自如翁診其脈不與言而出使詰之則曰公病在死法中不出三月且入鬼錄顧猶有驕氣耶果如期死 一老人病目無見使來求治翁診其脈微甚爲製人參膏飲之目明如常時後數日翁復至忽見一醫在庭煉礞石問之則已服之矣翁愕然曰此病得之氣大虛今不救其虛而反用礞石不出此夜必死至夜方半氣奄奄不相屬而死 一男子病小便不通醫治以利葯益甚翁診之右寸頗弦滑曰此積痰病也積痰在肺肺爲上焦而膀胱爲下焦上焦閉則下焦寒譬如滴水之器必上竅通而後下竅之水出焉乃以法大吐吐已病如失 一婦人病不知稍蘇即號叫數四而復昏翁診之肝脈弦數而且滑曰此怒心所爲蓋得之怒而強酒也詰之則不得於夫每遇夜引滿自酌解其懷翁治以疏痰降火之劑而加以香附以散肝分之鬱立愈 一女子病不食面北臥者且半載醫告術窮翁診之肝脈弦出寸口曰此思男子不得氣結於脾故耳叩之則許嫁丈夫久曠且五年翁謂其父曰是病惟怒可解蓋怒之氣擊而屬木故能衝其土之結今宜觸之使怒耳父以爲不然翁

入而掌其面者三責以不當有外思女子號泣大怒怒已進食翁復潛謂其父曰思氣雖解然必得喜則庶不再結乃詐以其夫有書且夕且歸後三月夫果歸而病不作 一婦人產後有物不上如衣裾醫不能喻翁曰此子宮也氣血虛故隨子而下即與黃善當歸之劑而加升麻舉之仍用皮工之法以五倍子作湯洗濯其皮少選子宮上翁慰之曰三年後可再生兒無憂也如之 一貧婦寡居病癩翁見之惻然乃曰是疾世號難治者不守禁忌耳是婦貧而無厚味寡而無欲庶可療也即自具葯療之病愈後復投四物湯數百遂不發動 翁之爲醫皆此類也 蓋其遇病施治不膠於古方而所療皆中然於諸家方論則靡所不通他人靳靳守古翁則操縱取舍而卒與古合 一時學者咸聲隨影附翁教之亶亶忘倦一日門人趙良仁問太極之旨翁以陰陽造化之精微與醫道相出入者論之且曰吾於諸生中未嘗論至於此今以吾子所問故偶及之是蓋以道相告非徒以醫言也趙出語人曰翁之醫其如橐籥於此乎羅成之自金陵來見自以爲精仲景學翁曰仲景之書收拾於殘篇斷簡之餘然其間或文有不備或意有未盡或編次之脫落或義例之乖舛吾每觀之不能以無疑因畧摘疑義數條以示羅尙未悟及遇治一疾翁以陰虛發熱而用益陰補血之劑療之不三日而愈羅乃歎曰以某之所見未免作傷寒治今翁治此猶以芎歸之性辛溫而非陰虛者所宜服又况汗下之誤乎翁春秋既高乃徇張翼等所請而著格致餘論局方發揮傷寒辨疑本草衍義補遺外科精要新論諸書學者多誦習而取則焉

王珪

古今醫統王珪字均章號中陽老人吳郡人志行高潔見道真明尤邃於醫學屏除世慮隱居吳之虞山人稱隱君所著方書超出羣表自幼及壯至老調攝有序論證有旨至於諸痰諸飲挾火爲患悉究精詳製有滾痰丸最爲神效

潘璟

古今醫統潘璟不知何郡人善醫診視有異見一婦懷孕二歲一孕十四月俱不產璟診視之曰非孕也疾也作劑飲之孕二歲者下肉塊百餘孕十四月者下大蛇二婦俱得活

宋會之

錢塘縣志宋會之名醫也治水蠱碎乾絲瓜入巴豆十四粒同炒獨用瓜炒陳倉米而去之研成丸服百粒其言曰巴豆逐水瓜象人絡僅借爲引而以米投胃氣是深知醫者

沈好問

子允振

浙江通志沈好問字裕生錢塘人世業小兒醫至好問益精視小兒病洞見臟腑尤善治痘證所著有素問集解痘疹啓微本草類證諸書子允振字慎伯亦良醫有父風按仁和縣志沈好問別號啓明先世以鍼灸隸籍太醫院扈宋南渡徙居杭杭人傳爲沈鐵鍼云好問穎慧絕人取祖醫祕笈晝夜研究者數年其視人疾病必見臟腑中所滯之物然後以藥療之故病者無不愈侍御郭太薇邀之閩大中丞喻醒哲邀之蜀督師王總戎邀之好問皆以一七立起題

中國醫門小史
授太醫院院判請告歸卒

吳綬

浙江通志吳綬錢塘人著傷寒蘊要全書發明五運六氣畫圖立說究極元微以名醫徵至京師仕至太醫院院判北歸時湖墅有馮英者病傷寒一時諸醫議用承氣湯邀綬視之曰將戰汗矣非下證也當俟之頃刻果得戰汗而解

莫仲仁

松江府志莫仲仁華亭人病聾以醫鳴邑人某病蠱衆醫莫療仲仁以峻劑吐蠱數升立愈某病寒逾七日發強且縮法當死仲仁徐以常藥理之而平某病痢噤不食者七日氣殆絕仲仁投以湯即納食飲而起有大官病瘵衆醫爭進仲仁望而走曰雖扁鵲不可爲已出門而殂其神驗若此

吳恕

杭州府志吳恕字如心錢塘人少貧貨烏蛇丸以治風疾時采風使適有患此疾者召恕與談驚服其論議遂委治之疾果愈其名遂震後徵至京師授太醫院御醫恕念傷寒爲病傳變不常張仲景傷寒論旨意幽深非窮理之至者莫窺其要乃潛心研究本傷寒論朱奉議活人書約爲賦以發其隱復纂指掌圖以開示初學仲景奧旨囊括殆盡世之業醫者往往宗之

黃子厚

醫學入門黃子厚江西人與滑壽同時治富家子年十八病遍身肌肉坼裂公屏人詰問曾近
女色否曰十二三歲曾近之矣公曰古云精未通而近女色則四體有不滿之處後日當有難
收之疾在法不治後果惡汁淋瀝痛絕而死治一富翁病泄瀉年公治浹旬不愈忽讀易天行
健運轉不息氣舉之也富翁之泄乃氣不能舉所以脫下即灸百會穴三十四壯而泄止矣

項昕

醫學入門項昕號抱一翁婺源人治一病脅痛衆以爲癰投諸香薑桂之類益甚陽脈弦陰脈
微濡公曰弦者痛也濡者腎邪有餘也腎上薄於脅不能下且腎惡燥今服燥藥過多非得利
不愈先用神保丸下黑溲痛止更服神芎丸或疑其太過公曰向用神保丸者以腎邪透膜非
全蠟不能引導然巴豆性熱非得確黃蕩滌後遇熱必再作乃大泄數次病愈經曰痛隨利減
是也治一婦腹脹如鼓四體骨立醫以爲孕爲蠱爲瘵公診曰此氣搏血室耳服血藥多而失
於順氣經曰氣血同出而異名故治血必先順氣俾經隧得通而後血可行乃以蘇合丸投之
三日而腰痛曰血欲行矣急以硝黃峻逐之下瘀血如瓜者十餘枚而愈所以知其病者以其
六脈弦滑而數弦者氣結滑者血聚實邪也故氣行而大下之 又一婦病同而診異公曰不
治法當數月死向者女子脈滑而邪實今脈虛爲元氣奪矣 又一女子病亦同而亦脈獨弦
公曰真臟脈見法當踰月死後皆如其言 治一人夏月病甚衆以爲瘵公診其脈細數而實
細數者暑也暑傷氣宜虛今不虛而反實乃熱傷血藥爲之也與白虎湯飲之立瘥 治一人

胸膈壅滿甚篤昏不知人公診其脈陽脈浮滑陰脈不足浮爲風滑爲血聚始爲風傷肺陰脈不足乃過於宣逐也諸氣奪肺肺氣治則出入易苑陳除故行其肺氣病當自己初以杏仁薏米之劑灌之立甦繼以升麻黃善桔梗消其膿服之逾月而愈

王好古

古今醫統王好古字從之號海藏古趙人性明敏通經史好醫方師李明之所著醫壘元戎十二卷醫家大法三卷仲景詳辨活人節要歌湯液本草此事難知斑疹論光明論標本論傷寒辨惑論等書行世

戴同父

古今醫統戴同父名起宗建業人任儒學教授其學以作聖爲己功謂醫爲性命之學遂潛心以究內經之祕選五運六氣之旨刊脈訣之誤辟邪說正本源誠有功於醫者也

羅天益

古今醫統羅天益字謙甫真定人東垣弟子潛心苦學真積力久居東垣門下十餘年盡得其妙著有衛生寶鑑二十四卷行世

樊子晉 趙良

湖廣通志樊子晉麻城人讀書明理審病察脉預知人十年生死醫學宗之 古今醫統趙良字以德號雲居江浦人丹溪弟子有高致精醫術張士誠據吳召不往挈家隱華亭鄉中以活

活人爲心醫造閩奧沉痾悉能起著有醫學宗旨金匱衍義等書行世

梁周泰

稷山縣志梁周泰字百亭由儒醫元至正間授平陽路醫學教授子權孫叔東皆能世其業邑人稱其有活人之功子孫世躋科目爲邑望族

王東野

曠世傑

吉安府志王東野永新人精方脈嘗著本草經當時知名任太醫院御醫虞文靖揭文安陳雪樓劉申齋趙子昂咸與之交而尤厚趙魏公以老致仕歸邑人曠處良傳其學卒爲名醫處良曾世儻精醫術士大夫重之至爲之語曰命非景儒不談藥非世儻不服景儒精星術今曠民醫學世其家

陸仲遠

江南通志陸仲遠青陽人醫不嗜利有逸士風能察膂輸經脈審榮衛順逆軒履到門日數百而園池竹石觥籌鏗鏗然樂也年老思九子芙蓉不能去日著千金聖忠方子孫守之遂家於此

徐復

松江府志徐復字可豫號神翁華亭南橋人海鹽州醫學教授其先宋濮陽太守熙遇異人授以扁鵲神鏡經頗有所悟遂以醫名世復尤精靈樞素問諸書其治病常審南北察強弱緩急

而投之。故百不失一。會稽楊維楨病久。不食飲。衆醫皆曰元氣脫。不可治矣。復診之。曰。頃於西門視一劇證。其脈與公等。然公七日起。彼不出三日。當殂。遂投劑。至期。慙而闕。二日者。殂矣。維楨有歌紀其事。

劉開

南康府志。劉開字立之。習釋老學。常游廬山。遇異人。授以太素。祇行世。元帝召赴闕。賜號復真先生。卒。葬於西古山。著有方脈舉要。

王公顯

紹興府志。王公顯。新昌人。字達卿。性聰敏。方元盛時。人習科舉業。其父乃使學醫。私語之曰。不久將有千戈之難。汝勿求仕業。醫則可矣。由是公顯遂精於醫。未幾。南北兵起。父言果驗。邑中大疫。公顯與其子宗興。沿門療治。所活甚衆。孫性同。明洪武中。舉醫學特科。

明

葛乾孫

明外史本傳。葛乾孫。字可久。長洲人。父應雷。以醫名。乾孫體貌魁碩。膂力絕人。好擊刺。戰陣之法。後折節讀書。兼通陰陽律歷星命。爲文章有名。屢試不偶。乃傳父業。然不肯爲人治疾。或施之輒著奇效。名與金華朱丹溪埒。一書。用傷寒不汗。發狂循河走。乾孫梓置水中。良久出之。裹以重棉。乃汗而解。一富家女病四肢痿痺。目瞪不能食。衆醫治不效。乾孫命悉去房中香奩。流

蘇之屬掘地坎置女其中。令家人俟女手足動有聲則告。久之女果舉手足而呼。投藥一丸。明日女自坎中出矣。蓋此女平日嗜香而脾爲香氣所蝕。故得是證。其療病不用方藥如此。至正時天下大亂。乾孫推己祿命不利。慨然謂其友曰。聞中原豪傑並起。而我不得與命也。今六氣淫厲。吾犯咸池。殆將死矣。一日見武士引弓取挽之。及殼。歸即下血。命子煮大黃西兩飲之。子密減其半。血不下。詰知其故。語之曰。無傷。我命盡來年。今則未也。再服二兩而愈。明年果卒。按異林葛可久吳人也。性豪爽好博。少遇異人授以醫術。一日道有狂犬。可久謂人曰。誰能擒之。此可療也。惡少果環執之。可久泛其腎。犬臥良久。即瘞。有羣少戲里中。望見可久。一少年從。踰躍入室。曰。召可久診視。不驗。則羣噪之。強可久可久診之曰。腸已斷矣。當立死耳。有頃。少年果死。朱彥脩嘗治浙中一女子。瘵且愈。頰上兩丹點不滅。彥脩技窮。謂主人曰。須吳中葛公耳。然其人雄邁不羈。非子所致也。吾遺書往。彼必來。主人悅。具供帳舟楫。以迎使。至葛公方與衆博。大叫使者。俟立中庭。葛公瞠目視之曰。爾何爲者。使者奉牋跪上之。葛公省書。不謝。客行亦不返舍。遂登舟。比至彥脩語其故。出女子視之。可久曰。法當刺兩乳。主人難之。可久曰。請覆以衣。援鍼刺之。應手而滅。主人贈遺甚豐。可久笑曰。我爲朱先生來。豈責爾報耶。悉置不受。江浙行省左丞某者。患癱疾。彥脩曰。按法不治。可久曰。尙可刺。彥伯曰。雖可刺。僅舉半體耳。亦無濟也。家人固請。遂刺之。卒如彥脩言。彥修且計日促之行。曰。當及家而絕矣。已而果然。按霏雪錄。可久治方脈術。與朱彥修齊名。嘗炒大黃過焦。悉棄去。不用其謹如此。人來迎致。不問貧富。

皆往貧人以楮鏹來貿藥。準病輕重注善藥。緘以畀之。而歸其直。或楮鏹有不佳者。易佳者。使供餽。粥蓋仁人之用心也。古今醫統葛可久名乾孫震父之子。醫實跨竈。性甚仁厚。求療不分貴賤。輒盡心藥之。無有不效。著有醫學啓蒙論十二經絡十藥神書行世。

范益

古今醫統范益。燕京人。醫甚精。尤神於脈。年七十時。有老嫗居西山。請診其女。益以倦騎。乘爲辭。嫗出頃之。携二少女至。益診而詰之。曰。此非人脈。乃妖質耳。嫗跪告曰。妾本狐類。久住世間。得日月之精氣。故能變幻人形。二女偶患疾。苦知君仁厚。存活爲心。故敢求藥。君既洞察。詎敢欺乎。益遂與藥。隨叩其所以。往來禁城。如入無人之境。何也。嫗曰。此時真主已在濠梁京城。神俱已往。彼是故得以出入也。逾年太祖果克燕京。若益者真神醫也。

倪維德

明外史本傳倪維德。字仲賢。吳縣人。祖父以醫顯。維德幼嗜學。已乃業醫。以內經爲宗。病大觀以來。醫率用裴宗元。陳師文。和劑局方。故方新病多不相合。乃求金人劉完素。張從正。李杲三家書讀之。出而治疾。無不立效。周萬戶子八歲昏眊。至不識饑飽。寒暑。時以土炭自塞其口。維德診之。曰。此慢脾風也。脾藏智。慢則智短。急以疏風助脾。劑投之。即愈。顧顯卿右耳下生瘰。大與首同痛。不可忍。更數十醫。莫能治。維德曰。此手足少陰經受邪也。煮藥飲之。踰月而愈。劉子正妻病氣厥。或哭或笑。人以爲祟。所憑。維德曰。兩手脈俱沉。胃脘必有所積。積則痛。問之果然。

以生熟水導之吐痰涎數升而愈。盛架閣妻左右肩臂奇癢延及頭面不可禁灼之以艾則暫止。維德診其左脈沉右脈浮且盛曰此滋味過厚所致也。投以劑旋已。林仲實以勞得熱疾熱隨日出入爲進退。暄盛則增劇夜涼及雨則否。如是者二年。維德曰此七情內傷陽氣不升陰火漸熾故溫則進涼則退。投以東垣內傷之劑其疾立止。他所療治多類此。常言劉張二氏多主攻李氏惟調護中氣主補。蓋隨時推移不得不然。故其處方不執一說。常患眼科雜出方論無全書著元機啓微又校訂東垣試效方並刊行於世。洪武十年卒年七十五。

滑壽

明外史本傳滑壽字伯仁先世襄城人徙儀真後又徙餘姚幼警敏好學能詩京口王居中名醫也客儀真壽從之學授以素問難經壽卒業乃請益曰素問詳矣獨書多錯簡愚將分藏象經度等爲十二類鈔而讀之難經又本素問靈樞其間榮衛臟腑與夫經絡腧穴辨之博矣而缺誤或多愚將本其義旨注而讀之何如居中躍然曰甚矣子之善學也速爲之壽晨夕研究叅會張仲景劉守真李明之三家既學鍼法於東平高洞陽盡得其術嘗言人身六脈雖皆有繫屬惟督任二經則包乎腹背而有專穴諸經滿而溢者此則受之宜與十二經并論乃取內經骨空諸論及靈樞經所術經脈著十四經發揮三卷通考隧穴六百四十有七他如讀傷寒論鈔診家樞要痔瘻篇及採諸書本草爲醫韻皆有功於世故所至人爭迎致以得其一言定死生爲無憾晚自號櫻齋生江南北浙東西無不知有櫻齋生者年七十餘容色如童孺行步

躑捷飲酒無算既歿天台朱某撫其治疾神效者數十事作傳故其所著述益有稱於後。按醫學入門消壽嘗治婦人病小便澀中滿喘渴脈三部皆弦而澀醫皆以嬰麥梔苓滑利藥而祕益甚壽曰水出高源膈中之氣不化則水液不行病因於氣徒行水無益法當治上焦乃與朱雀湯倍枳梗長流水煎一服而洩再服氣平而愈。治一婦人有孕九月病滯下日五七起後重下迫壽以消滯順氣丸藥下之愈而孕不動素問曰有故無殞也。治一婦人經水將來三五日前臍下痛如刀刺寒熱交作下如黑豆汁既而水行因而無孕兩尺沉澀欲絕餘部皆弦急壽曰此下部寒濕邪氣搏於衝任衝主血海任主胞胎爲婦人血室故經事將來邪與血爭如此宜治下焦遂以辛散苦溫理血之藥令先經期日日服之凡三次愈。治一人因心高志大所謀不遂怔忡善忘口淡舌燥多汗四肢疲軟發熱小便白濁諸醫以內傷不足進鹿茸附子公視其脈虛大而散曰此思慮過度少陰君火爲患耳夫君火以名相火以位相火代君火行事相火一擾能爲百病况少陰乎用補中益氣硃砂安神丸空心則進坎離丸月餘而愈。治一孕婦病咳痰氣逆惡寒咽膈不利不嗜食浹旬脈浮緊形體瘦壽曰此上受風寒也授以辛溫生津液開溼理散風寒而嗽自止。治一婦人暑月身冷自汗口乾煩燥欲臥泥水中脈浮而數沈之豁然虛散壽曰脈至而從按之不鼓爲陰盛格陽證得之飲食生冷坐臥風露乃與元武湯冷飲三服而愈。治一婦人病寒疝自臍下上至心皆脹滿疼痛而脅痛尤甚嘔吐不進飲食兩手沈結不調壽曰此由寒在下焦宜急攻其下無攻其上爲灸章門氣海中

院內服元胡索官桂胡椒佐以茴木諸香茯苓青皮而愈。又紹興府志滑壽醫能決死生一婦孕患腹痛呻吟膈垣聞其聲曰此蛇妖也。之產數蛇得不死又一婦臨產而死視之曰此小兒手提其心耳。之即甦少頃兒下大指有紅跡姚人所傳如此壽與丹溪朱彥脩齊名所著有難經本義等書葉知府逢春云壽蓋劉文成基之兄易姓名爲醫文成既貴嘗來勸之仕不應留月餘乃去。

艾球 錢萼

嘉興府志艾球字廷燕魏塘人精於醫治疾有奇驗。一婦姙及月臥不語衆醫斂手。球曰此內經所謂瘖者不藥當自愈。又有男子請診曰此疾不致死然脈無生理。過三日當投劑。期內忽溺死人咸異之。球賢袁祥爲堦祥博治高曠不屑爲醫。球以祕經授之曰此不可無傳也。祥曰建文御極四年不脩實錄。忠臣死事泯沒無傳。醫經特瑣瑣耳。時祥生女十餘歲遂擇錢萼爲壻。使受灸術而已。薄遊南都徧尋博采作革除私記四卷。建文編年四卷以歸。遂精醫有聲吳越嘗手輯醫林驗海一編凡四十卷。子炳與曉孫贊能世其業。曉兼工詩。

呂復

醫學入門呂復字元膺鄞人以母病攻岐扁術。治一女孩病嗜臥面頰赤而身不熱。醫以慢驚治之兼旬不愈。復診其脈右關獨滑而數。他部大小等而和。曰此女無病。關滑爲有積。食意必乳母嗜酒酒後輒乳。故令女醉。非風也。及詰之果然。遂以枳殼葛花日二三服而愈。治一

滑脈往來流利結日之而動如珠相貫而絕摺之則伏脈本有餘曰痛也

脈舉指全多

不見再尋

有呼吸却去

也

也

也

也

也

也

也

也

也

也

也

也

也

中國醫門

卷之三

傷寒人靜脈伏又無舌胎而兩頰赤如火語言不亂復曰此血為熱搏氣無所依必大發斑而後脈出及揭其襟赤斑爛然即用化毒湯繼投承氣湯下之頓愈此症發脈於無脈長沙未論復祇以意消息耳妙極 治一婦人病喘不得臥氣口盛人迎一倍厥陰弦動而疾兩尺俱短而離復曰得之毒藥動血以致胎死不下奔迫而上冲非風寒作喘也乃用催生湯倍芎歸煎二三盞服之夜半果下死胎喘止而愈 治一人下利完穀脈兩尺俱弦長右關浮於左關一倍目外皆如草滋蓋肝風傳脾因成飧泄非臟寒所致以小續命湯減麻黃加朮三五服而愈 治一室女經閉五月腹大如有孕復診之面色乍白乍赤者鬼也非有異夢則鬼靈所憑耳乃以桃仁煎下五七枚而愈 治一人偶搔臍中疥出血如泉不止復視時已困極無氣可言脈惟尺部如絲他部皆無乃以四逆湯如荊芥防風其脈漸出更服十全大補一劑遂痊 治一人見殺人驚風入心疾作奔走不避水火或哭或歌脉上部皆弦滑左部逕於右復曰乃痰溢膈中灌於心包因驚而風纏五臟耳即為藥吐痰一斗許徐以驚氣丸服之而愈 治一人嗜酒善食忽洩如脂脈兩手三部皆洪數而左手尤躁復曰此三陽病由一水不勝五火乃移熱於小腸不癢則淋乃以琥珀滑石石膏黃蘗清之繼以龍膽辰砂末拌柿蕪食方寸匕即愈 治一人因驚恐餐泄彌年衆皆謂休息痢治以苦堅辛燥弗效復診其脈雙弦而浮非飲食勞倦所致乃驚風也肝主風故虛風日甚困肝而成泄當平肝太過扶土不及其泄自止乃用黃犢牛肝和以攻風健脾之劑服之逾月而愈 治一婦癰病小腹脹聚以為癩聚復循其少

學永樂中詔太醫院送名醫子弟讀書備用命趙友同吳敏德教之景方弱冠在選中益探闢
奧其師趙友吳敏德嘗曰是子不羣他日必以醫名後果名噪都下求治療者無虛日子弟來
從學者無間遠近景氣岸甚製上所用藥必與焉上欲驗其精良凡藩府舊臣病疾必遣診視
時太子少師姚廣孝病頭風他醫莫療飲景藥輒愈或問之曰病得之當風而坐清其頭目可
也陳都督病傷寒表未解法當汗景汗之愈王郎中弟亦患傷寒脈沉而實景曰法當下他醫
汗之而死張主事之子得癩病治之莫愈景切其脈沉手足冷曰陰癩也作湯投之愈劉僉憲
自湘湖來有疾景診之私於其兄病在死法中不出月矣治療莫愈果如其言嘗從太監朱興
尚寶朱珍分領銅符司城啓閉間從上出入軍中克著功績事定欲官之辭以母老乞終養歸

韓絳

兄子

蘇州府志韓彝凝次子少失母育於兄奕爲後因名詒孫字子翼洪武間爲府醫學正科從兄
爽字公茂少稟學於奕永樂初爲燕府良醫正從成祖靖難擢院判上問其有弟否答以弟詒
孫嘗師事臣召授御醫改今名字公達賜第致和街尋陞院判爽肩隨絳上命並行超陞爽爲
院使駕扈北巡九年歸京卒三品欽葬而陰陽家相穴乃瘞水中遠託夢於上謝曰臣雖荷賜
榮終骨肉今魚而灌潤之害莫可任上即命官徙葬上患腹痛絳奏曰聖體所患須用雷丸大
黃木香等劑服之下蟲六十二條蓋絳知上嗜水芹善生蟲積久成此病愈賜裘馬復賜第大
明門內上欲隆賞絳奏爽子傳南僉衛軍上命右府除戍又授傳官御醫奕卒絳陳情得假歸

葬仍給葬費十一年彝隨駕北巡歸病不能朝上命中貴視疾遣人龜卜既沒悼歎賜葬祭視三品奕子有字伯承從子襄字克纘有子充字克美皆守世業

許景芳 許敬

嘉興府志許敬字孟寅世爲感化鄉人祖文達父景芳皆以醫鳴江南治齒痛者許爲之最永樂間景芳以院使戴原禮薦召至京受知仁宗錫賚洵加改梁府良醫正引年還鄉卒子敬世其業有聲宣德間院使將主善薦入內院英宗患喉風更數醫弗效敬進絳雪噀之遂愈上喜甚賜以羊酒拜太醫院御醫賜勅獎喻年七十致仕有經驗三卷藏於家

蔣武生

儀真縣志蔣武生字用文少讀書過目成誦六歲有贈里師萬年松者賦詩曰使者來西嶽探松云萬年佳名雖自好何不長參天師驚喜曰是覓己見不凡隋父任公暇必質所業聞說無疑問父奇之曰吾有嗣矣父歿乃習醫會同黜異得其要而綜之決死生定緩急治效無一弗中當路薦太醫院時戴原禮爲院使擅其業人靡有當意者及見用文喜曰君儒而爲醫吾道昌矣遂言於上授御醫太宗御極用文屢承眷顧會車駕北巡仁宗以東宮監國用文侍上前隨事獻規上嘗問保和之要用文對曰在養正氣正氣完則邪氣無自而入又問御醫效率緩何也用文對曰善治者必固本急之恐傷其原上皆稱善永樂間遷承直郎太醫院判丙申考績最陞承德郎上嘗命工部爲營築室用文叩頭謝曰臣荷恩遇莫能報又敢糜公費不益愧

悚乎再辭乃止甲辰謝病上疏乞歸詞意懇切未有清心寡慾慎加調保以綿聖治以慰萬方等語上覽疏驚嘆明日遣中貴資勅慰諭用文力疾讀之顧謂其子敬忠曰荷國洪休萬弗酬一歸語諸兄弟宜竭忠孝以繼吾志遂終年七十有四仁宗即位遣中官陳義乘傳護喪歸建祠墓用文生平嗜學顏私室曰靜學有詩治效方論行世洪熙元年官其子主善爲院判亦能共職篤學好古取商書克一語名齋中丞吳訥記之按上元縣志將用文其先魏人洪武初徙句容遂入都城精於醫永樂中爲太醫院判日侍文華殿其醫主李明之朱彥修不執古方而究病所本自爲方故所治恆十全王公大人下逮氓隸有疾衆所難愈者謁用文治即愈謂不可愈無復愈者

虞搏

金華府志虞搏字天民義烏人幼習舉子業博覽羣書能詩章因母病攻醫醫道大行求療者不責報尤精於脈理數年前診之生死無不驗韓方伯聞其名來聘馳驛往見雅敬重焉治病之餘扣問醫道搏以節嗜慾戒性氣慎言語謹服食乃攝養之要益加禮敬義烏以醫名者代不乏人丹溪之後惟搏爲最所著有醫學正傳方脈發蒙百字吟半齋稿行於世

周漢卿

宋濂集予聞松陽周君漢卿以醫名者久矣一日予壻鄭叔鞿復來青蘿山中述其詳曰周君之醫精甚他固不能知姑即士君子所常道者言之括蒼蔣仲良左目爲馬所踢其睛突出

懸如桃羣工相顧曰是系絡既損法當瞽周君笑而不答以神膏封之越三日目如初 華川陳明遠患瞽者十年百藥屢嘗而不見效自分爲殘人周君視之曰是醫雖在內尙可治用鍼從背入睛背掩其醫下之目欻然辨五色 陳以爲神武城男子病胃痛當痛不可忍嚼齒刺刺作聲或奮擲乞死弗之得他醫用大攻湯治皆不愈周君以藥納鼻竅中俄大吐吐出赤蟲尺餘口眼咸具痛即止 東白馬氏婦有孕歷十四月不產形瘠危且黑周君脈之曰非孕也乃爲妖氣所乘耳以藥下之一物如金魚疾旋已 永康應童嬰腹疾恒痾痿行久不伸周公解裳視之氣衝起腹間者二其大如臂周公刺其一魄然鳴又刺其一亦如之稍按摩之氣盡解平趨無痿行 長山徐媪遭驚疾初發手足顛掉褌去裳衣裸而奔或歌或哭牽拽如舞水偶粗工見之吐舌走以爲鬼魅所惑周君獨刺其十指端出血已而安 虎林黃氏女生瘰癧環頸及腋凡十九竅竅破白瀋出右手拘攣不可動體火熱家人咸憂趣匠制棺衾周君爲剔竅母深二寸其餘以火次第烙數日成痂痂脫如恒人 於越楊翁項有疣其鉅類瓜因醉仆階下疣潰血源源流凡疣破血出弗休必殺人他醫辭不進周君劑糝其穴血即止 義烏陳氏子腹有由隱起捫之如壘或以爲奔豚或以爲癭瘕周君曰派洪且芘癭發於腸也即用燔鍼如筴者刺入三寸餘膿隨鍼射出其流有聲愈 諸暨黃生背彎曲杖而行人以風治之周君曰非風也血澀不通也爲刺兩足崑崙穴頃之投杖而去 其醫之甚精如此

王履

明史外傳王履字安道崑山人學醫於金華朱彥脩盡得其術嘗謂張仲景傷寒論爲諸家祖
後人不能出其範圍且素問云傷寒爲病熱言常而不言變至仲景始分寒熱立論然義猶未
盡乃備常與變作傷寒立法考又謂陽明篇無目痛少陰篇言胸背滿不言痛太陰篇無嗝乾
厥陰篇無囊縮必有脫簡乃取三百九十法去其重複者得二百三十八條復增益之仍爲三
百九十七法極論內外傷經旨異同併中風中暑辨名曰溯洄集凡二十一篇又著百病鈞元
二十卷醫韻統一百卷學者宗之履工詩文兼善繪事嘗遊華山絕頂作圖四十幅記四篇詩
一百五十首時所稱葛乾孫召復周漢卿輩及履皆元末人至明初始卒

俞用古

浙江通志俞用古新昌人有病人危篤延用古治一人無病欲試其術亦入帳中俟病者診畢
而後求診用古曰初診者可治次診者必死主人大笑之已而果然王氏數口忽啞用古問其
所嗜曰雉用古曰我知之矣以薑汁飲之立愈蓋雉多啄半夏其毒在內故也一女子欠伸兩
手直不能下用古曰須灸丹田因灼艾詐解其裙帶女子驚護之兩手遂下

戴思恭

明外史本傳戴思恭字原禮浦江人授學於義烏朱震亨先生一見思恭愛其才敏盡以醫術
傳之思恭遂以醫鳴洪武時徵爲御醫有所療治立效太祖愛重之燕王患瘰癧爽治不效太
祖遣思恭往治問所用藥良是思恭念何以不效乃問王何嗜曰嗜莊芹思恭曰得之矣投一

劑夜暴下視之乃細蝗也晉王末疾思恭療之愈已再發即卒太祖怒速治王府諸醫思恭從容進曰臣嘗奉命視王疾啓王曰疾今即愈但毒在膏肓即復作不可療也今果然矣諸醫由是免死一妃嗜燒酒致腹痛治之而瘥思恭曰十年必復發發則難救後果驗思恭時已老風雨輒免朝太祖得疾少間出御右順門召諸醫侍疾無狀者悉付獄獨慰思恭曰汝仁義人也事無預女毋恐已而駕崩太孫嗣位罪諸醫獨擢思恭太醫院使遼簡王聞太祖語大書仁義二字賜之肅莊王慶靖王咸爲贊詠以賜永樂初以年老乞骸骨奏四上乃許夏遣使者徵入免其拜特召乃進見其冬復告歸遣官護送資金帛踰月而卒年八十三歲遣行人致祭所著有證治要訣證治類元類證用藥總括十卷皆隱括丹溪之書爲之又訂正丹溪金匱鈞元三卷間附以己意人謂無愧其師云按宋濂集樂原忠妻亦蘇人因免乳後病驚身翩翩然如升浮雲之上舉目則室廬旋運持身弗定他醫欲以補虛治驚皆不效原禮曰左脈雖芤且瀉神色不動是因驚致心包絡積汚血耳法宜下之下積血如漆者一斗即愈留守衛吏陸仲容之內子病熱忘見神鬼手足攣動他醫用黃連清心湯不中原禮視之曰形瘦而色不澤乃虛熱耳法當以李杲甘溫除大熱之法爲治即經所謂損者溫之者也服參耆而安原禮從叔仲章六月患大熱而赤口譫語身發紅斑他醫投以大承氣湯而熱愈熾原禮脈之曰左右手皆浮虛無力非真熱也張子和云當解表而勿攻裏此證似之法當汗遂團附子乾薑人參白朮爲劑烹液冷飲之大汗而愈諸醫方氏子婦瘡後多汗呼媵人易衣不至怒形於色遂

昏厥若死狀灌以蘇合香丸而甦自後聞人步之重雞犬之聲輒厥逆如初原禮曰脈虛甚重取則散是謂汗多亡陽正合經意以黃善人參日補之其驚漸減決旬而安 松江朱仲文長夏畏寒身常挾重續食飲必熱如火方下咽微溫則嘔他醫授以胡椒煮伏雌之法日啖鷄者三病愈亟原禮曰脈數而大且不弱劉守真云火極似水此之謂矣椒發陰經之火鷄能助痰祇以益其病爾以大承氣湯下之晝夜行二十餘頓減續之半復以黃連導痰湯益竹瀝飲之竟瘳 姑蘇朱子明之婦病長號數十聲暫止復如前人以爲厲所憑莫能療原禮曰此鬱病也痰閉於上火鬱於下故長號則氣少舒經云火理可已此也不兩劑而安 其用心也篤故治疾往往多奇驗有如此

王仲光

蘇談今吳中醫術稱天下蓋有自矣初金華戴原禮學於朱彥脩既盡其術來吳爲木客吳人以病謁者每製一方率銀五兩王仲光爲儒未知醫也慕而謁焉因咨學醫之道原禮曰熟讀素問耳仲光歸而習之三年原禮復來見仲光談論大駭以爲不如恐壞其技於是登堂拜母以定交時仲光雖得紙上語未能用藥原禮有彥修醫案十卷祕不肯授仲光仲光私窺之知其藏處俟其出也徑取之歸原禮還而失醫案悔甚嘆曰惜哉吾不能終爲此惠也於是仲光之醫名吳下吳下之醫由是盛矣

祝仲寧

醫學入門祝仲甯永樂時人治小兒八歲哮喘不得臥聲如拽鋸用瀉火清氣之劑而愈或曰小兒無火公曰人有老穉諸氣貴鬱肺火之發則同治墜馬不醒人事他醫用理傷續斷之藥不效公圖以降火消痰立愈治周身百節痛及胸腹脹滿目閉支厥爪甲青黑醫以傷寒治之七日昏沉弗效公曰此得怒氣與痰相搏與四逆散加黃芩黃連瀉三焦火而愈

萬全

湖廣通志萬全字密齋羅田諸生隱於醫所著書甚多而於痘疹尤精一日在鄉先生家有兩新婦進欲避全鄉先生曰萬先生老無妨也兩婦年俱二十餘全曰此皆未痘痘將作矣一可救一不可救越一月兩婦布痘果如其言遊郡城有布痘者死已半日矣全過其門視之曰可活置污泥中三日痘復發進數七而蘇有豪家少年聞其名不爲心服一日佯爲大病重幃密室呼全診脈全診之曰越十五日當死不可救何須藥少年叱之曰我何病聊試汝耳全曰診視如此不知病也果至十四日病死

黃瑠

儀真縣志黃瑠字楚祥少孤母教之業儒刻苦問學既而曰醫仁術也苟精之亦足以濟人豈必官可行志乎於是從事素難諸家遂精其業有名淮揚間正統初徵爲太醫景泰間選入朝日侍禁近院使董肅薦於上召見便殿上問瑠邑里年數及所業藥性寒溫諸類瑠敷奏詳明數荷寵遇焉自是掖庭有疾率召瑠治輒效數賜白金文綺英宗復辟益承眷顧遷御醫尋奉

詔採藥勅階修職郎益感激務以保和聖躬爲己任上益嘉之資以珍膳金帛是時招集名醫闕下咸命統之成化中遷南京院判至則興滯警貪僚屬敬憚三載抗疏乞引年詔可既歸日與士友昆季爲真率會事母撫弟篤恩誼闕族睦鄰鄉人善之後以子用貴贈奉訓大夫南京兵部職方員外郎卒年七十九後孫應夏紹其業亦以醫名世

陳光遠

蘇州府志陳光遠不知何許人成化中僑居安亭望仙墩醫術神異所善客子死瘧攜樁將之野道遇光遠視之曰而不死吾當活之取沙遍壅其體命衆羅擊鉅鏡之屬觀者如堵以爲誕也有頃兒忽動旋活矣客問所以曰兒所苦水瘴無力自達得土氣乃疏金爲水母鳴則應而出矣御史行部而病召視長揖不拜且索坐既診脈曰大人無疾往時病中服補中湯二十劑灸臙中二十壯乃瘳皆中半而止所以復發滿之自愈御史驚以爲神改容禮之他日就訪其廬茅舍三楹不蔽風雨欲爲繕修固辭不受鹿城富人某父病且死延致之方爲療治聞鼓吹聲問知納妾語其子吾意不在金帛脫幸活君父願以新姬相贈子唯唯夕即出令侍寢光遠笑舉所佩金牌示之有不近女色四字文且漫滅不知年所曰吾以試子父與妾孰重子無恠情可謂孝矣卒活之所至有奇效遺以金輒不受後去不知所終

姚暘

松江府志姚暘字啓明華亭人父潤祖元醫學教授好古博雅著稱吳越暘少孤事母孝世其

家學洪武中以人材試行人宣德間除莆田知縣有聲未幾辭歸號柳隱孫蒙字以正沉靜博學善醫尤精太素脈定人休咎若合符契巡撫鄒來學常使視脈蒙既叙病源因曰公根器別有一竅出污水來學大驚曰此隱疾何由知蒙曰以脈得之左關滑而緩肝第四葉有漏洞下相通既久來學改容謝請藥弗予屈指計曰但還留臺五日可到來學解其意即治行果抵會同館而卒蒙屢徵不起臨終作謝世辭警悟超脫蓋有所見云

錢瑛

蘇州府志錢瑛字良玉宗道子世傳顛顛醫宣德中入太醫院甯陽侯孫生九月驚悸數啼而汗百方莫效瑛後至命坐兒於地使掬水爲戲驚啼頓止人問之曰時當季春兒豐衣帷處不離懷抱熱鬱難泄使近水則火邪殺得土則臟氣平不藥自愈子恆愷悌愷皆世其業

王尙

杭州府志王尙休甯人居儀鳳場口少習外科事母以孝聞母病往浦江求醫風雨寒甚遇虎徘徊號泣忽遇異人曰我能爲子醫延至家備極恭敬異人曰子能孝母又天真不鑿可以傳道因過山中指道旁一草示之曰以此治人傷可死中回生如言治之凡跌壓折傷者即氣絕三日以箸啓齒灌藥無不立生或腦裂額破則搏腦敷藥越百日無所損間有腹剖腸出則浣腸納腹中用桑皮綫縫合迄無恙造門乞藥者率以先後爲序不問貧富人咸感悅居恒患疔疾邑中稱爲王瘡

盛寅

明外史本傳盛寅字啓東吳江人受業於郡人王賓初金華戴原禮客吳下賓與之遊冀得其醫術原禮笑曰吾固無所吝君獨不能少屈乎賓謝曰吾老矣不能復居弟子列他日伺原禮出竊發其書以去醫遂有名將死無子以授寅寅既得原禮學復討究內經以下諸方書醫道大行永樂初爲醫學正科坐累逮入南京至則駕已北幸輸作天壽山列侯監工者見而奇之令主書算先是有中使督花鳥於江南主寅舍病脹寅愈之適遇諸途驚曰盛先生固無恙耶予所事太監正苦脹曷與我視之既視投以藥即愈適成祖西苑較射太監往視成祖遙望見愕然曰謂汝死矣安得生太監具以告因盛稱寅即召入便殿令診脈寅奏上脉有風濕病帝大然之曰吾遂寇出塞動至經年爲風寒所侵吾謂是濕而諸醫不知幾誤我進藥果效遂授御醫一日雪霽召見帝語白溝河戰勝狀氣色甚厲寅曰是殆有天命耳帝不懌起而視雪寅復脈唐人詩長安有貧者宜瑞不宜多句聞者咋舌他日與同官對奕御藥房帝猝至兩人欽杯伏地謝死罪帝命終之且坐以觀寅三勝帝喜命賦詩立就帝益喜賜象牙棋枰并詞一闕帝晚年猶欲出塞寅以帝春秋高勸毋行果有榆木川之變仁宗在東宮時妃張氏經期不至者十月衆醫以妊身賀寅獨謂不然出言病狀妃遙聞之曰醫之言甚當有此人奈何不令早視我及疏方乃破血劑東宮怒不用數日脹益甚命寅再視疏方如前妃令進藥而東宮慮墜胎械寅以待己而血大下病旋愈當寅之被繫也閩門惶怖曰是殆磔死或曰且籍沒既三日

紅仗前呼還邸舍賞賜殊腆寅與袁忠徹素爲東宮所惡既愈妃疾度怒稍解然意猶甚懼忠徹曉相術知仁宗壽不永密言於寅寅猶畏禍及仁宗嗣位求出爲南京太醫院宣宗立召還以正統六年卒初寅晨直御藥房忽昏眩欲死募人療寅莫能應一草澤醫人應之一服而愈問狀其人曰寅空心入藥房卒中藥毒能和解諸藥者甘草也帝問寅果空腹入乃厚賜草澤醫人而遣之

蔣宗武

武進縣志蔣宗武字季文曾祖達善以醫名吳越間所著有醫鏡三十卷宗武益精其業明天順間以明醫徵入供奉授太醫院御醫陸院判院使進通政使左通政官至禮部左侍郎宗武所治能取捷效周太后不豫宗武投藥一劑輒愈初上在乾清宮病目亦以宗武藥愈至是召至便殿將驟遷以酬之宗武固辭乃命兵部免其戌籍籍太醫院一日進藥上問以保身養氣之道宗武對曰保身莫若寡欲養氣莫若省心上嘉納之宗武謹厚寡言數荷優異絕無矜色出入禁掖數十年人問以宮中事不答也既歸雖襪硬楹樓之夫以病叩無不爲盡心者後子孫業儒孫亨自有傳

徐彪

松江府志徐彪字文蔚太醫院使樞子也正統十年以能醫薦入太醫院時代王久病瘡又昌平侯楊洪在邊疾篤受詔往視皆不旬日而瘳遂留御藥房十三年擢御醫景泰二年遷院判

常侍禁中每以醫諫景帝問藥性遲速對曰藥性猶人性也善者千里而不足惡者一日而有餘問攝生以固元氣對因事納忠類此六年預修中秘書錄子塏爲國子生彪質直洞達善談議少從父入秦其邸舍元許衡遺址也秦王以魯庵題之秦中稱爲魯庵及歸老以詩畫適情自號希古所著本草證治辨明論咳嗽條傷寒纂例各一卷

何欽

懷遠縣志何欽字大敬先世濮人元季遷居懷遠世業醫遂其術凡經診視生死不爽學者請究其術欽曰李明之朱彥修皆通經學古士也汝必欲究其術盍先讀易以察時變讀禹貢以識九州山川風土博極方書歸約於內經庶可與汝言耳聞者知其術之有自也王文莊公鴻儒使鳳陽采輯憲宗實錄疾作更數醫不愈聞欽名延之試脈知其病源遂一劑而愈文莊喜甚因爲文紀之欽從孫推官森載之家乘

徐述

徐迪

武進縣志徐述毗陵人毗陵舊以醫著姓者稱徐蔣湯丁云徐之先世居毗陵元兵屠城獲脫復被擄至燕久之得常州織染局官以歸生二子長曰養浩博通儒書始業醫爲無錫州學教授子仲清繼其業尤精爲湖州路儒學教授子矩用薦兩任襄縣黃縣教諭生三子長曰述字孟魯次曰迪字孟恂又次曰選字孟倫述善診迪善意述診决人生死旦夕歲月若神迪所治不盡責效於湯液醪醴率以意爲之述常過市市人躍而踰檻請診迪曰子腸已斷法當死市

人曰吾方食飽而出本無疾也烏得死至暮果死其他病甚且限述許其生血肉華色動履如常述謂其死而驗者尤衆 一女子傷於怒內向臥不得轉迪診之因索花作婦人粧且歌且笑患者聞之不覺回頭大笑而愈 一孕婦仰而探物遂不能俯迪令之衣以裙數十層掖之衆中以漸而解每解一裙輒擲之婦前解至中脘其婦不覺用手力護因得俯 一人病俯而不能仰迪令之坐因以大鉞針徐擬之其人漸避漸仰其用意皆此類 至其用鍼尤多神效俗呼曰徐神仙然三人者皆負意氣好施與博物洽聞于諸家多所究心述尤工天文選更以孝友稱歲且除從宜興載米百斛還未至家逼索故人與之家人方潔鬻待炊弗恤也吳人周克恭者嘗有所託於選家人弗知也克恭沒選急走其家悉還之道遇一貧人寒甚急解襦與之述嘗夜讀岳武穆傳怒甚持梃起無所洩忿碎其盎於爨下鄰人驚問之曰吾方切齒於檜賊也洪武中述迪皆以他醫累當遠戍選贅得免迪將奉母行選不忍也遂同行艱告備嘗者廿年不以爲勞正統初述語族子曰天象如此不越三年萬乘其蒙塵乎既而曰其在己己也是年果有土木之變景皇帝嘗召見述欲官之不果厚賜金帛以歸述著有難經補注

武獻

介休縣志武獻字大器景泰時人籍石澗里性聰敏母久病時無能療者嘆曰爲人子不知醫不孝也乃之縣南抱腹巖研究內難諸書三年人謗爲讀妖書縣繫鞠之知爲母攻醫乃釋久之以脈訣未真遠遊叅證得異人傳授治病按脈決生死若神有欲試獻術者版築崇堵上望

獄過躍下索診獄曰汝速歸死在目下人以爲戲其人赴家果即死蓋飽食致腸斷也名遂大著每治危疑難辨諸證不循常法沉疴立起人以是益奇之獄既精於醫益知醫學之難作論遺子孫非甚明理有救人之心者戒勿輕學

胡俊

滁州志胡俊字士英號兩庵舒城人明正統末寓椒行岐黃術多奇驗一日過白汭橋見一婦伏男子屍哭甚哀將入殮兩庵入視之曰莫哭緩須臾不殮服吾藥可不死即解囊取藥少許度屍口中頃之輒伸欠良久竟甦由是椒人以爲神稱名醫而商南岡臺及六曹長皆來聘甯陽進士鄒克昭述其行爲最詳年七十有八因家於椒爲巨族文學胡庭桂其裔也今諸子孫亦表表有文聲

武鳴岡

介休縣志武鳴岡獄孫趙郡伯召視婦疾帷數婦試之至後一人曰餘都無病惟此一人始受胎耳其夫未知也曰以藥驗之必動然須小損更一劑療之亦不至後患已而果然郡人何三泉亦業醫患怔忡頭暈四肢無力久不愈鳴岡診曰汝躬炮炙坐臥藥室中乎臟腑弱毒氣所侵也飲甘草湯數盃而止著效甚多不具述其父武惟真亦能醫療疾不計利鳴岡實家傳也

陸麟

陸朝 嚴漢

嘉興府志陸朝嘉之世醫也其先有名麟者景泰間衛軍征沙寇以醫術療從行將士有功授

醫官子孫遂世善其業。朝尤深於內經本草。切脈洞見病源。決死生一一不爽。治傷寒更隨手而瘥。然朝治病不欲人遲。於見功每至女子及癆瘵。不即起者。輒推引嚴漢漢用藥以和緩。取效不效不峻。爲攻補名亞於朝。稱良醫者必曰陸紹泉嚴陵坡蓋兩人別號也。

陳憲

弟龍

蘇州府志陳憲字文中。公賢子。治痘多效。有徐氏子患痘脾泄。衆謂不治。憲曰非附子不療。投一劑少間再投而愈。人云錢主用寒而陳用熱。弟寵字希承。宏治間召入禁典。藥上喜其恭謹。用藥神效。簡二奇方。識御寶以賜之。歷遷院使。加秩至右通政。

任榮

山西通志任榮雲中世醫。有陰德。活人甚多。宏治間年六十無疾而終。後一年鄉人陳守至河南于陳州市見之。其曾孫服遠幼。紹祖父業。庚辰歲瘟疫大行。得疾者親友不相訪問。染之即不起。服遠軫念之。夢祖謂曰。何不取松黃岡普濟消毒飲服之。醒覺即檢閱。果得是方。依方投劑。身親診視。痊活人數千人。咸以神醫誦之。遠近禮迎。子孫濟濟皆列庠序。其世德之驗云。

趙銓

廬陵縣志趙銓字仲衡。與羅文莊善。贈以古風。稱爲石亭子是也。高唐里人。稱岐黃家言。雖爲制舉業不廢。以諸生入監。貢仕靈壽。霍山兩邑。夏貴溪大拜入京。取道吳城。夜泊更闌。人靜。忽擁騶傳呼。聲出空中。雜以絲竹金革。滿驛交喧。俱以爲宰相。天人當有異。乃月下隱隱有宣言。

藥王爺爺到聞於貴溪使人詢藥王何人曰性趙者已而寂然乃銓舟至貴溪有心物色之間來舟爲誰曰秀才性趙者相國即月下索趙生見倒屣與語大加賞異即攜與入京會世廟不預大醫束手貴溪及大臣公卿咸舉銓入診視不終劑而龍體大安上既龍性加不豫益稍不受嬰拂太醫待詔者入未診視而得罪杖殺者再三銓入見龍袍垂地跪不得前上曰可前銓曰龍袍在地上上乃喜笑曰會講話便知醫乃手舉起龍袍以前乃知前待詔對以龍袍在地下是以觸上忌耳銓既稱旨朝廷官之而就令焉銓意不欲久仕解組歸惟著書修真而已有乞醫者即赴之不責人金帛而施藥不怠銓診太素有神清江蕭公湏山病篤銓往適病者假寐銓先診其長子診畢取酒相歡曰子脈無憂何妨乎父壽授一劑而愈方出都門時見一死者已含斂方入棺銓下馬啓其衣衾令取沸水下刀圭灌之死者立甦或以問銓銓曰吾過其旁知其無死氣若有死氣十丈內可決忍妄啓其衣衾耶其神類若此銓臨終無病腹中閣閣作聲笑曰龍吟虎嘯風雲慶會吾當赴之有頃異香滿室見頂上一道光采冉冉而上而銓坐逝矣經日如生舉棺時昇者覺輕虛若無七尺身者或傳以爲尸解云銓所著有春風堂集石亭醫案岐黃奧旨諸家醫斷太素脈訣體仁彙編

鄭元厚

江甯縣志鄭元厚字載之父宗化以明經教諭滁陽延集多士置講席四時不輟有鄭夫子之號性至孝居異母喪終制未嘗見齒都人士稱述之元厚有父風曾遇異人授以道術由是精

于導引內視之學病者求其搬運撫摩法簡功倍醫藥可省立愈人益神之其言人身臟腑關會之處皆可指而數也審察病源舉其竅要施功膚骨之間透切膏肓之隱其秘多不傳惟僧常然得其要領云

盧復

盧之頤

浙江通志盧復習岐黃兼通大乘剖疑晰理解悟不滯子之頤資性開明而學有根柢陰紐陽絡證辨入微善療奇疾凡尸蹶迴風投劑無不中然負氣凌物議論踔厲毀譽殆半焉所著仲景論本草乘雅半偈金匱要略論疏諸書行于世

孫卓三

饒州府志孫卓三浮梁北鄉人精岐黃正德間故藩覓醫于縣王嚴里人欲傾卓三舉以應迫而行藥輒應手得大效獲寵受厚精聲名大起其思理多在意表邑令以宸濠之變先與送其夫人避山中病前祕五日腹膨如鼓仰面張目息已微急召卓三卓三曰此盛暑急驅飲水過羞溺而胞轉也法以猪尿胞吹氣貫滿令女婢投入衝之而溺淋淋下遂起新安富室有度男子淋溺不止者漸痿黃諸醫束手卓三醫之亦弗效偶隱几坐以手戲弄水灌後孔塞則前竅止開則通爲腦後一穴灸火三壯立愈

沈惠

王節之

松江府志沈惠字民濟華亭人幼得異傳爲小兒醫能起死者嘗從浦南歸聞岸上哭聲甚悲

九生和康

問知某氏僅一子自塾中歸暴絕惠定視其胃次尚溫作湯劑灌之遂甦有富家子患痘危劇已治木矣藥之而愈取其棺以施貧兒惠以小兒醫多祕其書不傳乃覃思博考著書九種行世詳見藝文志學者以爲津梁有老嫗善治疔惠拜受其方嫗亡爲治後事惠爲人謹厚謙下無貴賤貧富必盡其心力立身有繩檢郡守子疾惠入視夫人從屏後告以病由惠若不聞守訝之對曰夫人自向明府言耳其以禮自處如此晚自號虛明山人徐文貞階有詩贈之臨終賦詩而逝同時有王節之與惠並稱兩人相得甚歡遇有疑疾必相質正節之子一鳳一鵬皆名醫

王一鵬

松江府志。王一鵬字啓雲。性拓落不羈。多與酒人遊。父節之督過之。沈虛明獨曰。我視此子。目力不羣。當悉授我術。宋侍御定宇孫少慧。一鵬謂宋所親曰。此子來歲三月當發疹。若將發時。有傾跌必且無幸。明春果疹。前三日失足仆。亟延一鵬。至不投劑而去。楊孝廉回山子甫。暑月且暮啼不輟聲。一鵬曰。能授我百金。則生楊唯唯。乃于堂中以灰畫地。置兒寢其中。戒乳媪勿得近。少間兒就寢。覺以香薰飲。少許下之一服。而痊。或問之曰。此中暑氣。乳媪體肥兒愈。哭抱愈不釋。輒哭輒不乳。臥之冷塊。暑氣自消。畫以灰者。愚彼不得迫視耳。青浦諸氏素封。止一子。一鵬至。撫弄輒云。公家艱嗣。願再誕一二。乃佳。又指其兩婢曰。痘將發矣。皆不治。二婢果死。兒亦尋夭。衆稱爲神人。云雲間以小兒醫獨誇江南者。蓋自一鵬始。

楊炳

平陽府志楊炳字文彪蒲州治城人精于醫決人生死不爽常以事赴安邑途中向逆旅主人求宿旁有一少年識之謂人曰此所謂神醫楊某也吾姑試之時少年方中食即從窻中躍入僵臥牀上呻吟求炳救炳診視大驚曰郎君殆將不起左右皆竊笑之是夕少年果死或問其故曰腸已裂不復可治也其奇中多如此又其妻嘗有娠炳診畢喜曰吾活人多矣是子必以科名顯後子世增登辛丑進士曆官御史其後世率多習醫者故州人稱爲樂丸楊氏炳又曾治某藩既愈賜金一笏亦稱楊一笏焉崇禎間侍郎李爲立祠州城東門

張謨

鉛山縣志張謨字廷策汭川人號虛齋通醫活人爲人端慎涉書史冲淡自如不求仕進凡冠婚喪祭一循古禮鄉國重之所著有東園集張東白贊云脩脩乎此身之外無一物焉可累蕩蕩乎此身之中無一塵焉可容野雲流水等蹤跡於太虛涼颺皓月豐受用於無窮此翁此翁林下罕逢此翁此翁眼中罕同維一峯詩云鉛山張處士勞爾問東家秋月開明鏡春風載小車平章回草木契合動煙霞歸去依韓斗清光浸皓華費健齋詩曰蝸角功名未息爭丈夫何事力逃名白沙日與羣鷗坐清露時聞獨鶴鳴元亮酒深邀客醉堯夫句好共誰賡五更風雨長安道却羨山中宰相榮觀此可想見其爲人矣

曹察齋

如皋縣志曹察齋精岐黃之術一日行途中聞有婦臨岸者作楚特甚曹拾地上敗葉命煎湯服之即下人叩其故曹曰醫者意也我取其敗葉初落耳衆服其神

張鶴溪

松江府志張鶴溪忘其名嘉靖中以醫名善療奇疾御史包節母年六十七暴中氣絕積日不蘇羣醫畢集皆曰風中臟腑不可治鶴溪獨曰此氣虛挾痰可下人參劑七日當甦甦能言鬼神事衆皆笑之既而和劑以進如期乃寤道鬼神事甚詳衆醫始口噤走

龐鹿門

湖廣通志龐鹿門幼從李平湖作本草綱目視神農多三千品視唐本草多一千五百品視陳希聲著多五百品凡蟲魚鳥獸草木天地內外無所不包又復考核詳究盡生生變變之妙鹿門得平湖之學不肯輕出以試人至老乃出有客寓者耳聾數十日以補藥投之不效就鹿門理脈曰此胃家火也客曰耳屬腎與胃何涉鹿門曰公未知素問靈樞耳胃經絡起某處過於耳旁或於食時則聾更甚一刀匕而愈州守夫人病瘡診之曰此瘡勿藥有喜但過十日當下血夫人不悅遂不請其方越十日而夫人血下邀鹿門亦一匕而愈好說素問靈樞醫家罕有知者

楊守吉

江甯府志南都正嘉間醫多名家乃各專一門無相奪者如楊守吉之爲傷寒醫李氏姚氏之

爲產醫周氏之爲婦人醫曾氏之爲雜證醫白驛李氏刁氏范氏之爲瘍醫孟氏之爲小兒醫樊氏之爲接骨醫鍾氏之爲口齒醫袁氏之爲眼醫自名其家其人多篤實純謹有君子之行而守古醫尤著有謝五老者夫婦病感冒月餘矣飲食纔屬口輒嘔噦衆醫皆以不治棄去一日守古過其門邀入診之曰無傷也病久已去但小進食虻蟲爭上噉胸次攪擾作惡耳試頓食之當勿藥而愈家人羣駭其說度無可奈何姑從之遂以冷茶投粥中頓入二大孟初尙作嘔已漸喜食食已沉睡覺而霍然又一人病羸瘦委頓甚百方不效求楊診之楊曰非藥所能愈第於五更向煮牛肉肆中候其初啟釜時以口鼻向鍋旁吸取其氣然後取汁一碗飲之數日可愈矣從之果然他治多類此

鍾大延

鄞縣志鍾大延字恒國本江右仕族後爲鄞人精於醫聰穎絕人治病不執恒方嘗言今人但知醫豈知醫人病固有淺深人自有強弱豈得因病執方有二人同病痼其用補劑一用攻劑或問之曰此稟弱須補其正氣而後攻之彼強須攻故用攻耳徐廷尉病小便祕腫脹面赤發喘衆醫皆以爲熱證治之病愈甚大延視之曰是無火也急煮附子湯一服而愈後有一貴家孕婦病亦如之衆醫莫效大延視之曰是可弗藥也乃胎壓膀胱耳令其周身轉動而瘳一僧嗜鹽每食必斤許衆醫雖知其爲蠱然服藥輒痛悶欲絕大延曰是蟲不受藥也當有以餌之以鹽筭用藥煮之仍加以鹽令服越數日果嘔蟲數升許而愈又一人酷暑歷萬山中

或時飲溪水至秋患泄痢諸藥不效但思食西瓜而醫戒不使進大延曰但食無妨稍進覺安加進益快爽遂用藥數劑而愈蓋前因山中暑熱所中也其能自出新意多奇效皆如此

李奎

鄞縣志李奎字石梁少負氣尙俠避讎亡匿湖海間十餘年始歸更折節讀書精於醫洞究內外經心揣摩手追盡得其妙善起人痼疾他手所不治者常得生有誤吞指爪喉哽幾殆奎令剪人指爪燒灰服之立愈疑其故方奎曰不然此內經所謂衰之以屬者也聞者嘆服好古金石及名人墨蹟植花草滿其所居年八十三卒先是嘗有李蘭泉者以醫名世奎之術蓋得之於蘭泉云蘭泉所著醫說未及刊布其後學徐國麟至今寶藏之

石涵玉

海鹽縣志石涵玉字啟泰治痘疹奇效劉氏莊患痘者二十人涵玉視之曰某弗藥愈某某日死以筆記之一不爽豐山兄弟三人共一子痘不起面青腹痛涵玉憂之夜夢大士曰何不
用白芍涵玉躍然蓋白芍能於土中瀉木面青腹痛木乘土也如法治之立效西郊沈氏子方見痘延視辭曰此終不能有功他醫療之過其門問張樂則以痘愈酬醫也固邀入席呼子出揖以愧之涵玉曰明年今日必患痢終難救衆不悅如期果亡一女患痘眼白色面紅如灑涵玉曰內潰證也取紙礮一令其父然女耳畔如雷大驚面部痘起數劑差衆奇問之曰內潰以通竅爲主驚則心竅開豈不內伏何足異耳其治法多類此中歲長齋放生建靈瑞禪院以安

僧衆買地施棺以瘞無力殍殮者凡三區名廣孝阡蓋樂道好善不第以藝術傳者子楷邑諸生益精先業北遊都下名動公卿所著有傷寒五法證治百問新方八法行於世

沈道輝

泰州志沈道輝泰州人善岐黃之業如皋縣江甯鄉有石氏女子夢與神接神黑而髻腹漸膨時家人咸共驚怪往謁道輝道輝診之曰此鬼胎也以藥下之得二肉塊剖視外黑而中白如脂

沈汝孝

錢惟邦 盧似立

杭州府志沈汝孝字太國父文奎習岐黃居富陽之坊郭里術不甚售及孝童年知醫所投輒效萬歷中周孝廉羔計偕遇關閔疾衆醫不能愈太國獨以三稜義朮等藥投三十劑而愈羔仲子兆斗以勞鬱致病幾不救杭醫錢惟邦曰周郎病勞懣鬱極而尸蹶也下之則生矣會醫士盧似立過寓切其脈撫羣笑曰正所爲陽脈下逐陰脈上爭胃氣閉而不通故脈亂形蹶以陽入陰支蘭藏者生是也不可驟攻須七日少間三七日而愈太國聞之躍醜以陽液煮以齊和病瘥一如二君言蓋武林醫者錢能攻盧善守而太國則非攻非守適於二君之中者三人遂構鼎足焉年八十卒子孫能世其業

李尙元

江甯府志李尙元字仰春以治傷寒名家焦太史嘗贈以文略云自古論病惟傷寒最爲難療

表裏虛實稍不審輒不可救尙元有三勝焉每用藥言某時當得睡某時當得下時刻皆應一也有一兒病誤服補劑幾殆尙元所用獨異羣咻之不爲動卒以奏功嘗曰倉公言吾以脈法治而愈二也龐安常治傷寒有名傳稱其樂義耐事如慈母而有恆尙元爲人似之三也其爲名公推服如此子言曾孫鍾懋時遇皆世其業有聲

湯文

金壇縣志湯文字涵春生嘉靖中家貧晝耕夜讀手不釋卷行田時倦則臥畦畔苦吟或負擔展書擔頭誦之時以儒業見一不售即從學醫道殫究原本辨陰陽應象六節藏象之秘投劑無不效者常曰士遇則爲良相不遇則爲良醫皆以變理陰陽爲道耳若使診視諸證莫辨二氣互勝之理疾何由愈王肯堂以爲名言盛行於世以不受謝僅有田四十餘畝分其半與弟豐膳奉父不以煩其弟也萬曆初授太醫院吏目子宗元別有傳仲子宗禹字養原亦以醫名切脈對藥有別見能起危證而生之時獲豐資遇人有所急悉爲施予散去萬曆壬子授太醫院吏目舉鄉飲賓年八十四卒

陶華

浙江通志陶華字尙文餘杭人治病有奇效一人患病因食羊肉涉水結於胸中其門人請曰此病下之不能吐之不出當用何法陶曰宜砒石一錢門人未之信也乃以他藥試之不效卒依華言一服而吐遂愈門人問之曰砒性殺人何能治病陶曰羊血大能解砒毒羊肉得砒而

吐而砥得羊肉則不能殺人是以其可愈後來省郡治傷寒一服即愈神效莫測名動一時然非重賂莫能致論者以是少之所著六書曰瑣言曰家秘曰殺車槌法曰截江綱曰一提金曰明理續論仲景以後一人而已

秦昌遇

松江府志秦昌遇字景明上海人天資警敏少善病因遂學醫治嬰兒疾稱神已而徧通方脈不由師授妙悟入微常行村落見婦人漸米使從者挑怒之婦人忿詬昌遇語其家人曰若婦痘且發當不治吾激其盛氣使毒發肝部耳目下春時應見於某處吾且止爲汝活之及暮如其言乞藥而愈青浦林氏子年方壯昌遇視之曰明年必病瘵三歲死明年疾作踰兩春竟死昌遇所尅時日皆不爽其或病至沈篤時張口瞑目昌遇投劑能立起名動四方往來無寧晷然未嘗自多嘗謂法當死者雖盧扁不能爲苟有生理勿自我死之可矣爲人瀟灑自適預知死期年六十餘卒所著大方幼科痘疹折衷行於世

吳中秀

松江府志吳中秀字端所工岐黃之學高仲陽三年不寐諸醫以爲虛中秀按其脈皆洪曰此膈上頑痰也以瓜蒂散吐之而愈李某素無疾偶過中秀家爲診視之遽問君有子乎對曰有子十歲中秀曰幸矣君明年某時患瘍非湯石所療至期果驗其名與秦昌遇景明相伯仲六十年間所全活人不可勝紀少有至性侍母疾衣不解帶躬親浣濯其兄嘗從索十金中秀檢

案中得數十金盡與之其子女六人悉爲之婚嫁有姊年八十中秀亦篤老矣猶謹視起居故世尤稱其孝友生平好聚書有數萬卷構天香閣藏之董文敏陳徵君時過從焉有子懋謙能讀父書中秀所著有醫林統宗傷寒備覽云

周子幹

太平縣志周子幹號慎齋西隅人少時行履輕蹻聞長老言以爲非壽徵乃對斜拗直行步遂端其爲醫務究五行陰陽道理意在扶陽抑陰體驗身心通己之脈理以喻人之脈理全活甚衆攜有艷婦以活夫恩貧無所報願薦枕席正色拒絕嘗經柏葉山神祠傍見巨石斜縮路口負往來苦不便謀捐資鑿石居人謝弗敢乃向神呪云神必福民吾體神意去石若殃當殃我夜神像仆地石裂爲三享年七十有九著醫案數十卷存於家

河東殷槩

儀真縣志殷槩字度卿號方山美姿髯貌老猶若童子家世十全上醫也至槩獨精于診視投劑無不奇中俗呼爲殷成仙云然手目不去書卷所至輒效不受人金帛以救人命爲志萬歷癸未歲大疫閩粵傳染至閩門不火槩部勒甲乙諸戶晝夜奔問所活數千百人皆不受饋遺歛人吳銑病七日不食以飲常醫補劑而死槩亟諭其人曰若舌里不挺頰腫不裂猶可活接如言三逐其熱而愈鄰人臧娶新婦半月而腹大衆以爲胎槩謂新婦因空腹受漆毒命取蟹汁和甘草飲之而愈西川高命婦患內逼衆以爲痢槩以爲月閉郭指揮患厥逆衆以爲陰槩

以爲暑瓜州趙臬司患脹遺血不食不寐衆以爲熱槩以爲勞許進士崇忠吃逆衆以爲痰槩以爲怒文學張徵伯躁衆以爲寒疫以爲熱皆手到即愈萬曆庚寅吉水羅從先假歸一舟徧疫莫治渠館從先痊之羅以爲再造拜槩爲父諸如已劉進士豈胃痛已黃十六寒狂已湯總番夫人胞胎而殞已陝人高文癩所指切難更僕數有軼事三尤奇一人疾病甚就槩診一亡命無恙方醉飽隨病夫欲試槩槩出亡命臥櫬上候之見槩歸意欲急試驟下櫬槩先診病者曰汝無甚疾一服可愈診亡命曰汝病甚速歸夜分當絕亡命大笑及曉晨問之果然村女戲作反身筋斗忽視人足上首下視屋砌上瓦下衆莫解槩曰此勿藥可愈命取碎針數千使女低頭拾竣方許起亡何果愈見昇樁者淋血血色尙新槩曰棺中人未死奈何昇之詢之昇者曰此欲挽身而不得者也槩曰可立活以針刺心側呱呱下一子婦亦徐活或問之槩曰亡命方醉飽臥櫬上以驟下而臟離村女以用力作反身筋斗而肺反蔽心竅使窒其體可立正婦挽身時兒手握母心痛至死子又不下至淋血色鮮針之兒手痛必縮得兒下而母活後視兒掌背果有針痕人神其事呼爲仙

朱儒

嘉興府志朱儒由吳江徙居秀水昆弟四人儒析產讓弟以醫顯入都會大疫所起亡算選授太醫吏目後積資爲院使嘗侍疾禁中一日神宗御文華殿暖閣召儒切脈儒奏聖體病在肝腎宜寬平以養氣安靜以益精神宗首肯之自兩宮太后及后妃公主有疾率令中涓言狀從

儒授方多效，縉紳爭爲倒屣。所得俸入多，以濟困阨。若貧而就醫者，不責其報。且潛置金藥帖，中周其急。每里中人入都，儒懋戀桑梓，又客死者，倡義經紀其喪。年七十七卒，以子國祚貴，贈太子太保、大學士。

程國令

太平縣志：程國令，字允瞻，幼習舉子業，讀書數十行，輒下詩歌，字畫橫絕。一時後改事岐黃，博覽羣方，獨挾其要，故所見殊出人。意表有頭眩喉隔、腰裂者，百療不治，令診之曰：「是疾有三，一劑去其一，三劑當立愈矣。」從之，果然。又患腹痛者，奄奄待斃，衆謝去，令聞之不待召而踵其門，投一方，俄頃痊。人皆以爲神。他如此類者，不可悉計也。謝二峯嘗記其事爲傳。

張玠

鳳陽府志：張玠，字秀甫，診問奇中。監司徐五橋病塊，先投大黃數兩，後用獨參兩條，下痰若敗卵，數升遂愈。陸某心痛，玠投以苦楝，下蟲無數而愈。錢某周某，東崖姻屬，未病玠決其暈厥，數日果暴仆。徐某病革，玠曰：「是脈必生。」時其父尙履健，善飯也。是大可慮。旬日父果死，而徐更生。其奇中多類此。

郭邦信

永寧州志：郭邦信，晉藩府醫官，名震一時。陝宦薛仲明夫人傷寒後昏迷欲絕，諸醫不識，公診之曰：「六脈浮而無力，此發散太過，元氣耗絕也。」以大劑人參湯灌之，遂甦。又貢生崔泰峯夫人

經斷日漸黃瘦諸醫作癆治弗效公診其脈兩尺洪滑不止曰此胎也然血虛不能養榮將來子母俱亡乃先墮其胎後服十全大補湯而愈其治病類如此

陳時榮

松州府志陳時榮字頤春華亭人精于醫理江南張植之客遊患羸疾時榮視之曰肺爲蟲蝕藥之下蟲二十餘形如蜂蛾羽翼皆具復下惡血悉有蟲蠕動百日而瘥有老嫗往視女疾途遇時榮船亟呼求渡因請偕往至則女已絕乃覆其身以布沾井水漬委中穴刺血如泉涌遂甦上海喬時敏患寒疾毒留兩脛痛如錐法當截足時榮作大劑炊熟盛布袋囊中納足于內冷則易之五日起行如常矣時榮好行其德每施藥以活人遇有危疾輒終夕沉思必求愈之乃己年八十四卒第二子自道字太古從子明善字抱元並爲明醫明善三歲而孤時榮所撫立也

周文銓

江甯縣志周文銓字汝衡蘇州人也徙家金陵學儒不成去而學醫視世醫所爲詫曰醫道止此耶復棄去獨取內經本草難經等書徹晝夜讀務窮精奧診病立方多與衆殊及病者輒愈乃大服知此道深永重於用藥有故輒不赴召及赴召或見病疑輒不投藥人不測所操負其才氣達官顯人非與抗禮卒不赴常謂顧東橋先生曰醫者聖人之學也非盛德莫能操其業非明哲莫能通其說是故士有能知草木金石昆蟲之藥辨類審性析經致能弗乖其宜弗亂

其忘是謂知物知物者巧士有能知人之疾病淫於四氣薄於五臟動於七情見外知內按微知巨占始知終執生知死由是以審施湯液醪醴鍼砭按摩之治是謂知證知證者工士有能知臟腑之所表裏經絡之所離會榮衛之所弼勝命脈之所消息選物設方制於未形體微發慮決於衆惑是謂知生知生者聖士有能知天地之情陰陽之本變化之因死生之故立教布法使人專氣含精以握樞機汰穢真葆以固根柢疾疢不作神乃自生是謂知化知化者神夫神聖者上智之能事未易企及工巧之道術學之所造也醫不臻此不足以名業其持論精微如此平生不以授人人亦無能受之者

葛林

杭州府志葛林字茂林錢塘人攻小兒科名聞京師成化年命內臣徐來杭驛致之充太醫院官時武廟方在嬰稚皇太后保護甚周每召供御一夕武廟痼疾作中外惶怖夜分召林一匕而安明日使與宴有白金彩幣之賜汪比部有子年二十五矣忽患痘而汪知醫以爲無恙也林視之怫然迨五日而足七日而靨至十四日而痂落林曰災其在彌月乎至期而其子晏然汪置酒高會若以誚林者林視其子之足底有泡結癩膚內曰吁其百日哉迨是日而暴歿汪以爲神問其故林曰痘者搆形之餘穢也苟有纖芒未盡亦無生理是疾初發自腎而不知暢是以必死既而流着於足底焉以故發之緩也汪歎服少師楊公子當暑而驚眩已絕且移之木矣林趨入曰無傷也亟出之公曰兒已噤矣奈何劑也林曰予無劑也所恃者天上雲耳雲

生而凄凄欲雨陰氣舒而陽鬱消吾以清利物煮水而蒸于其下其可瘳乎如其法而疾愈迨暮而兒戲於庭矣林貌清癯骨瘦而目睛爛然其視疾得其聲色洞若燭照既而切脈以決死生莫一遁也善製方劑其應若響累官太醫院判壽八十八所著有杏塢祕訣一卷

薛鎧 薛己

吳縣志薛鎧字良武府學諸生精醫理療病必本五行生尅不按方施治著述甚多保嬰撮要尤足爲後世法程宏治間徵爲太醫院屢著奇驗以子己贈院使己字新甫號立齋尤殫精醫學正德時選爲御醫擢院判嘉靖間進院使所著有家居醫錄十六種

凌雲

明外史本傳凌雲字漢章歸安人爲諸生棄去北遊泰山古廟前有病人氣息垂絕雲嗟嘆久之道人忽問曰汝欲生之乎曰然道人針其左股立蘇語雲曰此人毒氣內侵非死也毒散自生耳因授以針雲拜受之爲人治疾無不效里人嗽不止絕食五日衆醫以爲虛投補劑愈甚雲曰此寒濕積也穴在頂針之必暈絕逾時始蘇命四人分牽其髮使勿傾倒乃針果暈絕家人皆哭雲言笑自如頃之氣漸舒復加補始出針嘔積痰斗許病即除有男子病後舌吐雲兄亦知醫謂雲曰此病後近女色太蚤也舌者心之苗腎水竭不能制心火病在陰虛雲曰然兄曰其穴在左股太陽是當以陽攻陰雲曰然如其穴針之舌吐如故兄茫然自失雲曰此知瀉而不補也補數劑舌漸復故淮陽王病風三載請於朝召四方名醫治不效雲投以針不三

日行步如故金華富家婦少寡欲火熾失心始見屋柱走抱之久之見帚杖諸物即以兩手爬之甚至裸形野立雲視之曰是謂喪心吾針後須蔽以帳其心正當知恥乃令二人堅持之用涼水噴而針其心次補瀝並施不踰時狂疾頓除屬其家人慰以好言釋其愧恥病遂不發吳江貴家婦臨產不下者三日呼號求死雲針刺其心針出兒應手下主人喜問故曰此抱心生也針出則手舒手舒則胎下取兒掌視之有針痕孝宗聞雲名召至京命太醫官出銅人蔽以衣面試之所刺無不中乃授御醫年七十七卒於家子孫傳其術海內稱針法者曰歸安凌氏

吳傑

明外史本傳吳傑武進人宏治中以善醫徵至京師下禮部試故事高等入御藥房次入太醫院下者遣還時傑在高等而當遣者甚衆傑言於尙書曰國家三四十載纔一徵醫若等幸被徵又待次都下十餘載一旦遣還誠流落可憫傑願辭御藥房與諸人同入院尙書義而許之正德中武宗得疾傑一藥而愈帝喜甚即擢御醫一日帝射獵還憊甚感血疾服傑藥即愈進一官賜彪虎衣常幸虎圈虎騰而驚傑療之立愈再進一官賈金幣頃之試馬腹痛又以傑藥而愈賈繡春刀及銀幣帑每行幸必以傑從積至太醫院使帝欲南巡傑諫曰聖躬未安不宜遠涉帝怒叱左林右掖出及駕還漁於清江浦溺而得疾至臨清急遣使召傑及至疾已深遂扈歸通州時江彬握兵居左右慮帝晏駕已得禍力請幸宣府傑憂之語近侍曰疾亟矣僅可還大內倘至宣府有不諱吾輩甯有死所乎近侍懼百方勸帝始還京甫還而帝崩彬伏誅中

外晏然不然變自不測未幾傑致仕子希周進士戶科給事中希曾舉人

許紳

明外史吳傑傳有許紳者京師人初供事御藥房嘉靖改元授御醫屢遷太醫院使受知於世宗連加通政使禮部侍郎工部尙書並領院事二十年宮婢楊金英等謀逆以帛縊帝氣已絕紳急調峻劑下之辰時下藥未時忽作聲去紫血數升遂能言又數劑而愈帝德紳加太子太保禮部尙書賜贖甚厚未幾紳得疾或問之紳曰吾不起矣曩者宮變吾自分不效必殺身因此驚悸非藥石所能療已而果卒賜謚恭禧官其一子卹典有加

王綸

明外史吳傑傳王綸字汝言慈谿人舉進士遷禮部郎中歷廣東叅政湖廣廣西布政使正德中以副都御史巡撫湖廣精於醫所在爲人治疾無不立效有本草集要明醫雜著行於世

麻東輝

東昌府志麻東輝高唐人嘉靖間以醫遊郡城洞究古方書善脈士大夫爭迎致爲上客堂邑李通政久病衆醫以爲不治東輝診曰病得之心火鬱積勿藥第屏念三十日而愈後如所言臨清副使某病召東輝診脈曰大人無恙將惟其子之憂是時子在里中急遣人歸視危就床褥數日矣竟不起郡有貴介公子壯而負氣以無病故試東輝呼曰而善脈其脈我東輝診而驚曰子病矣奈何不治公子嘻曰甚矣醫之利於以不疾爲功也我日兼數人之食而病乎笑

而揮之後月餘竟以痰卒高唐諸生某試於提學偕儕輩數人詣東輝問脈東輝次第診已徐曰生且食廩無奈剝膚之災以憂目前生喜而懼甫出門會所讎擲瓦擊之中眉額幾死試果第一東輝好飲不治生產所得金帛輒給酒家老而彌甚里人有奇證趨請東輝雖在酩酊中所醫無不立愈者里人以爲神

李中梓

江南通志李中梓字士材華亭人少博習岐黃術凡遇奇證無不立愈所著有士材三書頤生微論醫統若干卷

李瞻

儀真縣志李瞻號小塘以眼科著名有七十二問按七十二候以明內外障之得失嘗一人目腫火炎而性最下愈躁而疾愈熾非藥可下瞻謂曰子目易愈此客火將流毒於股不十日必暴發其人習瞻名遂日以股爲憂至三日以一藥而愈股亦無恙又一人目以氣虛暗如行霧中受蒼朮即眩瞻不藥但曰子以沸水浴兩足亦三日一藥而瘳或問其故瞻曰性暴人患疾每欲急愈火上攻於目移其意以憂下即易療氣虛人榮衛不和湧泉穴位足底熱之則上可達於泥丸必血活而藥始效有節鍼李公妾病目瞻曰二目須膿出方愈李虛損貌瞻曰以虎睛調藥則膿偕液鼻下無傷也李果捕虎取睛治之如所言王荊石兩瞳反背令瞻端坐置書於几用金鍼從腦頰刺之初撥曰見黑影矣次撥曰見行欵矣三撥則筆畫朗然曰君果神授

耶將千金謝贖却不受惟取園中一綠磁瓶蓋王曰賤物何貴贍曰余久得瓶失蓋此其匹也王以爲誕使人驗之果然大抵以學濟其術多若此更著有育神夜光丸方蓮子金鍼鼠尾金鍼說言目內障必藥病者滿百日醫者齋戒亦滿百日正必誠意而後可施非天霽日朗絕無雲翳及時日遊神合吉卒不輕用今其書盛傳

陳景魁

醫學入門陳景魁字叔旦別號斗巖世居句容因父病習醫精鍼灸著五診集治素無病忽吐血半斗脈弦急薄厥證也得於大怒氣逆陰陽奔併服六鬱湯而愈治通體生疣久罔效乃太陰風邪化爲蟲也以百部蛇床子草烏揀樹葉煎湯浴洗越月遍身如白癩風狀而愈始孕婦墮下逾旬腹脹發熱氣喘脈促面赤舌青口臭公曰胎未墮也面赤心盛而血乾也舌青口臭肝氣竭胎已死矣用蛇退煎湯調平胃散加歸尾芒硝一倍服之須臾胎下痛亦復安

汪機

祁門縣志汪機幼嘗爲邑諸生母病嘔遂究心醫學凡岐黃倉扁諸遺旨靡不探其肯綮殊症奇疾發無不中名高難致病者有聆警欬頓喜遂瘳所全活甚衆著有石山醫案醫學原理本草會編素問抄脈訣刊誤外科理例痘治理辨鍼灸對問傷寒選錄運氣易覽等書

李可大

杞縣志李可大字汝化邑人業儒爲諸生因母病遂遍覽醫書久之大悟遂爲醫無不奏效可

大用藥多奇勝會新鄭相公家居聘可大至診其脈曰公心脈如蝶鼓翼越五月當大拜抵期果應於是可大名振兩河矣因勸可大入太醫院授修職郎 時朱錦衣子甫一歲晝夜啼不止請可大醫之戒勿見兒恐成客忤可大曰但隔壁聞聲足矣朱許之可大曰啼而不哭爲痛用桔梗湯調乳香灌之即愈有族母七十餘中酒昏迷無氣諸兒以爲已死將入殮可大至見目未陷心尙溫曰此母不死吾能起之諸兒涕泣求可大取井底泥塗母心上用黃連葛根湯灌之已而果甦於是邑中相傳可大能起死回生李進士病虛損痢疾腹痛異常用人參五靈脂治之衆醫皆訝曰二物相畏奈何同用可大曰不聞相畏而後能相使乎藥下果愈 鄆陵陳令病傷寒昏沉將屬纊可大診脈曰此可救也用竹茹犀角灌之而愈 寧靜尉亦病傷寒身皆冷口出清水可大診之曰陰毒已極用附子一味醫之亦愈邑諸生董養性發熱口乾久而咳嗽吐血醫皆謂虛證可大診之曰汝脈結結爲鬱證非虛也用蘇子香附益智等藥數服而愈董大奇之因乞爲弟子以學醫焉一梓人母年四十餘手大指忽腫因假仆不知人事可大診之曰此必月信至而適爲冷水所傷也問之信然用當歸甘萎湯而愈 一婦人產後大喘醫戒用參可大診之曰此孤陽絕陰也正宜用參遂加蘇木爲湯飲之喘立止

李時珍

明外史本傳李時珍字東璧蘄州人讀書不治經生業獨好醫書醫家本草自神農所傳止三百六十五種梁陶弘景所增數如亦之唐蘇恭增一百一十四種宋劉翰又增一百二十種至

掌禹錫唐慎微輩先後增補合一千五百五十八種時稱大備然品數既煩名稱多雜或一物而析爲二三或二物而混爲一品時珍病之乃窮搜博采芟煩補闕歷時三十年閱書八百餘家藥三易而成爲本草綱目一書增藥三百七十四種釐爲一十六部合成五十二卷首標正名爲綱正始也次以集解辨疑正誤詳其出產形色也又次以氣味主治附方著其體用也書成將上之朝而時珍遽卒未幾神宗詔修國史購四方文籍其子建元以父遺表及是書來獻天子嘉之命刊行天下自是士大夫家有其書本草之學始稱集大成時珍官楚王府奉祠正子建中四川蓬溪縣知縣

朱包蒙

地

萊蕪縣志朱包蒙庠生以兄中承功授肥城所鎮撫邊守備兒時嬉戲取泥丸爲藥以飼禽獸稍長讀內經素問一過不忘視病立決生死臬司畢某無疾公診其脈曰患怔忡五日後兩臂當不能曲仲果然劉某久痢便口生毛如豕鬣觸之痛徹骨髓赤痢多服澀滯之藥瘀血所成也投以行血敗毒之劑愈馮某迂腐善疑患瘋痛自謂廣毒積憂成疾公曰然投藥發泡十餘其疾頓痊或詢之曰是本非瘡旣疑是瘡不令實見瘡形疑不釋也周某舉子遇歲病淋閉公令去襪裸立風中以雪沃其足立下諸如此類不可更僕年八十餘時跳擲爲戲忽語家人曰余將逝矣豈若他人必待病死耶皆不信詰朝飲啖如初入夕卒

大霍愷

禹城縣志霍愷心田兒時能讀書過目輒記既攻舉子業補邑庠弟子員嘗有病恨時無明醫遂取黃帝扁鵲之脈書治之未久已能通其說時出新意初自治療每藥輒愈久之親識輩求治者莫能止乃又益讀靈樞太素甲乙諸秘書凡經傳百家之涉其道者靡不通貫嘗曰世之論醫者俱稱東垣羅謙甫朱丹溪三人三人固皆聖于醫若丹溪者尤集醫之大成者也予之論病投劑俱取以爲準故能往往收厥效臨邑有管方伯諱懷理任湖廣時監大辟刑因悸而病既愈目張不得瞑愷煮郁李仁酒飲之使醉即愈人問其故愷曰目絲內連肝膽恐則氣結膽衝不下郁李仁能去結隨酒入膽結下膽下則目能瞑矣又有季邑陳姓人病霍亂他醫以熱劑加喘愷曰是本中熱脾且傷奈何復燥之將不得前後洩與之地漿飲石膏湯陳不信謝去病益劇竟如其說而獲安各鄰邑俱聞其名凡有奇證怪病他醫所不能治者胥來求療無不取效去後傳其業于壻楊汝卿今楊却硯其所自出云

× 是巨淵

江陰縣志是巨淵家黃橋得異人方號神醫一男子吻舌流血不止巨淵望見急趨數里向東壁拾螺殼一枚指患處投之即愈蘇州富家子病大熱羣醫不效巨淵鑿地爲坎令病者臥其上泥水沃之須臾愈或問故曰多寵妾中麝香毒也他治效類是朝命徵取意不樂采藥草塗身成癩使臣以惡疾聞遣回仍以藥傳身而愈

安陸府志黃升字啓東京山名醫也善察脈有分巡戚某晨興忽疾作不語呼升視之升曰脈與證不應乃詢其左右云夜食烹雞升曰此必食後就寢有蜈蚣過其口鼻中毒耳投之以劑立甦戚猶未信乃更烹雞置寢處果有蜈蚣三枚自榻頂下又有王氏二子母病請升治之升診其脈微恙耳尋愈已而二子並以脈示升升驚曰二君脈俱不佳明年相繼歿又廩生張才仕病升診之曰無恙但試事當防耳明年督學使者至果停其廩其他奇中皆類此

黃庭森

黃國熙

蘇州府志黃庭森森字芝石精於痘科有回生之術時稱神醫子國熙紹其業療病多奇驗俞氏子六歲痘甚稀國熙曰法在不治他醫治之愈主家張樂設席并邀國熙以致誚國熙至請兒視之曰演劇時宜避鑼聲言訖辭去主家置若罔聞有頃兒聞鑼聲發驚暴死張氏子痘繁密乳媪抱兒出視國熙視媪謂其主曰令子無恙乳媪當死數日後兒愈媪果死人皆驚嘆

羅鍊

湖廣通志羅鍊江夏人故儒家深於醫學診脈斷人生死不爽御史李某吐黑痰診之曰是殆有所思不遂耳李起拜曰神醫也吾少貧納婚某氏爲婦翁所嫌離去婦爲我死吾不忍婚耳服藥立愈楚王妃周氏微恙診之曰是殆不起即在今午時妃猶飲食言笑王不信未幾中風逝一傭人自言某無病第覺首在下足在上羅俯首良久見地下鐵杵重六十斤曰汝試捧而上捧而下如是者三日愈乎曰愈矣首在上足在下矣問故曰汝以用力傷經絡心逆轉特爲

反正之耳諸如此類甚多著醫書授其子一日其子乘醉爲人視疾鍊怒曰奈何以性命爲戲焚其書無傳者

宋子京

湖廣通志宋子京黃岡人學舉子業不售去而習醫久之悟素問靈樞六府內外穴穴相應又心智洞朗一望而知人病之所以有巡道無他病但不能食郡守以子京進子京曰且無往當先觀之巡道出子京從輿上一觀乃敝衣冠垢汗而進巡道不悅出而語人曰病瘳矣次日呼子京入則美其衣冠巡道曰昨日不如此大致余怒子京曰昨日垢敝乃醫公者也公生平常得喜病一怒而喜消病愈便能食矣遊會城中見昇棺者漏血一滴子京曰此可生也問之則婦以難娩死呼夫至開棺一針其穴娩一男母子俱全前郡守在黃子京視脈曰十年後當領西城節鉞然當墜下頰至十年後撫蜀果病且兩月急走人邀子京治子京至人署交拜以手掖撫軍而下頰已上矣

湯玉

湯玠

武進縣志湯玉湯玠皆世業婦人醫有奇效時有他醫視爲虛羸之病不敢輕用藥者往往投以大黃而愈歲用至數百斤無錫有施教者出劑必用人參亦歲至數百斤識者比之李廣程不識之用兵玠嘗行野見林間有縊者釋之知其貿易失金也以藥資贈之空囊而返子文佐兄子文英亦以醫著

趙巒

古今醫統趙巒晉陽人善醫術精診候一人得脅病有聲如蛙以手按之即止否則連聲不絕諸醫不能辨巒診之曰右關脈伏結此係驚氣入臟腑而成此疾患者告以因野行忽有蝦蟆躍出大叫不已一時被驚便覺脅痛作聲如此巒與六神丹瀉之立愈

程明佑

醫學入門程明佑善醫嘗曰人皆知補之爲補而不知瀉之爲補補之爲瀉陰陽迭用剛柔互體故補血以益榮非順氣則血凝補氣以助衛非活血則氣滯蓋脾爲中州水火交濟而後能生萬物真妙論也

石藏用

醫學入門石藏用治一太人因承簷溜水洗手覺爲物觸入指爪中初若絲髮至數日稍長如線伸縮不能如常公診之曰此爲龍藏也方書所不載當以意去之乃用蠅螂塗指庶不深入曾膈也他日免震厄之患後因迅雷見火光遍身士人怕懼以針穴其指果見一物自針內躍出而愈

僧坦然

太平縣志僧坦然善鍼砭細如毛長不過寸許一投輒效長林高令內患癰貼岸兩葇僧一再投不效怪之靜想良久躍曰是也此人皮肉肥厚短針不足用也乃更置金針長可五寸一

針而愈邑人胡振聲中瘋僵臥兩日家人皇遽治後事僧過其門延視之針其手手動再針瀉痰斗餘即崛然起坐次日午刻能往五里外赴席奇驗甚多不具載住箬嶺橫培開路施粥煮茶接衆

劉輝

開封府志劉輝字文華祥符人幼喜醫受學於同郡李寬久之盡其術乃歎曰神聖工巧非可以言辭求天運物理必待夫體察著於是益博極素難諸書無寒暑晨夜之限遂以醫鳴於汴中而時王公貴人下逮閭巷士庶愈其疾而著奇驗者歲不可勝紀其貧者報之輒謝曰非吾願也輝又善交友始終不渝宗戚尤治恩義年七十有司推爲鄉社師

殷傳

醫入學門殷傳治一傷寒誤服熱藥將死舌黑不硬兩頰腫而咽尙通公曰舌不硬咽尙通太陰少陰經未尙絕乃與大劑一飲汗出二飲熱退三飲病已治淋瀝口噤厥逆他醫以爲風公診尺脉沉大知病屬下焦投以八正散而愈

丁毅

江甯府志丁毅字德剛江浦人路逢殯者棺下流血毅熟視之曰此生人血也止昇者欲啟之喪家不之信毅隨至墓所強使啟棺乃孕婦也診之以針刺其胸俄而產一兒婦亦旋甦蓋兒執母心氣悶身僵耳鍼貫兒掌兒驚痛開拳始娩通邑稱神著有醫方集宜玉函集蘭閣祕方

人爭傳之崇祀鄉賢

周從魯

高郵州志周從魯字思賢邵縣知縣儉之子郵之良醫也診脉能知人壽夭其治病以他巧法多不藥而愈四方就醫痊活者甚衆人皆以爲神疎財不計利蕭如也郵地卑下居人多濕病意按圖經教人治五加皮酒其法用秬米粉和五加皮末於伏日爲糲至冬日釀酒飲者病輒愈

嚴觀

嚴泰

浙江通志嚴觀仁和不拘古方頗有膽略用薑汁製附子或難之曰附子性熱當以童便製奈何復益以薑嚴曰附子性大熱而有毒用之取其性悍而行藥甚速若製以童便則緩矣緩則非其治也今佐以生薑之辛而去其毒不尤見其妙乎是以用獲奇效人稱之曰嚴附子其用藥有法有方行於世弟泰繼兄而出精於方脈治傷寒如決川爲時所推

袁班

高郵州志袁班字體庵自二十歲閉戶十年岐黃家書無所不讀按脈極捷如神稱爲江北名醫州人王日藩寒疾死已小殮班過視之以一劑灌入口中曰右手動則死左手動則生而果動左手遂活銓部孫虞僑夫人王氏得疾遍身俱紫人事已絕時孫欲携弟就試明迫不能待延班視之曰但去無妨此證五日後必活但三年後必成虛證乃不可治耳已而果然其神妙

如此

無名道人

曠縣志道人無名氏不知何來戴華陽巾披鶴氅衣自言精方藥凡針藥所不到者能剗割湔洗若華陀然人不信過長樂鄉有錢遵道者病噎不治自念剗割不驗死不剗割亦死均死請以醫試道人用麻沸散抹其胷剖之開七八寸許取痰涎數碗遵道暈死無所知頃之甦以膏摩割處四五日瘡噎亦愈道人不受謝去人言遵道素謹實其父有芝饒隱行乃所遇不常有以哉

謝表

上虞縣志謝表少習舉業既而業醫於脈理有獨解且能望而決人生死邑人劉姓者患痘不起勢垂絕父母置棺將殮之謝往視驚詫曰此火證也急以水澆其面作呬唔聲仍取水灌之痘即分串纒纒起矣有婦難產諸藥靡效謝以升麻人參前胡各五錢投之即下衆問其故謝曰此胎走岐路而氣下陷也故用升麻以提之而參則佐其氣前胡則活其痰耳嘗家居見媳從前過謂其子曰汝婦神理已絕明年此時當不復有矣竟如其言久客廣德廣德人咸稱謝一貼又曰謝半仙得所酬即貸人一日置酒集諸交遊曰吾化期已逼與諸君話別衆以爲癡謝曰吾欲決人生死而不能自決耶取諸所貸券火之抵家其叔偶值問之曰奈何以此時還對如前叔曰試爲我一診謝曰同行自見不數武謂叔曰當先姪十日叔訝未之信後刻期無

爽人以爲秦越人復出焉

范應春

上虞縣志范應春少負奇氣嘗自計曰匹夫而欲濟人利物無他術惟醫藥乎乃遍讀岐黃家言遂以醫鳴世尤神於脈理一日途遇姻親薛文龍驚愕曰公病劇奈何薛曰固無恙也應春就其家診之陽爲好語密囑其子曰而翁臟腑已絕特浮陽在外不見劇耳夜半當疾作及哺而逝矣可亟治後事已而時刻不爽有按院行部至虞稱病不言所以遍召諸醫莫曉乃召應春診之曰無他病祇患夜遺耳安神保元自己院轅然曰胡神哉又問曰富貴中人豢養安逸然多疾病時服藥餌寡人日勞筋骨奔走衣食而鮮病何也應春曰戶樞不蠹流水不腐院大奇之曰此非方術中人命其子蓋臣例入太學應春診脈醫治類有神驗即二事依稀扁鵲之視桓侯焉然隨所治酌方與之不計其酬因取仙家董奉種杏故事自號杏莊有杏莊集十卷藏於家

孫櫓

浙江通志孫櫓號南屏東陽人性穎異精岐黃五都有單姓妻產死三日心尙溫櫓適過之一劑而甦竟產一男又有人頭生瘤痒甚櫓曰此五瘤之外名爲虱瘤決破之果取虱碗許遂全其效多類此著有醫學大成活命秘訣脈經探要等書

張愷

鄱陽縣志張愷良醫季民孫善療奇疾有女子呵欠兩臂直上不能下諸醫莫治愷令其母解女子裙襦坐寢室乃揚言醫入女忽執手下掩體舉動遂如故又小兒坐高處懸跌於地瞳人倒視見房舍皆翻覆愷令有力者將小兒顛倒數次其視則順凡疾非藥石可療者愷不執方脈以意治之無不立愈

程世光

鄱陽縣志程世光淮藩良醫專小兒科憲王誕長子初出胎不知吮乳日以難產傷氣持人參煎湯灌半七即吮又舟工生子胞而無皮取土數升糝其體即成肌有胎婦兒腹啼皆不能治乃傾豆子於地令婦低首拾之兒啼遂止其醫多以意出之弗拘方書神效有如此

楊賈亭

鄱陽縣志楊賈亭博覽羣書精脈理每心計造方有患饑者諸醫以火證治亭久思之未得頃見堂上木凳自仆乃爲濕氣所蒸致朽忽悟水能消物不獨屬火此濕消爾投熱劑而愈又有顯者目障性燥日憂切益不瘳亭給曰目可計日即痊第懼毒發於股又日撫其股憂之後日忽瘳而股亦無恙蓋誘其心火下降爾名遂大震

姚德徵

姚懼

寶應縣志姚德徵字允符工醫術子懼業儒初不名懼嘗夢提學使者案發第四姚懼也因名懼是年果充附學生名在第四後邑罹水患家貧以醫術遊京師御史謝兆昌者患寒證汗後

發斑諸醫投犀角黃連久之絕食飲士大夫皆必兆昌不起懼進理中湯數劑而愈以此名重京師諸貴人爭延致之德徵妻顏氏賢淑徵與邑人丁翁善丁無子家貧不能置妾顏出白金二十兩勸德徵代置妾丁之妻感泣因不妒後生子四邑人傳爲美譚云

盛躍龍

高郵州志盛躍龍號濟寰覺仙十九世孫習祖傳醫業濟人疏財盱眙馬壩有婦懷孕出痘九朝死往視之曰此人非死乃毒盛發暈即用數劑婦遂生過六合塚傍有李老名從先哭曰此是我子昨晚已死求視之可復活否用數劑而愈

葛方覃

高郵州志葛方覃字寅谷學醫嘗書一誠字於座右曰凡人立身制行在於誠況醫爲死生大事哉里中歲數稜人多疫方覃盡心醫療遇貧不能具藥餌者輒解囊中金與之多所存活里人德之如皐一孀婦病邪瘧數年不愈方覃至婦聞鬼語曰此正人也吾當避之服藥尋愈郵人朱某病傷寒篤甚方覃與藥治之衆醫不可家人棄藥神龕下朱病且死藥忽移動衆異之乃以藥療之朱因復生其神異類如此方覃醫不拘古法往往以意爲變通診視時問病者所疾苦輒以手向己身揣度其處如與同患年七十四卒於家後數降乩廣陵人傳其仙去云

張達泉

安慶府志張達泉懷甯人幼落魄不羈遇異人授以脈訣遂殫精於醫其治病視十劑爲變通

不構成方顏銓部渾爲兒時中疴已死達泉視之曰未死也急掘地作坑置兒其中取新水數桶用紙蘸之重貼身上少頃有細煙起兒手中微動達泉喜曰生矣復以水沃之氣蓬蓬上蒸大啼數聲乃取起再進以藥不數日愈吳幼安婦孕偶觸欲墜達泉診其脈食以烹鯉而安且曰當生缺唇兒不能育後皆驗生平嗜酒病者爲邀其所厚治具相待即欣焉往投以金則拂衣去每謂人曰吾年有六十四因嗜酒減四算果以六十歲終

成醫官

青州府志成醫官失名莒州人善醫青州知府倪某疾診之曰思大過府曰何思曰雖朋友亦思也府曰是也有一窓友甚思之不意成疾命往淮安市藥見城門大書某家病劇能愈者厚贈至其家見羣醫環視診之曰諸公識此病乎此中滿證白糖和水灌之立愈嘗與一友携手行診之驚曰子幸遇我速市百梨盡啖之貯其核煮水飲之其人背出一灘腫曰此肉癰也不可活得百梨表之易治其術神奇類如此

盛曠

吳江縣志盛曠字用敬僕之子穎悟絕人盡傳家學來求必應未嘗索賄其治病疾甚有奇驗西門金棠妻小產病數月日厥去者數四見鬼自頂而出自口而入曠曰脉滯而弦血少有痰鬼自頂門出此元神出也出而不進者死出而復入者可活也藥之去痰碗許尋愈有陳傑者妻有胎而患痢數月昏厥六日矣所下者若屋漏水棺斂已具曠診之曰無慮藥之痢止而胎

動越數日生子有婦病卒厥昏昏若醉夢手足筋攣曠診之六脈俱脫忽有麻衣者在側問其人則病者之壻也問其服妻之服也問其妻之死僅半日死以產後證曠忽悟曰此病必憂鬱所致以木香流氣飲投之一服而瘥文學姚汝明內傷新愈又病食傷他醫皆用下藥病益甚小便閉中滿腹堅如石曠診之曰此不可用分理藥也宜以參耆運其氣升麻提其氣氣升則水自下矣加以益腎之劑數服霍然道士顧本初病失音他醫皆以厥陰傷寒治之曠至曰內傷外感無可爲者某日當汗某日死既而果然人問其故曰肺屬金主聲肺敗則失音且面黧黑腎氣竭矣某日屬火火乘金位真陽既奪不死何待又嘗過一僧無病也時方春初診其脈曰至秋八月不起矣僧愕然至期果病膈氣而死其他治效甚多不可殫述曠孝友仗義好施嘗有遭喪不能舉者竭所有周其急毘陵畫士馬某以貧來謁館之數年馬願以女充側室曠惻然變色拒之年五十五卒

張汝霖

平陽府志張汝霖號濟川猗氏杜村人初業儒後謝帖括專心岐黃之術爲名醫僧冥淵嘗患暑汲井水沃頤濟川見之曰一月之後將患頭痛不可忍當亟服藥僧不聽月餘果頭痛坐臥無措乃求方於濟川濟川曰今始求藥遲矣頭痛及年當自止但慮汝牙早落矣逾年齒墮而頭痛愈又邑紳陳起登爲諸生時患疾經年延濟川診視曰若得變症傷寒則大愈無幾陳果變症患熱疾增劇家人惶遽求濟川濟川備問寢息唾嗽狀曰可勿藥有喜也家人以不下藥

松泉

爲疑濟川乃出一方示之曰但令發汗疾即愈矣家人持歸人爭謂自濟川所得奇方閱視之止數味無異尋常疑信者半及服之汗出遂痊濟川尤精太素脈每決人死生壽夭無不中然不肯輕言有求療治者必盡心調理之卒不計利人以此益重之年九十三嘗隔歲預知死期謂其子孫曰吾於某年月必死凡吾書未就者當速爲補輯之於是口誦若干卷令其子曰錄之至藏書盈箱凡有殘缺者悉語其子曰某卷某葉失幾字訛幾字校訂殆無遺漏其學之邃博如此親友聞而駭之爭來觀濟川曰某年某月吾必死親友愛我者當期前一日共至劇飲以盡平生歡及期親友果聚濟川黃髮童顏杖杖徐步無恙也相與笑語竟夕至次日令其子視棺衾設喪次因正衣冠瞑目而逝卒年九十有四人爭異之相傳爲仙去

劉松泉

儀真縣志劉松泉世醫也道經坐草婦未娩而死診曰此可活一藥立甦并全其子邑人求視疾無貧富悉奔其急每夜歸釋所受藥資不篝燈人詰其故答曰恐有豐嗇好惡不如不分別爲愈也夜見偷兒洞壁入即以畫所得金與之誡之曰度此足汝生計此何事今勿爲也後有及時鮮品每日必獲自藥臺莫知其自如是者數年一日欲新含桃以薦忽見一人置一籠疾趨而出挽訊其故即當年暮夜受金者也劉復誡之饋始絕有弟啗魚羹而咽與人言則通下勺水便塞松泉診之命取象牙銹屑以沸酒和飲之立下飲食弟亦知醫請故答曰此非骨鯁乃魚鱗橫氣門也鱗性輕語出則肺氣外冲而開外物入則掩而閉象故龍種性能化諸骨以

熱酒下之未有不融者晚年失偶其子買婢以進乃願謂其子曰吾今老矣奈何誤人少女製裝嫁之其德厚如此壽至七十餘一日語其子曰三日後子當逝上帝命我承乏泰輿城隍越三日遂終

王敏

蘇州府志王敏字時勉少孤貧從韓有盛學醫名日起一婦人病血蠱衆治之不愈敏曰娠耳當得男投之安胎劑果得男海道總帥燕客飾伶人爲女子佐酒無疾也敏視其頰頰面青羸而氣微促語帥曰火尅金之兆也火令司天其殆矣明年六月嘔血死千戶申志年近二十忽瞑眩譫語體熱而咳衆以傷寒治敏曰痘也與升均湯而瘡出一人疽發背不起瘍醫言起則治矣敏曰是擊指脈即起亦不治衆切以艾疽起如栗衆曰無傷矣三日死敏與張頤同時敏年差少頤替敏贖而皆有名吳下

張冲虛

蘇州府志張冲虛善醫多奇效有道人就竈吹火一蜈蚣伏火筒誤吸入腹痛不可忍冲虛視之命碎雞子數枚傾白盃中令啜之良久痛少定索生油與燕須臾大吐則雞子與蜈蚣纏束而下蓋二物氣類相制入腹則合爲一人服其得醫意云

蔣曉

鎮江府志蔣曉字東明丹陽人世業醫偶見黃冠賣卜於市者自稱味元子從之游得其保幼

中國醫門小史
一編以治疾皆奇驗有王生者子方週忽不乳食肌肉盡削醫以爲疴曉曰此相思證也衆皆嗤笑之曉令取平時玩弄之物悉陳於前有小木魚兒一見喜笑疾遂已諸攻病皆此類係乘龍世其術

汪繼昌

婺源縣志汪繼昌字伯期大畷人先世多業岐黃昌始奮學能文試不遇尋復專醫術掛瓢黃山白嶽精陰陽司天之說調五行生剋黜奇霸不用活人無算時稱國手尤於治痘有異傳常語人曰痘科無死症其不治者醫之咎也所著有痘科秘訣行世性謙讓喜施予濟人緩急無德色有長厚風二子法叅求參世其學不替

史寶

嘉定縣志史寶字國信蕭山人通陰陽虛實之變聞有禁方必重購之近世惟推東垣李氏丹溪諸人不論也一人冬月鼻衄不已寶教之服胡椒湯其人以爲戲也固問其說時方收豆置數粒斗中而急蕩之宛轉上下如意稍緩遂躍出乃謂曰此則君之病矣人之榮衛調和則氣血流通君腦中受寒故血行澀澀則不得歸經故溢出耳非熱疾也竟服胡椒而愈所著傷寒要約傷寒要格皆昔人所不及也

傅璪

嘉定縣志傅璪字汝文世業製璪幼時祖父授以方書多不省視然視病決生死無不驗者鄉

人黃氏家疫延燥且至聞有鬼相與語曰傳某來奈何一曰我覆其藥耳已而藥輒覆黃即語
瑛瑛親持與飲遂起太學沈生之室死而未收瑛視以爲尸厥耳不死也急治湯液灌之應手
而甦陸詹事夫人病蠱甚篤投以七劑得前後洩即愈常與里中鄉進士沈積同舟臥夜診其
足脈謂積父曰郎君殆有疾徵不宜令與計偕父不爲意卒中道死其神異若有所授者然其
處方製劑不以語人人莫測所自也嘗授醫學訓科稱爲頤善先生

唐杲

嘉定縣志唐杲字德明未冠已名聞四方陳進士父病熱而狂踰垣越屋壯夫不能遏杲令貯
水浴器中令有力者捉而投之方沒臘不復跳躍因遍沃其身遂倦歸臥汗出而解太倉武
指揮妻起立如常臥則氣絕欲死杲言是爲懸飲飲在喉間坐則墜故無害臥則壅塞諸竅不
得出入故欲死也投以十棗湯而平從孫欽訓授其業

史仕

祥符縣志史仕字君顯周府良醫正九世祖全業幼科居洛中永樂初任周府良醫因徙汴自
全至仕凡十代皆以醫顯名仕精於素問難經諸書治病能察虛實依病製方無弗取驗德清
蔡中丞撫河南時子方二歲病痺發熱諸醫皆用芩連熱愈甚或薦仕往仕診脈法應補蔡初
難之任力主其方陰用附子佐參芪一服即安寢思食熱減大半又數服而愈蔡神其術携至
京捐貲爲授國府良醫止其他療病全活者不具能悉壽至八十七乃終

邱珏

邵武府志邱珏字廷美原習儒業穎悟絕倫而未用於世旋業醫精派理以濟人利物爲分內事郡守吳南岳遣疾羣醫罔效召珏診曰是易療耳乃進藥公服畢私語其僕曰漏下二鼓公渴宜備湯三鼓公飢宜備粥吳如期索之俱如意也曰爾何慧若是僕曰邱醫所諭耳吳駭然以爲秦越人隔垣之見癰瘰不啻也進與語談吐皆儒生乃悅曰非儒也醫何能良遂顏其廬曰儒醫云郡有人中頭風口已噤將就木矣珏適至視之曰是可治治之以鍼不踰刻吐痰數升而愈凡若此類更僕未易數也姓名希彭字商臣傳其術醫多奇中人稱其青出於藍云

奚鳳鳴

松江府志奚鳳鳴上海人少業瘍醫尤善治癰疽能察人氣色預卜病日川沙帥蔣其仁先嘗患背疽至是復發使鳳鳴視之曰此昔年蘊毒故釀理墨臘也治之月餘而瘰癧加澤焉一日其仁弟在坐鳳鳴謂曰君不出三月疽發背矣及期果然鳳鳴常言癰疽中潰積腐四周非吮之不得盡故治病必募人以苦酒噴口而吮之其貧者鳳鳴即親爲吮癰其治他瘍亦多精思有張姓者左足拇指癢三年不能行鳳鳴以刀破其患處抉出一蜂遽起徐步其神異類此

王思中

吳江縣志王思中字建甫少攻醫精於切脉洞見病源恆出新意製方投之輒效海鹽彭氏巨室也其媳方婚而病煩懣欲絕諸醫莫知所爲思中診視令盡去帷幔窺櫺并房中什器密求

蟹臍炙肥研入藥中服之頓痊詢其故曰此乃中漆氣毒耳邑周氏患發熱咳嗽以陰虛內傷治之愈劇經月不得眠思中診之曰此謂懸飲乃鬱氣所致氣不升降則湯液停積漸成飲囊法當開鬱行氣以消之每劑用荷葉蒂七枚一服而疔睡數日平復鹽院某行部至常州病膈證不起諸太醫藥集皆技窮思中至曰此是關而非膈可治也乃以半夏麴二兩爲君製劑與服不半月動履如常又有人患瘡疹陰囊腫脹如升不能跬步思中曰此瘡蟲也就外利劑中加麥稈四十九莖遂消其奇驗皆此類一時推爲和緩三吳冠蓋叩其門者無虛日諸名公多作醫效記贈之萬曆中授南京太醫院吏目天啓中卒年七十三

程公禮

程邦賢

蔣氏

程相

方氏

幼幼全書程公禮字耆祥休寧豐泰其人幼有至性事父雲端母吳孝謹晨昏不離長娶吳氏相敬如賓恆念貧無以濟人乃夙夜研究方書遂博通素難百家言所經診治諸驗詳醫學傳著有醫家正統行仁輯要保赤方略藏於家子邦賢字君敬少業儒克稟庭訓不苟訾笑與人言必慷慨語曰爲臣必忠爲子必孝甲申_巳酉間遭父公禮喪哀毀踰禮幾於滅性會聞京息投繯赴溺者再妻蔣氏救免日夜哭泣不絕聲七日勺飲不入口項下頓發大癩自是甘廢棄變服爲道士專心內典課三子業父所遺方書皆於幼科獨神有溪南吳翁子七歲病危時季冬邦賢診之亟命掘坑埋兒僅露頭面以涼水週身澆灌其家素知其奇從之兒頓甦其他神效多類此撰有醫集大成未諱而卒人因其項有大癩皆稱爲程大癩先生蔣欽邑寧墩女也

深得壺中秘妙一日邦賢他出有村嫗抱初生七日兒至糞門無孔腹脹垂絕將詢其出胎能飲知非臟腑有隔特穀道未分耳暗袖刃酌分毫刺之胎矢隨出以用綿撚蘸蜜令時通潤以防復閉兒得無恙次子相字子位天性孝友事父母先意承志待昆弟推產讓財醫術之精診驗不可勝舉其詳具載家乘爲人倜儻好義稍有贏餘即儲倉穀以備族里緩急他如修橋路施棺等放生埋死一切濟人利物事每傾囊不惜有族僕葉及胡姓僕僉奠金跳梁相以公憤前後力陳於憲守朱兩奴卒服其辜慨鄉俗不古設立條教勤勤懇懇一時鄉子弟咸知禮義年五十九卒里人赴弔者多行哭失聲相妻方氏明識人也亦精幼科相既讓財產於昆弟子居城南方乃內操井臼外診嬰兒求治者日盈坐計所全活歲不下千人遂致道路嘖嘖有女先生勝男先生之稱門以內事無大小皆方獨任以故相四十餘年毫無內顧得畢展其生平見義必爲之素志性尤貞淑視妻子與姪一如己子衣服飲食無纖芥私每朔望戒諸子曰汝嘗父憾命蹇寡兄弟而分處奉汝等多人若少懷貳非父志也子十人孫二十餘咸奉命唯謹今有克家者

唐守元

平湖縣志唐守元號吾春瑤溪人贅於陸因傳其業一夫人偶食羊膾呼未及吞而應逾月病發淹及兩年守元曰此必胸有宿物家人曰兩年不食矣曰試以我藥投之既而大吐痰塊中裹羊肉一瓣遂愈又祝氏兒患疳遍身血迸無罅守元搗藥塗其身搽藥鋪衲褥上捲起倒豎

牀前合家駭啼叱曰若輩勿啼此名蛇殼痘氣必用逆乃得脫已而皮膚解裂如蛇脫然遂愈
新帶顧氏男痘後目瞽守元曰惜我見之晚當先開一目三年俱復明果驗醫鑑醫林繩墨後
金鏡錄皆其手輯

姚應鳳

錢塘縣志姚應鳳字繼元錢塘籍少孤隨姑適姚遂氏姚以瘍醫知名能隔垣見肺腑其法不
盡本方書類有異授割皮刮骨一見洞然知表裡疲瘵委頓呼號欲絕旁觀股慄者應鳳入視
病即已人皆以爲神按杭州府志姚應鳳仁和人年十三入山採藥遇老嫗指青精子謂之
曰此可食也服之精神倍焉未幾詣齊雲山有老人臥大雪中氣隆隆如蒸釜狀應鳳再拜求
教老人曰若有緣當授爾丹藥之祕應鳳由是術大進以瘍醫顯崇禎時撫軍喻思恂駐溫州
拒海賊劉香毒發背間劇甚召應鳳至剖腐肉二大器傳以丹藥越二日平開轅門坐受香
降撫軍深德之嚴州施盛宇頭痛不可忍應鳳乃割額探首骨出瘀血數升頓除鄭孝廉尙友
痛流注應鳳視之曰氣從下洩乃取藥作糜周身封以敗楮隙肩井穴治之遂愈某叟患脹滿
諸醫多云膈證應鳳曰此肺癰耳取一大盂水向病者頂上傾之病者陡驚急舉刀直刺心瀉
膿出數碗而愈人問之應鳳曰人心下垂水潑而驚驚則心系提我刀可入也沈氏嗽不休應
鳳曰涌頂至第二葉然尙可生先投洗肺湯已令食豬肺數十片遂愈嘗有人患發背視之曰
可無恙矣旁有人左脣有紅痣其人無他病苦謂之曰此齒蓋也三年必死其人怒不應三年

齒潰詣求救謝曰君天譴也不能過期矣有人身患痛左臂似有係之者應鳳曰君食肉中鼠毒左臂生鼠懸刀擬之有鼠墜地而逸又一人項生瘡求應鳳治應鳳曰是天斫頭也三年頭當自落而斃竟如其言一人年六十許遍體發小疥如栗應鳳曰是名淨海瘡甲子將周海上神仙考核實生此瘡不治則生治則死其人未之信也治瘡癒而死應鳳療毒奇中多類此一日忽端坐召子孫環列謂曰我後當再來言畢跣而逝鼻柱下墜二尺餘時年七十有七官太醫院院判崇祀鄉賢

任二琦

浙江通志任二琦字瑞庵宋韓忠獻公之裔也扈高宗蹕來杭州先世受兒醫於任氏遂爲任姓至二琦業益精兒科世號啞科而二琦臆度之巧發中微觀其啼呼即知其痛苦之何在投劑輒效名遂大振或憐求藥者貧則却其金錢予兒藥常有富家請二琦視病一人傍徨立其側二琦察之問所欲曰其家在鄰近兒患痘欲邀公一視以不能具酬故不敢啟齒耳二琦即往視兒痘甚險視畢與藥加葠不吝後過其門仍入視兒兒差乃已以故人飲食必祝至繪像於家拜之二琦早失母事後母謹婚嫁弟妹皆如父母意所欲行城中火兩近其慮俱退風撲滅比鄰賴之咸以爲孝友及濟施之報也長子允謙字谷庵爲諸生有名次子懋謙字汝和貢生皆善醫亦承父志篤於行誼云

儀真縣志許夢熊號環山其先金陵人祖父官太醫院熊徙居於真以方脈著名而診視之法與人迥異嘗曰藥有味有性調味辨性須按治五行而相證投之一日有病者患火診諸醫誤飲以涼藥狂躁異常熊滿診之曰當急以參附薑桂投服或曰狂躁若此再用熱劑噴血奈何熊曰不難藥用井水浸冷服之當立效如法治之一服躁稍定再服而病者帖然臥矣未數日病果愈於是有詰之者曰子何見及此熊曰此證陰虛陽浮寒涼激之故發狂我以暖補使其水生而火方上炎水火既濟心神自寧其用藥入神大類如此其醫業傳姪嘉慶號春環

張遂辰

仁和縣志張遂辰字卿子少羸弱醫不獲治乃自檢方書上自岐鵠下至近代劉張朱李諸大家皆務窮其旨病遂已世延之治輒愈塘棲婦人傷寒十日熱不得汗或以錦黃下之主人懼延遂辰脈之曰脈強舌黑而有光投錦黃爲宜此人舌黑而潤不渴此附子證也不汗者氣弱耳非參芪助之不可一劑而汗月塘沈文學咯血遂辰處一方退謂其友曰富小愈再發則不可治矣易他醫果愈閱數月死友駭之請其故曰一日咯血遂臥牀岸此不獨心肺傷五臟皆損矣得稍延者年壯參力勝也其弟子張開之沈亮辰最著遂辰善詩古文詩有湖上白下集學者多稱道之

劉邦永

廣東通志劉邦永從化水東人宋翰林樞直劉良然之後生有異質少孤貧樵於山中遇異人

呼與俱去授以岐黃之術及上池刀圭之法久之盡其秘歸遂以醫行世一時號稱國手視病多望形察色或以一指按脈即知吉凶可治者輒喜用藥不問資財不治者不與藥泣問之則以指數示曰某日去矣無不如言其用藥不拘古方率以己意變通人多莫測尤精太素脈以斷修短無不中者人皆以爲神迎治殆無虛日嘗爲一陳媼治病媼請其數永以竹爲籌封置岳中與之曰歲取一籌盡之年某月某日是其數也已而果然又爲當道某愈危疾謝以百金辭不受因問之永曰予未有子見公侍女意欲得之公笑曰君何不早言即與二婢後邑令王嘉猷得痰證永診視脈色危之欲就醫於廣永勸弗行令怒囚之曰返時治汝罪既而卒於舟中乃遺命釋永永哭曰我固憂其不返也永雖以術名然爲人狂脫恒垢衣敝履笑謔自喜或側帽蓬首袒裼捫蝨見尊貴人弗恤尤好談仙家上界事人以爲顛廢因自號廢翁卒著樂方甚富人得其方者輒取效今所傳惠濟方四卷

祝堯民

虞初新志觀巢夫字堯民洛陽諸生也少以文名崇禎甲申遂棄制藝爲醫自號薛衣道人得仙傳瘍醫凡諸惡瘡傳其藥少許即愈人或有所斷脛折臂者請治之無不完若剝腹洗腸破腦濯髓則如華陀之神里有破賊斷頭者頭已殊其子知其神謂家人曰祝巢夫仙人也速爲我請來家人曰郎君何妄也頭不連項矣彼即有返魂丹烏能合既離之形骸哉其子固強之而後行既至堯民撫其臂曰頭雖斷身尚有暖氣暖氣者生氣也有生氣則尙可以治急以銀針

紐其頭於項既合塗以末藥一刀圭熨以炭火少頃煎入參湯雜他藥烙其齒灌之須臾則鼻微有息矣復以熱酒灌之逾一晝夜則出聲矣又一晝夜則呼其子而語矣乃進以糜粥又一晝夜則可舉手足矣七日而創合半月如故舉家拜謝願以產之半酬之堯民不受後入終南山修道不知所終無子其術不傳

繆希雍

金壇縣志繆希雍字仲淳由常熟遷居金壇與東林諸先達相友善工岐黃術有殊解一折衷於理推本神農圖經辨其性味之所以然屢有奇驗著廣筆記本草單方江陰司訓莊繼光刻之以行卒時翰林學士錢謙益經紀其家

趙獻可 子貞觀

鄞縣志趙獻可字養葵自號巫厓閩子好學淹貫尤善於易而精於醫其醫以養火爲主嘗論命門乃人身之君養身者既不知樽節致戕此火以至於病治病者復不知培養此火反用寒涼以賊之安望其生著醫貫一書論議甚精俱前人未發爲醫家指南盛行於世後遊秦晉著述甚多有內經抄素問註及經絡考正脈論二本一例諸書子貞觀字如葵亦精於醫敦厚有古風治病不論貴賤未嘗計利嘗治人病夜半自往叩門候其脈證以用藥其篤厚如此亦有絳雪丹書痘疹論行世

王肯堂

明外史吳傑傳士大夫以醫名者有王肯堂字宇泰金壇人萬曆中舉進士選庶吉士授檢討以京察貶官終福建叅政肯堂博極羣書兼通醫學所著證治準繩爲醫家所宗

張介賓

會稽縣志張介賓號景岳性端靜易事難悅年十三隨父至京學醫於金英盡得其傳暇即研窮書史醫法東垣立齋喜用熟地黃人呼爲張熟地越人柔脆而幼即戕削熟地專補腎後輒效病未極人多不敢邀危甚乃始求救已無及矣然亦有死中得活者著有類經一書爲葉寅陽歎賞卒年七十八醫術中杰士也

馬蒔

浙江通志馬蒔字元臺會稽人註靈樞素問爲醫家之津梁

張璐

吳縣志張璐字路玉吳之明醫也能審慮實決死生有所著傷寒大成診宗三昧醫通行義諸書梓行於世

清

傅山

山西通志傅山字青主山西陽曲縣人少爲明末諸生博學尙氣節入清代肆奉母隱居肅然物外嗜酒喜花草工書畫尤精醫學其治疾時通以儒義不拘學派應手而效名重一時康熙

中以博學鴻詞召入都尋以老病放歸未幾卒醫書有男科女科產後編子眉醫術亦良

張志聰

浙江通志張志聰字隱庵清錢塘縣人與高世栻相友善康熙間同時學醫因不合時宜遂閉戶著書作傳道計有素問集註傷寒論注本草崇原侶山堂類辨等書均爲醫界所重

喻昌

江西通志喻昌字嘉言明清間新建人也博極羣書精力過人初治舉子業崇禎間以選貢入都無所就未幾而遭國變遂隱於禪學又由禪而攻醫往來南昌靖安間後又移寓江蘇之常熟所至皆以善醫名精心妙術冠絕一時著有醫門法律尙論篇寓意草行世

柯琴

慈谿縣志柯琴字韻伯邑人也閉戶讀書不求聞達研究醫術尤精傷寒之學病古今聚訟者多無所折衷遂著傷寒來蘇集傷寒論注論翼及內經合璧羅東逸集古方名醫方論採取琴之學說甚多

葉桂

吳縣志葉桂字天士號香巖邑人也祖紫帆通醫理父湯生益精其術桂少受家學年十四父歿從父門人朱某學聞人善治某證即往師之自十二至十八凡更十七師性復穎悟故能淹有衆長名著朝野年八十乃卒生平未嘗著述臨症指南一書乃後人所輯蘇浙人治病多

宗之餘書刊桂名者多僞託也

徐大椿

江蘇志徐大椿字靈胎吳縣人也生有異稟長身廣顙聰強過人於百家諸子星經地志首術
武技無不研究醫術尤精視疾能洞徹病原故用藥有神施鬼設之妙事親孝親歿後隱於回
溪自號回溪老人矮屋三椽得山林泉石之勝採藥工醫名望益隆高宗召見卒於都中華七
十九著有道德經注釋陰符經注釋樂府傳聲回溪道情神農本草經百種錄難經釋醫學
源流論蘭臺軌範醫貫砭疢謁言回溪醫案等書又有批評葉氏醫案及外科正宗各書

陳念祖

長樂縣志陳念祖字修園邑人也少孤家徒四壁篤志力學尤精於醫後舉於鄉服官畿輔所
至以醫術利民著述甚多有南雅堂醫書凡十六種

王士雄

海鹽縣志王士雄字孟英號潛齋邑人也遷居於杭曾祖學權祖國祥父升三世均善醫士雄
少孤貧矢志向學操術尤精不慕榮利時當洪楊之亂往來蘇浙間避難所至以醫名著述甚
多半毀於兵燹今所存者有潛齋叢書潛齋醫書五種及四科簡效方等書

齋